

লাল দুখা

শ্রীকেশবচন্দ্র গুপ্ত এম্ এ, বি, এল,

বরেন্দ্র লাইব্রেরী
২০৪, কর্ণওয়ালিস্ স্ট্রীট,
কলিকাতা ।

প্রকাশক—শ্রী বরেন্দ্রনাথ ঘোষ
২০৪, কর্ণওয়ালিস ষ্ট্রিট কলিকাতা

প্রথম সংস্করণ
মূল্য দেড় টাকা
শ্রাবণ ১৩৪৩

প্রিন্টার—শ্রী বরেন্দ্রনাথ ঘোষ...আইডিয়াল প্রেস
১২১, হেমেন্দ্র সেন ষ্ট্রিট, কলিকাতা।

सर्वज्ञ-सर्वशक्ति

লাল দুশ্বা

—সংস্কার—

সুলভ-সংস্করণ মনু-সংহিতা, বিষ্ণু-সংহিতা প্রভৃতি গ্রন্থের সনাতন আধ্যাত্মিকতা উপলব্ধি ক'রে নিশিকান্ত নিম্নলিখিত রূপ ধ্রুব-সিদ্ধান্তে উপনীত হয়েছিল :—সৃষ্টির প্রাক্কালেই মানুষের সমাজে শ্রম-বিভাগ রীতি প্রবর্তিত হয়েছে ; আর সেই সময়েই পরের ধন না-ব'লে বা মিথ্যা-ব'লে নিজস্ব করার শ্রম একটা নির্দিষ্ট স্থান পেয়েছে ব্যবসা-বাণিজ্য, বৃত্তি-উপবৃত্তির নির্ঘণ্টে ! বটতলার রামায়ণ-মহাভারত এবং বিদ্যাসাগরের দ্বিতীয়-ভাগও তার মনের মধ্যে ঐ সিদ্ধান্ত সুদৃঢ় করেছিল ।

অবশ্য এ-সবঐতিহাসিক প্রভুত্বের গবেষণায় সে রত হয়েছিল পূর্ণ-যৌবনে । শৈশবে ও কৈশোরে এ-জ্ঞান দুর্লভ সংস্কার-রূপে প্রবুদ্ধ হতো তার মনের আকাশে । তার ফলে বিদ্যালয়ে নিশিকান্তর সহপাঠীরা প্লেট-পেন্সিল, জলছবি থেকে আরম্ভ ক'রে পাঠ্য-পুস্তক—এমন কি, মাসিক বেতনের টাকা অবধি হারাতে আরম্ভ ক'রেছিল । নিশিকান্তর দেহ ছিল সুঠাম, গলার স্বর মিষ্ট, হাসি মন-ভুলানো ; সুতরাং 'কোনদিন কারও মনের

লাল ছদ্ম

ত্রিসীমায় এমন সন্দেহ উঁকি মারতে পারেনি যে, নিশিকান্তর হাত-টান আছে! যে-সব পদার্থ তার কন্ঠিন্‌কালে বিদ্যমান ছিল না, সেগুলোর হারানো সংবাদ মাঝে মাঝে ছাত্রমহলে প্রচার হতো! তখন জন-প্রিয় নিশিকান্তর হারানিধির উদ্দেশ্যে শত হৃদয়-উৎস থেকে শোকোচ্ছ্বাস প্রবাহিত হতো। কিন্তু তার অব্যবহিত পরক্ষণেই শোকার্জুদের বিবিধ বস্তুর সন্ধান মিলতো না।

প্রবেশিকা পরীক্ষায় অনুভীর্ণ হয়ে দারুণ শোকে নিশিকান্ত অঙ্কের মাষ্টারের বীজগণিত আর পাটীগণিত ধার ক'রে কলেজ ষ্ট্রীটের এয়াড্রিন শেখের পুরাতন পুস্তকালয়ে বিক্রয় ক'রেছিল। সেই অর্থে 'জনা', 'আলিাবাবা' আর 'প্রফুল্ল'র অভিনয় দেখে তবে তার তাপিত প্রাণ শীতল হয়েছিল।

দিনের পর দিন সে যেমন শশিকলার মত দেহায়তনে বান্ধিত হচ্ছিল, আইন-ভাঙ্গা-নীতির ঐকান্তিকতা তার মনোরাজ্যের সিংহাসনে ঠিক তেমনি বেগে দৃঢ়-প্রতিষ্ঠা লাভ করছিল।

পঁচিশ বছর বয়সে চুরি, জুয়াচুরি প্রভৃতি চারুশিল্পে ব্যুৎপন্ন হয়ে গুরগন খাঁ পেশোয়ারির সঙ্গে দশ-আনা ছ-আনা বখরায় নিশিকান্ত আফিম-কোকেনের ব্যবসা ফাঁদে। কু-লোকে বলতো, "মহা-স্বদেশী প্রদর্শনী"তে ঝনুটু বক্‌সের বে-নামীতে তার একটা জুয়ার ঠুলুও ছিল। কিন্তু ইতিহাসে সে কথা উল্লেখ পাওয়া যায় না। মাঝে একবার নিশিকান্ত "দেশ-মাতৃকা গুণ-চট্" লিমিটেডের শেয়ার বিক্রয়ের জন্তু অনেক ভদ্র-সংসারে যাতায়াত করেছিল। সে সময় তার সংঘম ছিল অমানুষিক। দুটা মাত্র রূপার সিগারেট-কেস্ ভিন্ন কোনও পরদ্রব্য প্রবেশ-লাভ করেনি তার

লাল ছদ্ম

পকেটে সেই ছয় মাসে—যে সময় সে দেশীয় শিল্প প্রচারে আত্মনিয়োগ করেছিল।

অপরাধ সম্বন্ধে যারা গবেষণা করেছেন, তাঁদের অভিমত, অপরাধীর। ভিন্ন ভিন্ন সম্প্রদায়ে বিভক্ত। তাদের জাতি-বিভাগে ছুত-অছুৎ আছে! যে নোট জাল করে, সে ভাবে, ছিঁচকে চোর অস্পৃশ্য! প্রাচীর-টপকানে। সিঁধে চোরকে ভাবে—বেটা নীচ! টপ্কা-ওয়লাকে পকেটমাব জানে—ধোঁকাবাজ! অপরাধীর সেরা কোম্পানী-প্রমোটার, ব্যাঙ্ক-মারা প্রভৃতি মহাশিল্পী জুয়াচুরী-গদীকে ব্যাঙ্কের ছাতা বোগাস-ফার্ম ব'নে হের-জ্ঞান করে! নিশিকান্তর কিন্তু অপরাধের প্রতি অনুরাগ বিশ্ব-জনীন। ডিগ্‌নিটি অফ লেবার সে মান্তো, কাজেই শ্রমের সম্বন্ধে সে প্রত্যক্ষ করতো সকল রকমের হাত-সাফাই, মাথা-খেলানো অপরাধের “কাজে”। একবার সে অপরাধ-শিল্পকে বৈজ্ঞানিক ভিত্তির উপর প্রতিষ্ঠিত করবার উদ্দেশ্যে “অপরাধ বিশ্ব-ভারতীর” এক প্রস্তাব নিয়ে অনেক সন্দাবের দ্বারস্থ হয়। কিন্তু তাদের একচেটে ব্যবসার মাঝে বাহিরের বাজে লোককে স্থান দিতে তারা সম্মত হয় নি। তাই সমাজ একদল দক্ষ-শিল্পীর হাতে লুপ্তিত ও বঞ্চিত হবার সুযোগ হারিয়েছিল!

—ফৌজদারী উকীল—

মৃগাঙ্ক মিত্র ফৌজদারী কোর্টের উদীয়মান উকীল। ব্যবহার-বৃত্তি-বৃক্ষের মগ-ডালে না উঠলেও মৃগাঙ্ক বাজীমাতের নিশানাঙ্ক-শোড়াব

মাল হুম্বা

মত খুব জোর-কদমে ব্যবসা চালিয়েছিল। তার মন্দ-ভাগ্যা, সমকালের উকীলরা তাকে হিংসা করতো বিনগ্ৰণ। সেটা উদার-বৃত্তি কি না, তাই পরশীকাতরতা ও পরনিন্দা খুব উদারভাবে উকীল-খানায় রাজত্ব করে। একদল উকীল বলতো, মৃগাঙ্কর বাগ্মিতা সরকারের পক্ষে বায়সাধা। কারণ, তার চাপড়ে টেবিল ফাটতো, গলার জোরে দেওয়াল থেকে বালি খণ্ডতো। মৃগাঙ্কের দেড়-আলমারী পুরাতন-সংস্করণ আইনের কেতাব ছিল। কিন্তু ভাবের মৌলিকতা আর সহজ বুদ্ধির উৎস পাছে রুদ্ধ হয়, এই ভয়ে সেগুলো সে স্পর্শ করতো না। যদি কোনও দিন সে কিম্বা অল্প কোনও উকীল হাকিমদের সামনে আইনের পুস্তক দেখাতো, তা হলে হাকিমরা হেসে বলতো—আজ্ঞে ও আইনটা খুব উত্তমরূপেই আমার জানা আছে।

কাজেই আইনের পুস্তকে বাজে অর্থব্যয় না ক'বে মৃগাঙ্ক উন্নত অর্থ দ্বারা স্ত্রীকে গহনা উপহার দিত। আইন না দেখানোর জগু হাকিমরা তার উপর থাকতো তুষ্ট এবং অলঙ্কার লাভ ক'রে স্ত্রীজাতির সনাতন-রীতি-অনুসারে গৃহ-লক্ষ্মী থাকতো অনুরাগিনী। পুলিশ-কোর্ট থেকে মৃগাঙ্ক গৃহে প্রত্যাবর্তন করলেই এক-মুখ হেসে ভার্য্যা অনুরোধময়ী জিজ্ঞাসা করতো—পান চাই? না, তামাক চাই?

বাগ-ও-বাহারের নায়ক বাদশাহ আজাদ বক্‌সের মত মৃগাঙ্কর সুখের সংসারে বার্কিকোর প্রদীপ—পুত্র-কন্যা ছিল না। সর্বমঙ্গলা, ষষ্ঠীতলা, মাণিকপীর কেহই মৃগাঙ্কর সে অভাব পূর্ণ করতে পারে নি।

রথ-যাত্রার ঠিক পূর্বদিনের কথা। আকাশ পাতলা মেঘে ঢাকা—টিপ টিপ ক'রে কখনও বৃষ্টি পড়ছে—কখনও বা ইলসে-গুঁড়ি।

লাল তুঙ্গা

বেলা তখন সাড়ে নয়টা । উকীল মৃগাঙ্ক মিত্র মাথায় ঢালছিল জল, মুখে বলছিল ঠাকুরকে ভাত বাড়তে—কিন্তু মন ছিল একটা জটিল ধোঁকাবাজির কেসে । সেদিন সওয়াল-জবাব । মৃগাঙ্ক মনে মনে বক্তৃতার ধরতাই আর শেষের কক্ষারের কথাগুলো গুড়িয়ে নিচ্ছিল । হঠাৎ সংবাদ এলো, অতি-প্রয়োজনীয় কাজে এক মক্কেল তার সাক্ষাৎ-প্রয়াসী ।

পুলিস-কোর্টের উকীলের জীবনে এ ঘটনা নিত্য ঘটে । কলেরা-কেসের ডাক্তারের মত ফৌজদারী-কেসের উকীলের ভাগ্যে জোটে বেশীর ভাগ জরুরী কেস । তারকেশ্বরের গামছায় মাথা মুছতে মুছতে মৃগাঙ্ক আবার কর্মক্ষেত্রে প্রবেশ করলে । দিব্য নধর-কাস্তি এক মক্কেল । চোখে সোনার চশমা, পাতলা গালপাট্টা দাড়ি, পাতলা গোঁফ ! গায়ে পাতলা পাঞ্জাবী, পায়ে “শ্রীচরণ-শোভন-পাটকাগারের” হাল-ফ্যাশনের চটি । ওকালতী-সিনেমায় উত্তম ভূমিকা অভিনয় করে তারা—যারা কাজে তাচ্ছিল্য দেখায় ! অর্থোপার্জনটা সেন অযাচিত ষাড়ে-পড়া ভূত—এই রকম ভাব দেখায় ! লোভকে মনের নিভৃত নিলয়ে লুকিয়ে রেখে সন্ত-কুইনাইন-খাওয়া মুখ-ভঙ্গিমান মৃগাঙ্ক বললে—আঃ, বড় অসময়ে এসেছেন ! এখন আমি নূতন কাজ নিতে পাববো না ।

যুবক অতি কাতরভাবে বললে—আজ্ঞে অসময়—তা বুঝেছি । কিন্তু আপনি না রক্ষা করলে আমার উপায় নাই । বড় বিপন্ন হয়েই এসেছি । একবার বড়বাজার থানায় যেতে হবে ।

—থানায় যেতে হবে ? কি বলেন আপনি ? এ সময় হবে না ।

মিষ্ট-কণ্ঠ মক্কেল অনেক কাকুতি-মিনতি করলে । এক সঙ্গে সাড়ে দশটার সময় মৃগাঙ্কর পাঁচজন হাকিমের কোর্টে নয়টা কেসের ফর্দ গুনেও

লাল ছদ্ম

মক্লেণের কাতরতা নিকুংসাহ হলো না। তার নির্দোষ ভাইকে পুলিশ বিনা-অপরাধে গেরেফতার করেছে এক প্রবঞ্চকের মিথ্যা অভিযোগে! তাদের বংশে এরকম দুর্ঘটনা অশোক রাজার আমল থেকে কখনও ঘটেনি—তার পূর্ক-পরিচ্ছেদের ইতিহাস তার অবিদিত! সভ্য দেশের পুলিশ বিনা-দোষে মানুষের এমন নিগ্রহ করতে পারে, এ সন্দেহ পূর্বে তার মনের চোঁকাট পার হয়নি—যদিও সে প্রত্যহ প্রভাতে অমৃতবাজার ও দৈনিক বসুমতী পড়ে।

অবশ্য ৫০ টাকা এমন বেশী কিছু নয়। সে আপাততঃ নগদ ২০ টাকা মৃগাঙ্ক বাবুর হাতে দিল। বিপদ বন্ধু-বান্ধবকে চিরদিন সঙ্গে ক'বে নিয়ে আসে। তা না হ'লে তার মরিশ কাউলে পথে বিকলাঙ্ক হয়ে পড়বে কেন? সে ছুটে ট্যাক্সি ডাকতে গেল।

মক্লেণ অপর কেহ নয়—নিশিকান্ত। কালবৈশাখীর ঝড়ের মত এসে এক পশলা শীতল জল তেলে বিজলীর মত ছুটলে। সে গাড়ী ডাকতে।

এই অপ্রত্যাশিত পঞ্চাশ টাকার মিষ্ট-নিক্লেণের তালে মৃগাঙ্ক 'গুন্ গুন্' স্বরে গাইছিল—তায় রে নায রে নায রে না! স্বী অনুরোধময়ী চাঁপার কলির মত আঙুলে তার গলায় সাদা-কালো রঙের টাই বেঁধে দিচ্ছিল। সে একবার বাহিরে একাধিক লোক আসার শব্দ পেলে। তারপর নিশিকান্তর মন্ত্রস্বরও গুনলে—মামাবাবু!

সত্যই বেচারী সপরিবারে বিপন্ন। তা না হলে সে তার মাতুলকে সঙ্গে ক'রে আনবে কেন?

উকীল অনুরোধময়ীকে বললে—হাত চালিয়ে নাও।

পরমহংস দেবের ছবির উদ্দেশে প্রণাম ক'রে তেত্রিশ কোটি-দেবতার

লাল ছদ্ম

আশীর্বাদ ভিক্ষা ক'রে সুপারি-লবঙ্গ-ছোট-এলাচ-মেশানো মশলা মুখে দিয়ে নেমে এসে মৃগাঙ্ক দেখলে, তার কর্মা-কক্ষে এক অচেনা আগন্তুক। অপরিচিত ব্যক্তি সশ্রদ্ধ বিনয়ের সঙ্গে উকীল বাবুকে নমস্কার করলে। তিনি বললেন—কি বাপু ?

—আজ্ঞে, আমি স্বর্ণকার।

মৃগাঙ্ক মনে মনে ভেঁজে নিলে—স্বর্ণকার ! বিশ্বাসঘাতকতার মামলা—এগুলো অনেক দিন চলে।

প্রকাশ্যে বললে—স্বর্ণকার ! বেশ, ভালো ! কি প্রয়োজন ?

—আজ্ঞে, অলঙ্কারগুলো পছন্দ হয়েছে কি ?

—অলঙ্কারগুলো ! কিসের অলঙ্কার ?

—আজ্ঞে, বিবাহের অলঙ্কার। আপনার কন্যার বিবাহের জন্ম—লোকটা পাগল না কি ? যাত্রা ক'বে কর্মাঙ্কলে যাবার সময় এ কি জঞ্জাল !

—কন্যার বিবাহ ! জ্বর-বিকারের ধমকে ভুল বক্ছ না কি ?

—আজ্ঞে, এই যে আপনার ভাগ্নে বাবু গহনা নিয়ে এলেন—মশায়ের কন্যার বিবাহের জন্ম !

কি সর্বনাশ ! মাথা নাই, তার মাথা ব্যথা ! বন্দ্য ভাষ্যার কন্যার বিবাহ ! ভগ্নীত্নীর ভাগিনেয় ! মোটে মা রাখেন না, বাসী আর .পাস্তা ! কিন্তু তার পুলিশ কোর্টের অভিজ্ঞতার ফলে মৃগাঙ্ক বুঝলো, ব্যাপারটা সহজ নয়।

অনেকক্ষণ জেরা-করার পর রহস্যের মর্মভেদ হলো। গোপাল স্বর্ণকারের দোকান তার পাড়ায়। আধ ঘণ্টা পূর্বে এক গৌরবর্ণ বুঝ

লাল ছদ্ম

গিয়ে তাকে সমাচার দেয় যে, চঠাং মৃগাঙ্কর কণ্ঠার বিবাহ স্থির হয়েছে !
পাত্র বিদেশী। করমাশ দিয়ে অলঙ্কার-নির্মাণের সময় নাই। সে
গোপালকে অনুরোধ কবলে, তার দোকানের তাবৎ তৈয়ারী অলঙ্কার
উকীল মণায়কে বিক্রয় কর্তে। অপর এক গ্রাহকের তাগা, বালা আর
কণ্ঠহার তৈরী ছিল। উকীলের যুবক ভাগিনেয়ের আগ্রহাতিশয্যে সে
সেই গহনাগুলো উকীলের মনস্কৃষ্টির জন্ম নিয়ে এসেছিল। এক পল্লীতে
বাস, বিপদ-আপদও আছে। একজন নামজাদা উকীলের সঙ্গে ঘনিষ্ঠতার
এমন সুযোগ সে ছাড়বেই বা কেন ?

তাকে মৃগাঙ্কর কক্ষ-কক্ষে বসিয়ে নিশিকান্ত গহনাগুলো মামীমাকে
দেখাবার জন্ম নিয়ে গেল। অন্দর-মহলের দরজার কাছে গোপাল
তাকে দেখেছিল,—‘মামাবাবু’ বলে ডেকেছিল, তাও গোপাল শুনেছিল।
সে জানে, ভাগ্নে-বাবা অন্দর-মহলে প্রবেশ করেছে !

উকীল স্পষ্ট বুঝলো, প্রবঞ্চক বাড়ীর বাহিরে চলে গেছে।

উকীল তাকে বোঝায়, সে বোঝে না। সে বলে—আহা, কি
দিব্য চেহারা আপনার ভাগ্নে-বাবার ! কি মিষ্ট বচন !

উকীল বলে—ভাগ্নে রে ভালো, আমার বাবার কণ্ঠাই জন্মেনি তো
ভাগ্নে-বাবা অবতীর্ণ হবে কোন্ গগন থেকে ?

গঙগোল, হাসি, কান্না, বকাবকিতে উকীলের আর কোর্টে যাওয়া
হলো না। থানায় নিয়ে গিয়ে মৃগাঙ্ক গোপালের এজাহার লেখালে।

অ-করুণ দারোগা বলে—লোকটার রসবোধ আছে। এই সেকর
বেটারাই আমাদের জীবনের কাল। যত চোরাই মাল এরাই গালায়।

বেচারি গোপাল শিরে করাঘাত কর্তে লাগলো। তার সাতপুরুষে

মাল তুষা

কেউ কোন দিন চোরাই মাল “সামাল” দেয়নি। খরিদারকে না মাল দিলে তাকে নিজেকেই জেলে যেতে হবে! কিন্তু তার কাতরোক্তি কে শোনে?

নিশিকান্ত হাসি-মুখে তার এক বন্ধুর কাছে এক চিলে উকীল আর পোদার মারার গল্প বলছিল।

সন্ধ্যার পর টেকটাদ টেকিটাদ বেনারসী কাপড়ওয়ালা এসে উকীলকে একখানা জঁকড়ে রসিদ দেখিয়ে বললে,—আজ্ঞে, কাপড় পছন্দ হয়েছে?

সেই এক গল্প! নিশিকান্ত তার মামাতো বোনের বিবাহের জন্ত বেনারসী কাপড় নিয়েছে জঁকড়ে মামীমার পছন্দের জন্ত। নামজাদা উকীল! তার সুন্দর ভাণের হাতেই সে তিনখানা কাপড় মায় ব্লাউজ-পিস্ তখনি পাঠিয়ে দিয়েছিল।

মৃগাকর পাগল হবার জো! এ ভাগনেও গৌরবর্ণ বটে, তবে এর ফরাশী দাড়ী আছে—নাকের ডগার উপর একটা আঁচল! সে দিন তার আর মক্কেলের কাজ করা হলো না। কারণ, ঝাঁকা ঝাঁকা সন্দেশ, বালুসাই, ক্ষীরমোহন সব আসতে শুরু হলো। মাটির ভাঁড় এলো মাটির গ্লাস, মায় কলাপাতা। মাটির ভাঁড়ের দাম দিয়ে এসেছিল না কি তার সরকার—যার গলায় তুলসীর কণ্ঠী আছে। ময়রাকে খাবারের আদেশ দিয়ে এসেছিল উকীল বাবুর লোক—যার মুখে আছে বসন্তর দাগ!

এই সব লোককে বুঝিয়ে ঘরে ফেরাবার কসরৎ যখন করছেন উকীল বাবু—তখন দরজায় প্যাঁ-আঁ-আঁ ক’রে ব্যাগ পাইথ বেছে উঠলো।

লাল হুয়া

তাদের থামাবে কি ! রসুন-চৌকীর সানাইওয়ালা তান ধরলো
ভৈরবীতে—কাদের কুলের বউ !

কাতর হয়ে মা জানকী যা বলেছিলেন, প্রাণের ভিতর থেকে মৃগাঙ্ক
তাই বললে—“মা পৃথিবী, হু-ফাঁক হও, আমি প্রবেশ করি।” কিন্তু
সে তো ধরার মেয়ে নয়, কাজেই তার প্রার্থনা না-মঞ্জুর হলো !

মৃগাঙ্ক হু' পয়সা রোজগার করছে। তার দরজায় সাঁঝে সকালে
পাঁচ-সাতখানা মোটর-গাড়ী দাঁড়ায়—এ কাণ্ড সহ্য করবার মত প্রকাণ্ড
প্রাণ এ পল্লীতে কম লোকেরই ছিল। তার আত্মীয়-স্বজনও তার উপর
বিরক্ত হতো তার সৌভাগ্য-লাভ-রূপ মহা-অপরাধের জন্য ! সবাই
তাই আজকের এই শুভদিনে টাঙ্কিরি মেরে রসিকতার পরিচয় দিলে।

একদল কান্দালী “পাতের” খাবারের জন্য যথাক্রমে আগত হয়ে
“জয় হোক”, “জয় হোক” বলে চীৎকার করছিল। সেই দলের মধ্যে
ছিল নিশিকান্ত আর তার অন্তরঙ্গ বন্ধু বেঁটে বন্ধু। এমন আনন্দ বহুদিন
সে উপভোগ করে নি !

শেষে যখন একটা কাগজের হাতী এলো, আর তার সঙ্গে রাজ্যের
ছেলের দল চীৎকার করে উঠলো, তখন বাড়ীর মধ্যে অনুরোধময়ীর
মুর্ছা হলো। তাঁর হিষ্টিরিয়ার ব্যারাম ছিল বহুদিন। দাসী এসে যখন
সংবাদ দিল যে, মা ঠাকুরগুণের অষ্টেলিয়া হয়েছে, তখন মৃগাঙ্ক পাগলের
মত ছুটে বাড়ীর মধ্যে প্রবেশ করলে। তার টেলিফোনের ফলে সদল-
বলে পুলিশও সেই সময় এসে পৌঁছুলো। বে-গতিক বুঝে নিশি ও বন্ধু
ভীড় ছেড়ে চলে গেল।

পথে বন্ধু বলে—নিশি, এ খেলা খেললে কেন ?

লাল হুয়া

নিশিকান্ত হেসে বললে—মুখ্য বেটার একটু তমো হয়েছে। সেদিন আমার একটা লোক ছ' শিশি কোকেন-সমেত ধরা পড়েছিল। তাকে পাঠিয়েছিলাম মৃগাঙ্কর কাছে। সে অনুনয়-বিনয় করেছিল কম ফী নেবার জন্ত। তাকে মৃগাঙ্কর বলেছিল—আমার কি বাপু মেয়ের বিয়ে যে তোমার জন্ত সস্তায় কেস করবো। লোকটা ছিল ব্যাঙ ওয়ালা—অবসর-সময়ে কোকেন বেচতো। তাই উকীলের মেয়ের বিয়ে দিলাম আজ!

—কিন্তু মলো যে পোদার বেনারসীওয়াল!—আরও পাঁচ জন।

—ওটা সাইড-শো। রাজায় রাজায় যুদ্ধ হ'লে উলুখড়ের প্রাণ বাঁচে না!

তার অকাট্য বুদ্ধিতে বেঁটে বন্ধু খুশী হয়ে একটা বিঁড়ি ধরালো।

—জজের বন্ধু—

যোধমল হনুমান-দাসের মনিব-গোমস্তা বলদেও দাসের দূরদৃষ্টির খ্যাতি বর্ধমানের ব্যবসায়ী-সম্প্রদায়ের হৃদয়ে যুগপৎ ভয় ও বিস্ময়ের সৃষ্টি করতো। প্রথমে সে অতি-ক্ষুদ্র গোমস্তারূপে মাসিক পাঁচ টাকা বেতনে দোকানে ভর্তি হয়েছিল। সে আজ পঁচিশ বৎসরের কথা। এখন সে যোধমল হনুমান-দাসের বখরাদার-হিসাবে শূন্য বটে, কিন্তু প্রতাপে একাই একশো! ছাগল ভয়ে ভয়ে উপত্যকায় নেমে জল খায়; তার পর তুড়িলাফ্ দিয়ে শৈল-শির হতে শৈল-শিরে উঠে তুঙ্গ-শৃঙ্গে দাঁড়িয়ে অবজ্ঞার দৃষ্টিতে গিরি নদী উপত্যকার দিকে তাকায়! বলদেও দাস কাটগড়িয়াও

লাল দুখা

তেমনি উপেক্ষার দৃষ্টিতে বর্ধমানের বাণিজ্য-প্রবাহ ও সঙ্কীর্ণ ব্যবসায়-ক্ষেত্রকে দেখতো। ডাল চাল তিষি ভূষি সূতা কাপড় পাট গুণচট সকল ব্যবসাতেই মা-কমলা বলদেবের মুখের দিকে তাকিয়ে প্রসন্নভাবে হেসেছিলেন। যখন চিরদিনের চঞ্চলার একটু অস্বাভাবিক চেপে-বসি থমথমে ভাব দেখা গেল যোধমল হনুমান দাসের গদিতে, তখন বলদেও এক সরিষার তৈলের কল স্থাপনা করলে বৃহদাকারে, অপ্ৰশস্ত বাঁকা নদীর ধারে। এইবার গণ্ডগোলের দেবতা সুবুদ্ধি বলদেবের বিবেচনা-শক্তির মধ্যে সামান্য একটু ভেজাল মিশিয়ে দিলেন! বলদেও এখন অতি চালাক হয়েছে—পাট্টা কবুলতি চুক্তিপত্র নিজেই মুসাবিদা করে উকীল-খরচা বাঁচায়। যে জমীর উপর তার কল প্রতিষ্ঠিত, সে জমী এক হীন-ভাগ্য গৃহস্থের। যে-দলিলের বলে বলদেও জমীর দখল নিলে, তার মুসাবিদার ফলে তাতে রয়ে গেল গলদ।

সরিষার তৈলে গোঁজার তৈলের গোঁজামিল দিয়ে যোধমল হনুমান-দাস দেশময় বেরিবেরি, অজীর্ণ প্রভৃতি রোগ বিস্তারিত করলো! সবল ব্যগ্র-ক্ষত্রিয়ও রথ-তলায় তাদের কলের তৈলে-ভাজা পাপর খেলে অর্ধরাত্রি পীড়িত হতো। এই কাজের সঙ্গে সঙ্গে তাদের ঘরে এসে পড়লো অনেক সহস্র টাকা। তোষামোদ করে দেশের ভদ্রলোককে এক জোড়া কাপড় বেচে যে কৃত-কৃতার্থ হতো, সেই বলদেওয়ের ব্যবহারে এখন আর সে বিনয়টুকু দেখা গেল না। কাজেই যাদের অবস্থা ছিল না ভাল, হাতে ছিল না অর্থ, তারা জোট বাঁধলো, বলদেও কাটগড়িয়াকে টেনে নামাতে মা-লক্ষ্মীর কোমল কোল থেকে। মাত্র পর-সেবা ব্রত উদ্‌যাপন করুবার মানসে তারা জমীদারকে সুবুদ্ধি দিলে যোধমলের নামে উচ্ছেদের মামলা

লাল হুয়া

করতে। যে-সব উকীলকে বলদেও এখন কাজ দেয় না, তারা অনেক আইন আর নজীর আলোচনা করে দেখলে, বলদেওয়ের বিপক্ষে উচ্ছেদের রায় পাওয়া খুব সহজ কথা। তখন কলকজা সরিষা গৌজা চীনাবাদামের বস্তা প্রভৃতি নিয়ে উদ্ধত সবজাস্তা বলদেও কোন্ চুলায় স্থানান্তরিত হয়, তা তার শত্রুপক্ষ দেখবে!

সদরালার আদালতে বলদেওয়ের হার হলো। ঢোলসহরতে শহরময় তাব বিপক্ষ পক্ষ পক্ষাধিককাল এ সমাচার প্রচার করল। হু'এক জন মধ্যস্থ জুটে জমীদারে ও প্রজায় সদ্ভাব স্থাপনের চেষ্টা করে নি, এ কথা বললে সত্যের অপলাপ করা হয়। মাত্র চার হাজার টাকা সেলামীতে বলদেও মৌরসী পেতে পারতো। কিন্তু বলদেওয়ের তা হ'লে প্রতিষ্ঠা ক্ষুণ্ণ হতো। তাকে জজসাহেবের কাছে আপীল করতে হলো। রমারম্ ঝমারম্ লড়াই বাধলো! হু'পক্ষের দু'জন উকীল কল্যাণায় মুক্ত হলো, জনকতক উকীল মুদীর দেনা পরিশোধ করে ফেললে।

অর্ধেক সওয়াল জবাব শুনে জজসাহেব বাংলোয় গিয়েছিলেন লাঞ্চ খেতে। কাছারীর ময়দানে স্থানে স্থানে জোট বেঁধে লোক মামলার কথা বলছিল। নিজের কাজ ছেড়ে পরনিন্দার বিমল আনন্দে সারা শহর ছিল মশ্‌গুল। একটা টোকুরে কবি গাছতলায় ব'সে কাগজের ঠোঙার ওপর “বাকী”র সঙ্গে “বোয়ের শাঁকা” “তেলের কলে”র সঙ্গে “বংশ-গোপাল হল” মিলিয়ে এই যুদ্ধ বর্ণনা করে কবিতা রচনা করছিল। বিনা ব্যয়ে সবাই যেন ঝোড়দৌড়ের মাঠের উত্তেজনায় উৎফুল্ল!

এক নূতন উত্তেজনার সৃষ্টি করলে এই সময় ক'লকাতা খেতে আগত এক প্রকাণ্ড মোটরগাড়ী আর পরিপাটী বেশে ভূষিত তার আরোহী।

লাল দুখা

লোকে ছুটে তাকে দেখতে গেল। সুন্দর চেহারা, চক্চকে ইংরেজী পোষাক, সোনার বর্ণের নেকটাই—তার অন্তর থেকে কত জ্বাধফোটা রঙের আমেজ নিজেকে দেখাবার চেষ্টা করছে। মাথায় ধপধপে সাদা টুপি, মুখে দাঁকা চুরুট! আগন্তুককে লোকে জজের কোর্ট দেখিয়ে দিলে সোৎসাহে। সে অস্বাভাবিকভাবে হেসে পেস্কারকে জিজ্ঞাসা করলে—
জ্বাধি—মানে—ফণ্টার কোথায় ?

মিঃ হেনরী সিডম্যান ফণ্টার এম, এ-ক্যান্টব্ আই-সি-এস ! সেই জেলা-জজকে এ বলে জ্বাধি ! আর তাঁর অপেক্ষা মূল্যবান পোষাকে সজ্জিত ! এ বাঙালী সুপুরুষ তা হ'লে কেউকে ডা নয় ! অবশ্য রাজ-বংশের কেউ নন—তাঁরা বর্ধমানের সুপরিচিত। তবে কে এ ছদ্মবেশী জজ বন্ধু ?

ঠিক সেই সময় পেস্কার মশায় এক মূলতুবীর দরখাস্তের সঙ্গে আট আনা হস্তগত করছে ! এমন দুর্ঘ্যোগে জজসাহেবের প্রিয় সুসুদেব গুভাগমনে তার হৃৎকম্প হলো। কে জানে, আধুলীটা সাহেব দেখেছে কি না ! বেচারী তাড়াতাড়ি দাঁড়িয়ে উঠলো। হ' হাতে যতগুলো সম্ভব, সেলাম করলে। অতি বিনীতভাবে বললে—শ্রার, জজসাহেব লনুচো কর্ত্তে বাস্‌সাকে গেছেন।

—ওঃ ।

তারপর যেমন বিজলীর ঝলকের মত সে এসেছিল, তেমনি তড়িৎ গমনে চলে গেল। গাড়ীতে ওঠবার পূর্বে জনতার মাঝ থেকে সে অজানা জেনে নিল দুটা সংবাদ—আসানসোলের পথ আর আসানসোলের ডাক বাঙলার ঠিকানা। তারপর ভাঁক ভাঁক। স-আরোহী হাওয়া গাড়া উবে গেল।

লাল ছায়া

অনেক প্রকার জল্পনা কল্পনা চললো এই হারুণ অলু রসিদ সম্বন্ধে। কেউ সিদ্ধান্ত করলে—সে অন্য জেলার জজ। কেউ শপথ করলে, সে বাঙালার লাটসাহেবের মন্ত্রী। কেউ বললে—সে বারিষ্টার—জজসাহেবের সহকারী। কিন্তু সে জজ হেনরী সিডমান ফণ্ডারের অন্তরঙ্গ বন্ধু—এ প্রস্তাব সর্ববাদি সম্মতিক্রমে গৃহীত হলো।

বিধি পরিশ্রান্ত হয়, কিন্তু বলদেও হয় না! তার মনের দৃষ্টিতে এক রশ্মি আছে, রমন রশ্মি আছে। যেখানে অপরে দেখে যবনিকা, কুহেলিকা প্রহেলিকা বা চীনের প্রাচীর, সেখানে বলদেও দেখে মনোরম লতা বিতান, পরিশ্রমীর কস্মক্ষেত্র, লাভের নিব্বরিণী, সুলেমান রাজার রত্নাগার! সন্ধ্যার পর গদীতে বসে ভূরা তামাক সেবন করে বলদেও বুদ্ধির যুলে দিলে ধোঁয়া। সে তার বিশ্বাসী মন্ত্রী তুল্ভরত্ন সামন্তকে থেকে অনেক পরামর্শ করলে। তার ফলে অর্ধঘণ্টা পরে বলদেবের ফোর্ড গাড়ী সগর্বে তুল্ভরত্ন বক্ষে ধারণ করে অন্ধকারের অন্তর ভেদ করে আসানসোলের পথে ছুটলো।

—চামচিকা—

আসানসোলের ডাক-বাঙলায় দোতলার ঘরে নিশিকান্ত একটা ছোট পগ পান করছিল। বাবুচিখানায় আস্ত মোরগ সিদ্ধ হচ্ছিল। খানসামার ভারি ক্ষুধা। খোদা তায়ালার কজলে বহুদিন পরে একটা মানুষের মত মানুষ এসে ডাক-বাঙলা অধিকার করেছে। নিশিকান্ত একটু বিরক্ত

লাল ছায়া

হচ্ছিল। তাঁর হিসাব মতে বাদী-প্রতিবাদীর এক পক্ষের অস্তিত্ব আধ ঘণ্টা পূর্বে আসা উচিত ছিল। ফোনের কারণ তার আশ্চর্য্যাদার দায়ে। মনুষ্য চরিত্র সম্বন্ধে তার সিদ্ধান্ত কোন দিন ভুল হয় না।

তার অনুমতি নিয়ে খানসানা যখন ছল্ভকে তার দরবারে নিয়ে এলো, তখন প্রকৃতির নিয়মগুলার উপর নিশিকান্তুর আস্থা ফিরে এলো।

ছল্ভ যখন বললে যে হনুমানদাসের লোক, তখন সাহেবের রসবোধ ছেগে উঠলো।

সে বললে,—বাবা, হনুমান তো স্বয়ং শ্রীরামচন্দ্রের দাস। তার আবার দাস। তুমি আবার তন্ত্র দাস—চাম্‌চিকে।

—হুজুরের কাছে আর কি বলবো? সামান্য লোক। আমি হুজুরের দাস।

তার মিষ্ট বাক্যে হুজুর তুষ্ট হলো। সে তার চেহারার সুখ্যাতি করলে। তার মাথার টিকির দীর্ঘতার সংযমে আনন্দ পেলে। তার জামা দেখে বললে—বাবা, এ তো পাঞ্জাবী নয়, এ যে বাবা প্রাণ-ষাবি জামা। যে রকম টাইট—দম বন্ধ না হয়।

ছল্ভ টোপ ফেললে; বললে—হুজুর ব্যারিষ্টার সাহেব, আপনাব জেরা কি আর আমরা সহ্য করতে পারি?

এক পাত্র মধু পান ক'রে নিশিকান্ত বললে—বাবা, আমার সাত-পুরুষে কেউ ব্যারিষ্টার নয়।

—অর্থাৎ হুজুর জজ-সাহেব কি না।

—জজের চাপরাসীও নই, বাবা।

ছল্ভ বিশ মিনিট মল্লযুদ্ধ ক'রেও বার করতে পরেলে না—হুজুর

লাল ছায়া

কে ? ইত্যবসরে ছইন্ধির গন্ধে বেচারার বত্রিশ নাড়ী পাক খাচ্ছিল। নিশিকান্ত ভাঙ্গে তো মচকায় না। একুশ মিনিট দশ সেকেণ্ড বাদে সে আত্মপ্রকাশ করলে। সে ফিচিঙপুর রাজ্যের যুবরাজ। ফিচিঙপুর অবশ্য বাজে নাম। তার পিতৃদেব কোন্ রাজ্যের অধিপতি, তা সে বলবে না। হারি ফষ্টার আর সে প্রথমে ইটনে, শেষে কেম্ব্রিজে সহপাঠী ছিল। আহা, বুদ্ধ ফষ্টার সাহেব আর হারির জননী তাদের উভয়ের মাঝে কোনও পার্থক্য দেখতেন না। স্কুল-কলেজের অবসরগুলো তার বার্কসায়ারে ফষ্টারদের গৃহেই কাটতো।

সায়রের মধ্যে বর্ধমানের কৃষ্ণ-সায়বকেই ছলভ বড় বলে জানতো, বিলাতের সবই অদ্ভুত। সেখানে লোকে পুকুরের মাঝে ঘর বেঁধে বাস করে—এ সমাচারে সে মুগ্ধ হলো।

রাজপুত্র বললে—দেখ ছলভ, এ দেশে একটা ভুল ধারণা আছে যে, মেমেরা স্নেহ গোপন করে। এ একেবারে ভুল ধারণা। আহা ! হারির মা নিজের হাতে কাটলেট ভেজে কত না যত্ন করে আমাদের খাওয়াতেন।

মেমদের স্নেহ-তত্ত্বে অভিজ্ঞতা লাভ করবার মাত্র একটা সুযোগ ছলভের জীবনে ঘটেছিল। গোলাপবাগের পুকুর-ধারে এক মেমের একটা ছোট জাপানী কুকুর তার গা বয়ে কাঁধের উপর উঠে টিকিতে টান মেরেছিল। ছলভ যখন ভয়ে দৌড়ে পুকুরের চার পাড়ে দেড় পাক ঘুরেছে, তখন মেমসাহেব মধুরকণ্ঠে তাকে বলেছিল—মাট গাবরাও বাবু, মাট ঘাবরাও। ঠিক হায়। কুটা হায়। মেমসাহেব নিজের হাতে কুকুরকে তার স্বন্ধ থেকে নামিয়ে তার বিশৃঙ্খল টিকিকে শৃঙ্খলে এনেছিল।

কাজেই রাজপুত্রের গল্প শুনে ছলভের সন্দেহ ~~রইল না~~ ~~কম্বার~~

লাল হুস্বা

ধারার মত ঝ'রে পড়ে মেমেদের স্নেহ ! স্নেহের জীব তার শীতল প্রবাহে
নাকানি-চোবানি খায় ।

রাজপুত্র বললে—দেখ রত্ন, তোমাদের দেশের মশাগুলা আমাদের
দেশের দুর্গা-টুনটুনির মত ।

—যে আঙে !—ব'লে দুর্লভ জীবতত্ত্বের এত বড় অসম্ভব বিবৃতিটা
মেনে নিলে ।

হুজুর ছদ্মবেশে দেশভ্রমণে বেরিয়েছেন, তাঁর পাঠান ড্রাইভার
ব্যতীত আর কেহ অবগত নয়, রাজপুত্র এখন আসানসোলে ।

খানসামাকে নগদ ষোল আনার ঝলক দেখিয়ে দুর্লভ টিপে দিয়েছিল ।
সে ঘন ঘন গ্লাস ভর্তি ক'রে দিচ্ছিল—দমাদম সোডার বোতল খোলা
হচ্ছিল । রাজপুত্রের প্রগল্ভতার জনক যে দুর্লভের ফিচেল বুদ্ধি, এ সত্য
উপলব্ধি ক'রে দুর্লভ খুব আনন্দ লাভ করছিল । রাজাসাহেব তাকে
অনেক পীড়াপীড়ি করলে মুরগী খাবার জন্মে—হুইফি পান করবার জন্মে ।
তিনি ঞায়ের কষ্টি-পাথরে কষে তাঁর যুক্তির কোলীণ স-প্রমাণ ক'রে
দিলেন । তিনি ক্ষত্রিয় । দুর্লভ উগ্র-ক্ষত্রিয় । যা তাঁর পক্ষে ঝাণ্ড, তা
দুর্লভের পক্ষে অখাণ্ড হতে পারে না । দুর্লভের কিন্তু সনাতন হিন্দু-
ধর্মের উপর প্রগাঢ় আস্থা চিরদিন । সে রাজা সাহেবের অনুরোধে
কর্তব্যজ্ঞান হারালো না ।

আহারান্তে যুবরাজ বললেন—বাবা হুস্বা, এবার কবুল জবাব দাও তো,
বিধি আমার ভাগ্যে আজ রাত্রে এ দুর্লভ রত্ন জোগালেন কেন ?

তার পর সে গান ধরলে—যদি বা মিলাল বিধি, তোমা হেন
গুণনিধি—

লাল হুশা

তার দাড়ি ধ'রে বললে—ব'লে ফ্যালো বাবা রত্ন, কি মতলব !
আমার কোন্ জিনিষটার ওপর ঝোঁক পড়েছে ? হীরের আঙুঠী, না
মিস্ মেয়োর দেওয়া স্কার্ফ-পিন ? কিন্তু ভুলো না বাবা, স্মুট-কেসে
ছ-নলা রিভলভার আছে ।

মহাকবি শেক্সপীয়রের বর্ণিত নীতিতে বিশারদ ছিল সামন্ত—
জোয়ারের জলে নৌকা না ভাসাতে পারলে পাঁকে প'ড়ে থাকতে হয় !
সে মাহেক্ষণের সন্ধান পেলে । এবং হুজুরের শীচরণে এবার অভিপ্রায়
ব্যক্ত করলে । তার লক্ষ্মীমন্ত মনিবের চারিদিকে ঈর্ষার ষড়যন্ত্র চলেছে ।
তার মান ইজ্জৎ বাঁচে, তিনি যদি জজসাহেবের কোর্টের মামলাটায়
• বিজয়ী হন !

গম্ভীরভাবে রাজা বাহাদুর সমস্ত বিবরণ শুনলেন । এ মামলায়
বলদেবের জয় হওয়া উচিত—সে কথা সত্য । কিন্তু—

ঢল'ভ মনে মনে বললে,—ওস্তাদের মার শেষ রাত্রে । এইবার রাত্রি
অবসান ! প্রকাশে বললে—হুজুর, আমার মনিব খরচপত্র কর্ত্তে রাজি
আছেন !

—খরচপত্র ! মানে ?

—মানে আর কি বলবো হুজুর, শুধু হাত কি মুখে ওঠে ? যদি জজ
সাহেবকে কিছু উপহার দিতে হয়—

—তবে রে শা—! গর্জন ক'রে উঠলো যুবরাজ । গালাগালির চোটে
তার স্বর্গীয় তিন পুরুষকে জিভ্ কামড়াতে হলো—অবশ্য স্বর্গে যদি জিহ্বা
থাকে ! নিশিকান্ত অলস্ত সিগারেট ছুড়ে তাকে প্রহার করলে । বললে,—
আমার বন্ধু দেবচরিত্র ! ফষ্টার ঘুসখোর ? পাজী ! বেয়াদব ! চামচিকে !

লাল ছুয়া

সেকেন্দর, সিরাজ বা নেপোলিয়ন বাহুবলে বিশ্ব-বিজয় করেছিল, এ যাদের ধারণা, তারা বিশ্ববিজয় রহস্যের অ আও জানে না। ধীরতার হাসি বড় ষোকার অঙ্গাগারের প্রধান আয়ুধ। চোখের সামনে তরবারির গায়ে বিজলি চমকাচ্ছে—সে সময় ধীরভাবে হাসতে পারলে আততায়ীর নিজের উপর অবিশ্বাস গজিয়ে ওঠে—সে লক্ষ্যভ্রষ্ট হয়! হুলভরত্ব হাসি-বাণে অভিভূত করলে রাজপুত্রকে!

সে বললে,—বালাই! ষাট্! এমন অধর্মের কথা আমার মুখ দিয়ে বার হবে না, যে মুখে সকাল সন্ধ্যা হরিনাম বার হয়। হরি! হরি! বনমালি!

সাহেব আশ্বস্ত হয়ে বললে—তাই বলো। ঘুষ খাবে থানার দারোগা—ঘুষ খাবে রেলের টিকিট কালেক্টর—ঘুষ খাবে, ঘুষ খাবে—
হুলভ কথা জুগিয়ে দিমে—রাজ-ছোটের নায়েব গোমস্তা, ইস্তীমারের সারঙ্।

—থাক্।

অনেক কাণার নাম হয় পদ্মলোচন, অনেক কুঁজো-ভাঙ্গা, কাচ-ভাঙ্গা, দোয়াত-ওণ্টানো ছেলের নাম বাপ মা রাধে স্মশীল, নয় স্মবোধ। কিন্তু দূরদর্শী হুলভের পিতা তার নামকরণ করেছিল হুলভরত্ব—এক দৈব-প্রেরণার বশে!

সে বললে—ঘুষ হলো ঘুষ! তবে হাঁ—উপহার যদি বলেন—

—কবে বললুম রে বেটা!

—আছে, ধরুন, যদি বলেন,—তা হ'লে? উপহার হলো, মানীর মান রক্ষা, মহতের মহত্ব-পূজা, দেবতার নৈবেদ্য।

লাল হুয়া

এবার রাজাবাহাদুর বুকলেন যুক্তিটা।—দেবতার নৈবেদ্য ! চাল
কলা সন্দেশ—মায় খিচুড়ী ভোগ ! তুই বেটা রঘুনন্দনের পুত্র !

—আজ্ঞে, তা হ'লে মহারাজই রঘুনন্দন। কাবণ, আমি আপনারই
অপম সম্বনা।

—বিপন্ন—

সেদিন রবিবার। ফণ্ডার সাহেব সারাদিন টেনিস্ খেলেছেন ; সন্ধ্যার
সময় বাড়ী ফিরে স্নানান্তে রায় লিখছিলেন। ড'পক্ষের হোমরা-চোমরা
উকীলদের স্মৃতি, অস্মৃতি, কুস্মৃতি—সব তাঁর মনে গাঁথা ছিল ! সময় নষ্ট
করার পাঠ এ ইংরাজ যুবক পড়ে নি ! মেম সাহেব বে-গতিক বুকে
কালেক্টরের স্ত্রীর সঙ্গে কাটোয়ার পথে মোটর চালিয়ে সাক্ষ্য প্রকৃতির
শোভা সন্দর্শনে বেরিয়েছেন। চাপরাশির দলও অবসর বুকে যুরতে
বেরিয়েছিল। বাঙলার পিছনে ছিল নদেরটান্দ চাপরাশি একা—
আফিমের পিনিকে সে খচোতের আলোর বিবাহ উৎসবের বাঁধা রোশনাই
পরিকল্পনা করছিল !

অকস্মাৎ সাহেবী-পোষাক-পরা একজন লোক সাহেবের কক্ষমধ্যে
প্রবেশ করলো। ফণ্ডার অপরিচিতের দিকে সবিস্ময়ে চেয়ে দেখলেন।
আগন্তুক বিনীতভাবে তাঁর ক্ষমা ভিক্ষা করলে হাঁপাতে হাঁপাতে। বিনা-
অনুমতিতে ঘরে-টোকা-বে-আদবকে ঘর থেকে বার করবার বাসনা
সাহেব দমন করলেন, তার দীর্ঘশ্বাস, হাঁপানি, বিস্ফারিত চোখের দৃষ্টি,

লাল হুশা

আর অব্যক্ত কাতরতা দেখে ! সাহেব তাকে বসতে চেয়ার দিলেন .
তার এমনভাবে ঘরে ঢোকান কারণ জিজ্ঞাসা করলেন ।

আগন্তুক অবশ্য নিশিকান্ত । সে বললে,—সাহেব, বড় বিপদে
পড়েছি । আমি ময়নাপুরের জমীদারের ছেলে । বর্ধমানের রাজসরকারে
পত্তনীর টাকা জমা দিতে যাচ্ছিলাম—পথে দুটো লোক আমার সঙ্গ
নিরেছে । একবার তারা আমার গাড়ীর সামনে তাদের নিজেদের ভাঙ্গা
ফোর্ড ফেলে গাড়ী থামাবার চেষ্টা করেছিল । আপনার ফটকের সামনে
আমি গাড়ী থামালাম । তাই দেখে তারা পালিয়েছে ।

সাহেব যুদ্ধে গিয়েছিলেন । নিজে কাপ্তেন ! এত বড় একটা লম্বা-
চওড়া লোকের এমন “মুরগীর-ছানা-জদগ” তাঁর নিকট পরিহাসের সামগ্রী
বলে বোধ হলো !

সাহেব একটু মজা করবার জন্য বললেন,—আমার কাছে দুটা
রিভলভার আছে—চলো না বাবু, তাড়া করি ।

ময়নাপুরের জমীদার-পুত্র আমতা আমতা করতে লাগলো । সাহেব
বললেন,—ভয় নাই ! চলো ।

অগত্যা সে একটা টাকার তোড়া সাহেবের মেঝের উপর রেখে কুঠীর
বাহিরে এলো ।

বলদেবের হৃদয় খুব উচ্চ হ'লেও টাকা-পয়সার বিষয়ে সে ছিল
হিসাবী । সে নিজে ফটক অবধি এসেছিল দেখতে—যে, খামখেয়ালী
রাজার ছেলে হঠাৎ খেয়ালের ধমকে সাহেবের প্রাপ্য টাকাটা নিয়ে
ফিচিঙ্পুরে না পালায় ! সে দেখলে, রাজপুত্রের কাঁধ ধরে সাহেব হাসি
মুখে ফটকের দিকে আসছেন । এ হরিহর-মিলনের সুখ-চিত্র আরও

লাল হুখা

উপভোগ করবার জন্ত সে গা ঢাকা দিয়ে একটা ঝোপের মাঝে মিলিয়ে গেল। অভুক্ত মশার দল মানন্দে ভুরি-ভোজনের উৎসবে রত হলো— গুণ গুণ-গান গেয়ে।

সাহেব ফটকের ধারে এসে নিশিকান্তর ছ'সিলিঙার চক্চকে বুইক দেখলেন। আর তাঁকে পায় কে? আস্তিন গুটিয়ে দুজনে লেগে গেলেন তার কল-কজা পরীক্ষা করতে। বলা বাহুল্য, ময়নাপুরের উপর সাহেবের ভক্তি হলো। মনে মনে তিনি মুখস্থ করলেন,—মুনাইয়াপোর!

সাহেব নিশিকান্তর সঙ্গে ঘরে ফিরে গেলেন। বললেন,—ফোর্ডের নম্বর রেখেছ?

—উহু।

সাহেব হাসলেন—হেসে বললেন,—তোমরা যদি একটু সাহসী হতে তো তোমাদের কংগ্রেসের কথা গুলা আমরা মন দিয়ে শুনতাম।

—কংগ্রেসের কথা না শোনায় আমাদের কোনো ক্ষতিই হয় নি। ভগবান কংগ্রেসের হাত থেকে আমাদের রক্ষা করুন।

সাহেব বুঝলেন—লোকটা প্রকৃতই ভাল। আভিজাত বাঙ্গালী—খদ্দরধারীদের মত নষ্ট-বুদ্ধি নয়।

তিনি হেঁসে বললেন—কেন কংগ্রেসের ওপর তোমার শ্রদ্ধা নেই কেন?

—শ্রদ্ধা! অনেক মহাপ্রাণ লোক কংগ্রেসের জন্ত আত্মোৎসর্গ করেছেন—তারা ধন্য—

—ঠিক কথা। কিন্তু যারা না বুঝে চীৎকার করে আর ভাবে তারা প্রকাণ্ড দেশ-হিতৈষী তোমাদের দেশের অমঙ্গল তারা।

লাল ছদ্ম

—কি আর বলব সাহেব। তারা চায় রাজত্ব করতে কিন্তু তাদের আলশ্রব ফলে—আমাদের রাজা সবাই—রাণাঘরের উড়িয়া পাচক থেকে রাঘব বোয়াল মারবাড়ি ব্যবসাদার পর্য্যন্ত। আমরা চেষ্টাই আব পাঁচজনে আমাদের লুটে—আমাদের পরসাদা দিয়ে শিবলী কিনে আমাদের পায়ে লাগায়।

সাহেব উচ্ছ্বাস করেন। জমিদারের ছেলে মেরে কেটে বাঘ-মারার গল্প করতে পারে। এ ভদ্রলোক এমন মার্জিত ইংরাজিতে এত সামাজিক দর্শন বর্ষণ করতে পারে—এ একজন অসাধারণ ব্যক্তি। কাজেই তাদের মধ্যে কতকটা বনিষ্ঠতা গজিয়ে উঠলো।

তাদের মধ্যে আরও অনেক কথা হ'লো।

নিশিকান্ত বললে,—সাহেব, এতটা অনুগ্রহ যদি করলেন তো অনুগ্রহ পুরামাত্রায় করুন। আজ রাতের মত আমার এই পাঁচ হাজার টাকার খলিটা আপনার ঘরে থাক, কাল সকালে আটটার সময়ে এসে আমি নিয়ে যাবো।

সাহেব হাসলেন। নিশিকান্ত না-ছোড়বন্দা। শেষে সাহেব গালা এনে, বাতী এনে নিজের হাতে খলির মুখ শীল করলেন। নিশিকান্ত “কি করেন, কি করেন” বলে বাধা দিলে—ফুটার দে-বাধা মানলেন না।

অনেক স্তুতিবাদ করে নিশিকান্ত বাহিরে এলো; গাড়ী নিয়ে নির্দিষ্ট জঙ্গলের ধারে গেল। বলদেব শেষ অবধি দেখলে, খালি হাতে রাজপুত্র বাহিরে এলো! তার উদার মনে সন্দেহ ছিল না। তবে টাকা-পরসার কথা! তাই মশার কামড়, গায়ের উপর শিশু-ভেকের তুড়িলাফ প্রভৃতি সামান্য অসুবিধা সহ করে জঙ্গলের মধ্যে বসে রাজপুত্রের ক্রিয়াকলাপ সে

লাল ছায়া

লক্ষ্য করছিল। ছল্ভের উপর তার স্নেহের মাত্রা বর্দ্ধিত হলো। মনে-মনে সে ভেঁজে নিলে, বেতন বাড়াবার কথা তুললে ছল্ভকে সে কি সব মিষ্ট ভাষে তুষ্ট করবে! অচিন্ দেশের রাজপুত্রকে বিধি বর্দ্ধমানের রাঙামাটির পথে না পাঠালে তার মান ইজ্জৎ সবই তো দামোদরের বানে ভেসে যেতো! এখন অস্তুতঃ বাংলাদেশে তার সমতুল্য মাথাওয়ালা ব্যবসাদার কেউ ছিল না।—এ সার সত্য সে অনুভব করলে। আর পাঁচ হাজার টাকা! আরে রামচন্দ্র! ওজন কম আর ভেজালের কল্যাণে সে টাকা তুলতে ক’দিন আর লাগবে!

মাঠের ধারে এসে নিশিকান্ত যোড়শোপচারে তার পূজা গ্রহণ করলে। পরোপকার সাধবার জন্ম তাকে একটা গহিত কাজ করতে হলো—এ অনুতাপ সে যতই ব্যক্ত করলে—বলদেব ও ছল্ভের হৃদয় উপবন থেকে ভক্তি-কুমুম ততই তার পদতলে বর্ষিত হতে লাগলো।

প্রভাতে পোষাক-পরিচ্ছদ পরিধান ক’রে সোনার হাত-ঘড়িতে নিশিকান্ত দেখলে, পৌনে আটটা। এই বহুমূল্য হাত ঘড়িটা ডালহৌসি স্কোয়ারের এক নামজাদা ঘড়ি-বিক্রেতার হৃদয়ে যে রহস্যের সৃষ্টি করেছিল, সে রহস্যের যবনিকা আজ তিন বৎসরের মধ্যে ওঠেনি। জগতে এক জন মাত্র জানতো, কেমন ক’রে সেটা তাদের কেস্ থেকে প্রথমে তার কতুয়ার পকেটে, শেষে তার মণিবন্ধে উঠেছিল! সে রহস্যজ্ঞ ঘড়ির এখন অধীশ্বর—নিশিকান্ত।

সাহেবের নিকট টাকার তোড়া নিয়ে ময়নাপুরের জমীদার-তনয় কলিকাতা-অভিমুখে যাত্রা করলো। শক্তিগড়ের লেভেল-ক্রশিঙের অব্যবহিত দূরে সে গাড়ীর নম্বরটা বদলে নিলে। তার পাক্যানো-গোফ-

লাল ছহা

হলো অস্তর্ধান, চিবুকের নীচে একটা তে-কোণা ছোট দাড়ি গজিয়ে উঠলো ; এবং দেহে উঠলো ধুতি-পিরহান, আর বাঁ-দিকের গালে হলো একটা কাটা দাগ ।

বেঁটে বন্ধু বললে,—এ রকম বাঘের মুখে গিয়ে লাটু খেলায় লাভ কি, ওস্তাদজী ? পাঁচ হাজার টাকা তো মগখানেক কালাচাঁদ রপ্তানী করলেই তোমার ঘরে আসে ।

নিশিকান্ত বললে,—টাকা তো হাতের ময়লা—পুকুরের মাছের মত । যতক্ষণ না ধরা দেয়, তার উপর শিকারীর ঝাঁক থাকে । লোকে দশ সের কাৎলা কি খাবার জন্ম ধরে, না, ধরবার সুখের জন্ম ? বিস্তুতি চাই—দেশদেশান্তে যাওয়া চাই, নব নব জ্ঞান আনতে ।

বেঁটে বন্ধু বুঝলো, ডুব জলে গিয়ে পড়েছে—সে একটা বিড়ি ধরালো ।

—মিঃ এন্. কে. রায়—

নিশিকান্ত অপরাধ কর্তো রাজার আইন ভেঙ্গে, আর পাঠ কর্তো দেশী-বিদেশী সাহিত্য । অবশ্য কনান ডয়েল, এডগার ওয়ালেস, লিকো প্রভৃতি পড়্তো সে জ্ঞান-বিস্তুতির জন্ম—নূতন নূতন “কাজের” তথ্য-সংগ্রহের উদ্দেশ্যে । কিন্তু এ সব ডিটেক্টিভ উপন্যাস ব্যতীত সকল রকমের সাহিত্যের সঙ্গেই তার পরিচয় ছিল । সে ক্রয়েডকে বোকা ভাব্তো, বেদান্ত ছিল তার প্রিয় । তাই সে জান্তো, মানুষ যা-কিছু করে, সত্যের

লাল দুস্বা

আবরণ গোলবার জুতা,—যৌনভাবের পবিণত বা দমিত প্রবৃত্তির বশে নয় ! বোজ প্রভাতে উঠে সে গীতা পাঠ করতো ; শনি-মঙ্গলবারে কালীঘাটে আরতি দেখতে যেত । সে সময় গৃহস্থের মেয়ের লাখ টাকার সোনাদানা তার দশ আঙ্গুলের তিন আঙ্গুলের অন্তরে থাকলেও সে-গহনা গৃহস্থের মেয়ের গায়েই থাকতো, অঙ্গচ্যুত হতো না !

এমন ডবল জীবন কে না যাপন করে ? দেশবন্ধু পার্কে বক্তৃতার চোটে ব্রিটিশ-সিংহকে যে খোঁচা দেয়, গৃহে সেই বালিই গৃহকত্রীর তর্জনির তেলনে তিন গ্লাস ববফ-জল পান করে । গৃহে নিশিকান্ত ছিল—মিঃ এন, কে, রায়—জেনারেল অর্ডাব-সাপ্লায়ার । ক্লাবে মিঃ রায়কে সবাই সম্মান করতো । ফ্রি-মেশনরিতে সে পাষ্ট-মাষ্টার । এ জীবনে সে গৌড়-টাড়িহীন উদার স্বপুরুষ, রসিকতার ইন্কিউবেটর । বাড়ী বালীগঞ্জে—প্রতি ঋতুতে তাব বাগানে ফুটতো মরশুমী ফুল । তার পুস্তকাগারে জিনসের মিষ্টিরিয়াস 'উনিভার্স' থেকে কাশ্মীরী কোক-শান্ন অবধি সমস্ত অভিনব পুস্তক সঞ্চিত ছিল । তার পাপের কোন চিহ্ন গৃহের নিসীমানার মধ্যে ছিল না । এখানকার সরকার-আমলারা তার চালানী কাজের সহায়ক ছিল । কোকেন আফিমওয়াল বা চোর-জুয়াচোর কেহ জানতো না, তার বালীগঞ্জের বাড়ী । এমন কি, বেঁটে বন্ধুরও সেখানে প্রবেশাধিকার ছিল না ।

সহরের অন্যান্য ছ' তিন স্থলে তার গাঁটি ছিল । যারা কাজ করতো, তারাও সে গাঁটি জানতো না । সেখানে তার বিশ্বাসী কর্মচারী ছিল, যারা তার কাছ থেকে নিয়ে যেত হুকুম । তার বাসস্থানের সঙ্গে এই সব স্থানের যোগসূত্র ছিল তার পাঠান ড্রাইভার, বার বৃকে তপ্ত লোহার

লাল ছদ্ম

শলাকা বিক্রি করলেও মুগ কুটে একটা গোপন কথা প্রকাশ পাবার সম্ভাবনা ছিল না !

মিঃ এন, কে, রায় অর্ডার-সাপ্লায়ারের বাংলা নাম ছিল, নিশ্চলকান্ত রায় । তার সে-জীবনের পরিচিতরা কেউ তাকে নিশিকান্ত বলতো না । বাড়ীতে তার বিশ্বাসী সরকার নদেরচাঁদ সকল কাজ করতো, কেবল বেতনের বদলে নয়, ব্যক্তিগত শ্রদ্ধার প্ররোচনায় । কারণ, নিশ্চল বাবু ছিলেন ধর্মপ্রাণ, গীতা পাঠ করতেন ; আর সরকারটি ছিল বৈষ্ণব ।

সকালে তার কর্ক-কক্ষে নিশ্চল কাজে ব্যস্ত । ঝকঝকে-তকতকে মেহগনি-টেবিল, তার উপর মোটা কাচ পাতা । একটা রূপার চৌকা শালবোটে অনেকগুলো ফাউন্টেন পেন । সম্মুখের দেওয়ালে পরমহংস-দেবের চেহারা । নদেরচাঁদ এক আগন্তুকের আগমন-সংবাদ জানালো ।

অভিবাদন করে নিশ্চলবাবু আগন্তুককে বসতে বললো । আগন্তুক যুবা । গায়ে খদর কামিজ, পায়ে সেলিম-শ্লিপার । গৌফ দাঁতের বুরুশের আকারের । মাথার মাঝে টেরি, চুলগুলো পিছন দিকে আঁচড়ানো । মুখে তিনটি ত্রণের দাগ ।

আগন্তুক পরিচয় দিল—নাম সূচিন্দ্র্য দস্মিদার—প্রফুল্ল-তেলি-সিনেমা লিমিটেডের ক্যানভাসার ।

—বেশ ! বেশ ! এই সব ভিন্ন জাতির উন্নতির প্রচেষ্টা থেকেই জাতীয় উন্নতি হবে । আর তিলি-জাতি ধনে মানে আমাদের সমাজে বড় । রায়েরা আছেন, পালেরা—

—আজ্ঞে না । আগনি ভুল করছেন । এটা তিলি-জাতীয় কোম্পানী

লাল ছদ্ম

নয়। তেলিভিসান শুনেছেন, বোধ হয়! বিদ্যুতের সাহায্যে দূরের বস্তু দেখতে পাওয়া যায়!

—তাই না কি! ওঃ! আমি অত লেখাপড়া শিখি নি। একটা বিড়ি খান।

সোনার বিড়িদান থেকে দস্তিদার একটা বিড়ি নিলে। নিশ্চলকাস্তু নিজে ধরিয়ে দিলে। .বার দুই “বিলক্ষণ” “বিলক্ষণ!” বলে পরে বেশ সরল-ভাবে টানতে লাগলো।

কোম্পানীর উদ্দেশ্য বুঝিয়ে দিল সূচিন্ত্য দস্তিদার। ব্যবসাটা ভারী লাভের। সাধারণ সিনেমায় পরিচালক রাখতে হয়—তাদের বেঁতন দিতে আর স্থাপা-সামলাতে কোম্পানীর প্রাণান্ত পরিচ্ছেদ। তার পর ‘ষ্টার্শ’ বা “তারাদল”—তাঁদের মন আর অর্থ যোগাতে কোম্পানীর লাভের গুড় পিঁপড়ের পেটে ষায়!

—তাই না কি! এত ঝঞ্জাট! আমরা আট আনা পয়সা ফেলে সিনেমা দেখে আসি, ভাবি, কল চালিয়ে দিতে পারলেই বুঝি ছবি হয়।

—এই তো রহস্য তেলি-সিনেমার। সত্যই কল-চালিয়ে দিলে ছবি হবে।

সে আরও কত কি বোঝালে। ধরুন, বিলাতের পিকাডিলির একটা ছবি চাই। ব্যস্! কলকাতায় বসে পিকাডিলি ফোকাস করে দিলেন—আর এখানে কল ঘোরান, একেবারে সিনেমার ছবি!

—বাঃ, ভারি মজা তো।

—মজা বলে মজা! এমন কি, ছবিরও প্রয়োজন নাই। কল টিপে

লাল ছদ্ম

দিলে একেবারে ছায়াচিত্র পর্দার উপর দেখবেন—হলিউডের মহলা—
গ্রীসের রাজপুত্র স্নান কচ্ছে—কামাল পাশা নেমাজ পড়ছে।

নির্মলকান্ত ভাবছিল—ছুঁচো বেটা! বাঘের ঘরে ঘোগের বাসা
বাঁধতে এসেছ, ওরে বাবা, জুল-জুল করে চারিদিকে তাকায় যে! একে
হাতে রাখা উচিত।

নির্মলকান্তের বোকার মত চাহনি সকল কথার বিষয়, জাগিয়ে তুল-
ছিল দস্তিদারের মনে কল্পনার টেলিভিসন চালাতে। নিশিকান্ত নীরবে
প্রেরণার প্রতীক্ষায় বসেছিল—লোকটা ধোঁকাবাজ? না, টিক্‌টিকি?
একে হাতছাড়া করলে পরে অনুশোচনা হবে। সে শেয়ারের মূল্য
জিজ্ঞাসা করলে—কোনো ছাপানো প্রম্পট্‌স্ আছে কি না, তাও
জিজ্ঞাসা করলে।

—ছাপার খরচা। এ কোম্পানীর বিশেষত্ব হলো ব্যয়সঙ্কোচ। বাজে
খরচের পাঠ এ কোম্পানী পড়েনি।

—ও! তাই নাকি! বাঃ! এমন কোম্পানি ছুঁচারটে চললে
বাংলার দারিদ্র্য-সমস্যা উঠে যাবে।

—দারিদ্র্য-সমস্যা! ক্রোর-পতি-সমস্যার জন্য বিশেষ আইন তখন
পাস করতে হবে।

একটা টানার ভিতর থেকে মিঃ রায় নগদ তিনশো টাকা বার
করলেন। বললেন—তা হলে আপাততঃ আমি তিন হাজার টাকার
শেয়ারের দান দিলাম। পরে আরও নেবো।

এবার সূচিন্ত্য একটু ইতস্ততঃ করলে। নগদ তিন শত টাকা! না
নিলে টাকাটা যায়—আবার ধরা পড়বার আশঙ্কা। কি করে? অগত্যা

লাল ছদ্ম

হাত পেতে তাকে তিনশত টাকা নিতে হলো। নিশ্চলকান্ত তাকে কাগজ দিলে—কলম দিলে ; তাকে দিয়ে রসিদ লিখিয়ে নিলে। সুবোধ বালক বা পায়, তাই খায়—সেই রকমের ভালো মানুষের মত সে সকল কার্য সম্পন্ন করলে। তার বাগিতার উৎস বন্ধ হয়েছিল—কথার বদলে একটা অব্যক্ত পুঁটুলি গলার কাছে অনুভূতি তুলছিল !

শরতের মেঘ থেকে বাহিরে সামান্য এক পশলা বৃষ্টি হয়ে গিয়েছে। দস্তিদারের সঙ্গে গল্প করতে করতে নিশ্চলকান্ত বাহিরে এলো। বাগানের এক পাশে এক খণ্ড বাদামী জমির উপর টকটকে লাল কেনা ফুটেছিল। তাদের হাসি-মুখ দেখে দস্তিদার মশায়ের বাক্যস্ফুর্তি হলো। সে তাদের সখ্যাতি না করে থাকতে পারলো না।

—আপনি ফুল ভালবাসেন, শ্রীমন্তুবাবু ?

—আজ্ঞে, স্খচিত্ত্য।

—ও ! ই্যা ! স্খচিত্ত্যবাবু ! আপনি ফুল ভালবাসেন ?

—ফুল ভালবাসি না তো জীবনে কি ভালবাসি ! আমাকে এক দিকে এক থালা সন্দেশ দিন, তার সঙ্গে দু'টো ল্যাঙ্ডা আম ; আর অন্য দিকে দিন একটা ফুলের তোড়া ! আমি সন্দেশ ফেলে ফুলের তোড়া নেবো।

—বাঃ ! বেশ ! বেশ ! একটু অপেক্ষা করুন।

নিশ্চলকান্ত ঘরের ভিতর থেকে একটা ক্যামেরা নিয়ে এলো। দস্তিদারকে ক্যানার মাঝে দাঁড় করিয়ে তার ফটো নিলে। ফুলের বন্ধ স্খচিত্ত্য কৃত্রিম আনন্দ প্রকাশ করে বিদায় নিল।

পথে বার হয়ে বহুবার সে পিছনে তাকিয়ে দেখতে লাগলো। না,

লাল ছদ্ম

কেউ অনুসরণ করছে না। সে হাসবে কি কাঁদবে, ঠিক করতে পারলো না। যদি জুয়াচোর হয়, তো গভীর জলের মাছ! আর যদি সরল অমায়িক হয় তো উকীল মৃগাক্ষ নির্বোধ তাল-কাণা।

সন্ধ্যার পর ঘোড়দৌড়ের মাঠের মাঝখানে পুকুর-ধারে বসে নিশিকান্ত বেঁটে বন্ধুকে বলেছিল,—কেবল চেহারা নয়, তার হাতের পাঞ্জার ছাপ অবধি তুলে নিয়েছি।

—কি রকম করে তুললে?

—বুদ্ধি চাই মাই ডিয়ার সাড়ে চার ফুট, বুদ্ধি চাই। তাকে একটা ফাউন্টেন পেন দিয়েছিলাম লিখতে—পেনের ছ'টা প্যাচ খুলে। অচিরে তার বুড়ো আঙ্গুল কালিতে ভর্তি হয়ে গেল। আমি ভদ্রতা দেখিয়ে ব্লট্‌ক কাগজে তার হাত মুছিয়ে দিলাম। এমন কায়দায় যে, তার মনে মোটে সন্দেহ হলো না—আমি তার আঙ্গুলের ছাপ নিয়ে নিলাম! এটা ঠিক যে, লোকটা পুলিশের গোয়েন্দা নয়। হয় এমেচার টিক্‌টিকি, না হয় জুয়াচোর।

—প্রতারণা—

নিশিকান্ত তার নিজের প্রণালীতে অর্থোপার্জন করবার কাজে বল-প্রয়োগ বা উপদ্রব—এ ছটো বস্তু বড়ই অপছন্দ করতো। তার জীবনে আর একটা লক্ষ্য ছিল—যেন তার অস্তরের আনাচে-কানাচে স্ত্রীলোকের

লাল ছায়া

চিন্তা না উকি-ঝুঁকি মারে । সে জানতো, প্রেম দুর্বল-হৃদয়ের লক্ষণ আর মদ্রগুপ্তির অস্তুরায় হলো এই স্ত্রীজাতর প্রগল্ভতা ।

সেদিন কিন্তু তার জীবনের এই দ্বিতীয় লক্ষ্য-বিষয়ে মনটা প্রহরীহীন দুর্গের মত সম্পূর্ণ অরক্ষিত ছিল ।

তার অর্থের মোহ কেটেছিল । কেবল অভ্যাস খারাপ হবার ভয়ে নিজের হাতে দু'একটা “কাজ” করতো । সেদিন সে ঢুকেছিল ডালহৌসী স্কোয়ারে ঠাকুরলাল হীরালালের দোকানে । নীহারিকার আকারে তার মনের আকাশে ভাসমান ছিল—তার কর্তব্য পথ । সে যে ঠিক কি করবে, তা জানতো না । সে যখন জহরীর দোকানে প্রবেশ করলে, অপর দিক হতে তখন এক সুন্দরী যুবতী প্রবিষ্ট হলো সেই দোকানে । প্রহরীহীন দুর্গের মত তার মনে আলোর জ্যোতির আকারে এই সুন্দরী তরঙ্গায়িত হলো । সত্যই সেদিন তার পরিখায় একখানা ভাঙা পাথর ছিল । বসন্তের হাওয়া-লাগা দেহে যেমন শ্যাম্পেনের নেশা বিজলী-গতিতে চলা-ফেরা করে, সুন্দরীর রূপ-মদিরায় তেমনি তার রক্তের স্রোতের সঙ্গে মিশে গেল—সমগ্র তরুণীমূর্তিট—তার সোনার চশমা, হবল্-করা শাড়ীর আঁচল, পায়ে-রেসুনের ভেলভেট-চর্টাটি পর্যন্ত নিয়ে । সে যেন শিরাজীর নেশা—তার হৃৎপিণ্ডে উপযুপরি গোটা আষ্টেক দমক দিল ।

দোকানের দ্বারে ছিল এক সশস্ত্র নেপালী । বাবুরা ছিল ভিতরে । মেয়েটি সোনার হাত-ঘড়ি আর কজীর বন্ধনীর জঙ্গলে গল্লের রাজকুমারীব মত পথহারা হয়ে একটু অব্যবস্থিত-চিত্ততার পরিচয় দিল ।

প্রত্যাৎপন্ন-মতি নিশিকাস্তর সেদিন মতিচ্ছন্ন ষটেছিল । সে একটা ঘড়ি দেখিয়ে বলে—এটি বেশ ।

লাল ছদ্ম

যুবতী তার মুখের দিকে চাইলো। সুন্দর-সৌম্যমুখ, মিষ্টকণ্ঠ এবং নির্বাচন-শক্তিও শিল্পীর মত! যুবতীর নাম পারুল।

একটা সিঁড়রের স্রোত তার মুখখানিকে রাঙিয়ে তুললো। সেই হলো নিশিকান্তর ত্র্যহম্পর্শ-যোগ! তার পর তার সর্বনাশের চূড়ান্ত হলো যখন হাসির চাপে যুবতীর দুই গালে দুটি টোল-খাওয়ার দাগ দেখা দিল।

—আর ব্যাণ্ড ?

কৃতজ্ঞ নিশিকান্ত পাতার বুনানী বকুনী দেখিয়ে দিল। ঠিক সেই সময় দোকানের বিক্রেতা এলো। সশ্রদ্ধ নমস্কারের পর সে তাদের নির্বাচিত ঘড়ি ও মণিবন্ধ বার করে দিল। ভাঙা বাংলায় বললে— দাদাবাবু ঠিক বহুৎ আচ্ছা সেটা পছন্দ করছেন।

দাদাবাবু! যুবতীর কোঁতুকের স্পৃহা উত্তেজিত হলো দাদাবাবু শুনে। লজ্জাকে সাইডিঙে ঠেলে দিল তার রসপ্রিয়তা! চোখ-মুখের হাসি সামলাতে গিয়ে পারুল আরও বিকট কাণ্ড করে বসলো।

পারুল বললে,—খোক্ দাদাবাবু—খোক্—খোক্ দেখুন তো খুক্— দাদাবাবু—খোক্-খুক্-উক্—হাতে ঠিক হয়েছে—খুক্ কি না ?

শরবিদ্ধ নিশিকান্ত! গরীব বেচারী! তার বাক্-শক্তির সেই দশা হলো রাহুর দৃষ্টিতে গণেশের মুণ্ডের যা ঘটেছিল! বহু কষ্টে সে বললে— বেশ!

মনে করলে, কথাটা সে উচ্চারণ করেছে! কিন্তু সেই মনেরই একদিক থেকে সন্দেহ জাগলো—বোধ হয় কথাটা উচ্চারিত হয় নি!

পারুল নানাপ্রকারে হাত ঘুরিয়ে শূণ্ণে অনেকগুলো বৃত্তাংশের

লাল ছায়া

সৃষ্টি করে বললে,—দাদাবাবু, কি বলেন? এইটেই মানিয়েছে?
আমার কজী বড্ড মোটা—না দাদাবাবু? টেনিসের ড্রাইভ করে করে।
নিজের আনন্দের ফোয়ারার জলে নিজেই হাবুডুবু খাচ্ছিল—
তরুণী পারুল!

বললে—আচ্ছা, বাবাকে দেখিয়ে আসি দাদাবাবু কি বলেন?
কি আর মাথামুণ্ডু বলবে দাদাবাবু? তার মনের মাঝে বইছে তখন
আশ্বিনের ঝড়!

বহু কষ্টে দাদাবাবু বললে,—নিশ্চয়।

পারুল দরজার দিকে গেল কদমে। তখন ফিরে এসে বললে—ও
মা! আমি কি বোকা দাদাবাবু! দামটা জিজ্ঞেস করতে ভুলে গেছি।
গুজরাটী ভাষায় লেখা টিকিট দেখে দোকানদার বললে,—তিনশো
ষাট টাকা।

হাসি-মুখে পারুল দোকানের ফটক পেরিয়ে গেল। এখন আপনার
জন্ম একটা ঘড়ি বাছা ভিন্ন দাদাবাবুর আর গত্যস্তুর ছিল না। তার
হাতের সে ক্ষিপ্ততা ছিল না। আঙ্গুল দক্ষতা হারিয়েছে। কিন্তু সমস্ত
ক্ষণ—অবশ্য দিবস-রজনী নয়—উনিশ-মিনিট—সে যেন কার আসার
আশায় রইলো! চমকিত শ্রাণ, চকিত শ্রবণ ইত্যাদি ইত্যাদি!

কত রকমারি পথেরশব্দ তার কানের মাঝে আশা, নিরাশা ও
বৈরাগ্যের লহর তুলছিল মিনিটে উনত্রিশ বার!

বিশ মিনিট গতে দোকানদার বললে—বাবুজী, বাই তো ফিরলো না!
পছন্দ হয়েছে বোধ মানি!

সর্বনাশ! বাই যে তাকে বায়ুগ্রস্ত করে গেছে। অমন ঢলঢলে

লাল ছায়া

রূপ-মাধুরী যার—সে তার অপরিচিতা—এ সমাচার বিদেশী গুজরাটী দোকানদারকে সে দেয় কোন্ প্রাণে। বিশেষ যখন তার সঙ্গে সে ভ্রাতৃত্বের সূত্রে আবদ্ধ। তার জুয়াচুরি-ক্ষেত্রের বহুদর্শিতার দিক থেকেও সে দেখলো, এত ঘনিষ্ঠতা অপরিচিতার সঙ্গে—জহুরী সেকথা বিশ্বাস করবে না। যুবতীর পিতা নিশ্চয়ই বাইরে গাড়ীতে অপেক্ষা করছেন। পাঁচরকম চিন্তার ফলে সে কতকটা কলের পুতুলের মত জবাব দিল,—ঠিক হয়।

কিন্তু আরও পাঁচ মিনিট গেল। এবার প্রেমের দেবতাও গা-ঢাকা দিলেন। আর এক ভাবে সে আত্মহারা হলো। ছি! ছি! আজ শত-যুদ্ধের বীর সে—একটা মেয়ের কাছে পরাজিত হলো। কিন্তু স্ত্রী-সংস্করণ এই জুয়াচোরের সাহসের উপর তার শ্রদ্ধা হলো।

দোকানদার তার মুখের ভাবান্তর লক্ষ্য করছিল। ব্যাপারটা তার কাছে ভাল বোধ হলো না। একজনকে বন্ধক রেখে অপরে মাল নিয়ে যায়, শেষে বন্ধকী ব্যক্তি বলে, সে নির্দোষ। জহুরীর মাল যায়—পুলিস বলে—বড়ঘরের প্রমাণ নাই! কাজেই যখন তার দ্বিতীয় বারের প্রশ্নের উত্তরে নিশিকান্ত বললে—দেখি। তখন দোকানদার বললে—না বাবুজী, আপনি বসুন—হামারা দেখছি।

আবার সেই কলের পুতুল বললে,—ঠিক হয়।

ষাক্ প্রাণ, থাক মান। নিশিকান্ত নিজেও অগত্যা ঘড়ি নির্বাচন করলে।

দোকানদার বললে,—কই বাবু, গাড়ীমে বাই তো আছে না—বুড়া বাবুভি নাই।

লাল হুয়া

তার ভগ্নীর পিতা। তার বাপ, খুড়ো, মামা, মেসো—কেউ একজন। কাটা-ঘায়ে নুন ছিটিয়ে দিলে কি রকম যন্ত্রণা হয়, নিশিকান্ত রায় তা বুঝলো। তার গালে যেন ব্যথা বোধ করতে লাগলো—পাঁচটা চাঁপার কলি নিয়ে গড়া খাব্‌ড়ার আঘাত।

কিন্তু আর বেশী বিলম্বে কোন সফল ফলবে না। অগত্যা ভাই-বোনের ঘড়ির মূল্য একুনে চারশো উনত্রিশ টাকা বারো আনা ঠাকুরদাল-হাঁরালালের দোকানে নগদ গুণে দিয়ে দাদাবাবু মুক্ত রাজপথে দাঁড়িয়ে প্রতীক্ষার চোখে দশ দিকে তাকালো। কিন্তু—হা ছরদৃষ্ট!

দোকানদার ভরসা করে ভদ্রলোকের নাম ঠিকানা জিজ্ঞাসা করতে পারলো না। কিন্তু তার মনের নিভৃত নিকুঞ্জে সন্দেহের কাঁটা-লতা বেশ গজিয়ে উঠেছিল। দুর্গা শ্রীহরি বলে নিশিকান্তের গাড়ীর নম্বরটা সে টুকে রেখে দিল।

—বুদ্ধির দৌড়—

নির্মলকান্ত দেখলে, উকীল মৃগাঙ্ক তার বাড়ীর দিকে উৎসুক নেত্রে চেয়ে একখানা মোটরে চড়ে চলে গেল। সে বুঝলো, মৃগাঙ্ক তাকে কোনো প্রকারে সেই বাড়ীতে দেখে সন্দেহ করেছে! টেলিভিসান তারই প্রেরিত দূত। সে দিন গাড়ীতে তার সঙ্গে অপর একজন লোকও ছিল।

নির্মলকান্ত ঘরে গিয়ে অনেক কাগজ ছড়িয়ে বসলো। ছুটা চকোলেটের দানা মুখে দিলে। এক গেলাস বরফ-জল খেলে; নিজের

লাল দুশ্বা

সঙ্গে কথা কইলে ; একটু হাসলো, বললে,—হ্যাঁ, গলাটা ভারি হয়েছে—
স্বরটাও বদলেছে !

সে যা আশঙ্কা করেছিল, ঘটলো তাই । নদের চাঁদ দু'জন আগন্তকের
আগমন-সংবাদ দিলে । নিম্নলকান্ত একটা টানা থেকে গোটাসাতেক
নোটের তাড়া বার করলে ; আকৃতি দেখলে মনে হয়, হাজার টাকার
তাড়া ! প্রকৃতপক্ষে সেগুলার উপরে-নীচে এক একখানা দশ টাকার
নোট ছিল !—মাঝে সাদা কাগজ ।

গৃহে মৃগাঙ্ক প্রবেশ করলো ; তার সঙ্গে এলো জোড়াসাঁকো থানার
ইন্স্পেক্টর । নিম্নল তাকে জান্তো । সে জান্তো না নিম্নলকান্তকে ।
তাদের অভ্যর্থনা করে মৃগাঙ্ক সোনার বিড়িদানের বিড়ি দিল—রূপার
ডিবেয় পাণ দিল ।

মৃগাঙ্ক নিজের পরিচয় দিল—ইন্স্পেক্টরের পরিচয় দিল, তার
আত্মীয় ।

—বেশ ! বেশ ! তা শুভাগমনের উদ্দেশ্য ?

মৃগাঙ্ক হক্চকিয়ে গিয়েছিল । চেহারার সাদৃশ্য নাই—কণ্ঠস্বরও
ভিন্ন ! তার উপর নোটের তাড়া—ঘরের সাজ-সজ্জা ! সে যে একটা
প্রকাণ্ড ভুল করেছে—সে বিষয়ে সন্দেহ রইলো না । কেবল
ভদ্রতার খাতিরে মিঃ রায় তাদের সঙ্গে কথা কইছিল—তার মন পড়ে
ছিল ঐ কাগজের গাদায় । সে এমন ভাব দেখালো ! মৃগাঙ্ক কি বলে ?
তার ফুলের মুখ্যাত করলে । ফুল দেখেই তার গৃহে সে প্রবেশ করেছে !

মিঃ রায় হেসে নদেরচাঁদকে ডেকে কি বললে । তখনি দু'টা
ফুলের তোড়া এলো । মৃগাঙ্ক আর পুলিশবাবু রণে ভঙ্গ দিয়ে পালালো ।

লাল হুয়া

নিশিকান্ত বললে—এরা বুদ্ধিমান ! একজন কোর্জনারী কোর্টের উকীল, আর একজন শান্তি-শৃঙ্খলার রক্ষক ! এ ক্ষুদ্র শত্রু রাখা ঠিক নয় ।

তখনি সেই জহরীর দোকানের সুন্দরীর কথা তার স্মরণ-পথে উদিত হলো । তার নীচেব কোটা থেকে অনুভূতি গুম্বরে উঠলো—বুদ্ধিতে কে ছোট, কে বড়—এ প্রশ্নের মীমাংসা নাহি ! মনের কোণে একটু গোলমাল ঘটেছে ! এ গোলমাল বেড়ে না ওঠে ! কিছু দিনের জগ্ন্য সে জলবায়ু পরিবর্তনের ব্যবস্থা করবে, সঙ্কল্প করলো ।

—ঘূর্ণী-শিলা—

কাশ্মীর যাত্রার পথে নির্মলকান্ত দিল্লীতে কিছুদিন বাস করবার সঙ্কল্প জানালে তার এক বন্ধু প্রফেসরকে । নিশিকান্ত ছিল শঠ—কিন্তু নির্মলকান্ত বিদ্যোৎসাহী—সুষ্ঠু-সমাজে সমাদৃত ! প্রফেসর অতি যত্নে তার বাসস্থান নির্দেশ করলে দরিয়াগঞ্জের এক প্রাচীন অটালিকায় ।

মিঃ রায় তার বিশ্বস্ত পাঠান মোটরচালক এবং মাত্র একটি অনুচর নিয়ে বড় বুইকে দিল্লী পৌঁছাল । বাসস্থান দেখে পরিতুষ্ট হল । অটালিকা দিল্লীর প্রাচীন শাহজাহানাবাদ পরিখার উপর রক্ষিত । জানলা থেকে দেখা যায় লাল কেল্লার সেই অলিন্দ, যেখানে বসে বাদশাহ আর বেগমরা পরিখার পাদস্পর্শী যমুনার তরল তরুঙ্গলীলা উপভোগ করতেন । অটালিকা-সংলগ্ন উদ্যানে অনেক পুরাতন রক্ষণ ছিল ।

লাল ছায়া

এখন আর ঠিক প্রাচীরের তলায় যমুনা বহে না। আর্ষ্য তাকে শ্রদ্ধা কর্ত্ত—মরুভূমির নিরস কঠোর মূর্ত্তি স্মরণ করে মোগলও যমুনার ঢলে ঢলে চপলতাকে আদর কর্ত্ত। এখন সে সোহাগ-গরিমার দীপ্তি তার নাই—তাই অভিমানে শাহজাহানাবাদ ছেড়ে প্রায় যমুনা এক মাইল দূরে ঢলে গেছে। তার চরে বড় বড় গাছ জন্মেছে—মাটির ওপর খেলে বেড়ায় শশক, তিতির, ময়ূব—গাছে বসে কাকলী করে অসংখ্য পাখী।

দরিয়াগঞ্জের প্রভাত বড় মধুর। নিশ্চলকান্ত জালনার ধারে বসে নানা কথা ভাবছিল দিল্লী পৌছাবার তিন দিন পরে। নীচে কার্টুরিয়ারা ইন্ধন আহরণ করছিল। তার পাশে বাগান, পোড়ো জমি—জীর্ণ ইমারতের ভগ্নস্তুপ। মাত্র শহরের প্রাচীরের উপর একটা দালানের মত ইমারত—সম্ভবতঃ ঘাট। যে ওম্‌রাহ বা রাজার সেটা বাসগৃহ ছিল—সেই স্থলে বসে সে যমুনা দেখবার ভান কর্ত্ত—আসল উদ্দেশ্য থাকত রাজ-দর্শনের। বাদশাহ সেদিকে তাকাচ্ছেন ভেবে বেচারী সপরিবারে ঘন ঘন কুণ্ঠিত করত। মনে মনে সেচিত্র কল্পনা করে নিশ্চলকান্ত হাসলে।

হঠাৎ তার দৃষ্টি পড়লো কিন্তু সেই ভাঙ্গা অট্টালিকায়। উষার আলোর কোমল স্পর্শে একটা লাল দাড়ি উজ্জ্বল হয়ে উঠলো। তারপর তার মুখের পরে দৃষ্টি পড়লো নিশ্চলকান্তের। আরে মোলো! এ মুখ-চোখ, হাব-ভাব তো সরফরাজ খাঁর। বেশ তো লাল দাড়ি গজিয়ে উঠেছে তার চিবুকের উপর।

সরফরাজ সুপুরুষ। দাড়ির প্রভায় তাকে সম্ভ্রান্ত দেখিয়েছে। চুড়িদার পায়জামা, কামদার টুপী আর মসলিনের লম্বা দিল্লী-পিরহান তাকে মানিয়েছিল ভাল। নিশিকান্ত ভাবলে, সরফু মিরজার দাড়ির মত

লাল ছায়া

অকস্মাৎ প্রভুতবে মতি গজিয়ে উঠলো কোন্‌ গুভক্ষণে। কারণ সে ভাঙ্গা
উটের মাঝে মাঝে সর্প-গতিতে বিচরণ করে অস্ত্রে সেই জীর্ণ ঘাটের মত
কক্ষটার মধ্যে প্রবেশ করে।

সরফরাজ খাঁ—সরফু কোকেনওয়ালারূপে বিগতকালে কলিকাতায়
সাদা কালো অর্থাৎ কোকেন আফিম উভয় পদার্থের কারবার কর্তৃ।
কিন্তু সময়ে সময়ে তার মানসিক দীনতা কোকেন-ব্যবসায়ীদের মনে
বিতৃষ্ণার উদ্রেক কর্তৃ। কোকেন আফিম বিনা-শুল্কে আমদানী রপ্তানী
করা এদের মতে গবর্ণমেন্টের সঙ্গে চাতুরীর লড়াই। কিন্তু প্রবাদ ছিল,
সরফু মিঞা চুরি জুয়া-চুরি এবং ডাকাতির মাল সাফাই দিত।

নিশিকান্ত যে চোর এবং প্রবঞ্চক—সেকথা জানতো মাত্র সে নিজে
এবং ছ'একজন নগণ্য সান্ধোপাঙ্গ। তাই যখন সাদা-কালোর কাজ কর্তৃ
তখন ব্যবসায়ীমহলে নিরশুভাবুর সম্ভ্রান্ততার খ্যাতি ছিল, আর সরফু—সে
ছিল বিশিষ্ট সমাজে হয়। কারণ চোরাই মাল সাফাই দেওয়ার গ্লানি—
সরফুর নামের সঙ্গে মন্দ গন্ধের মত জড়িয়ে পড়েছিল স্বাগলার-মহলে।

পুলিসের সঙ্গে মাঝে সরফুর একবার মিত্রতা জন্মেছিল—যার ফলে
অনেক কোকেনওয়ালার ধরা পড়েছিল। সরফু রাখতো ছ' নৌকায় পা।
গোয়েন্দারূপে পুলিসের কাছে সমব্যবসায়ীদের বিরুদ্ধে সমাচার সরবরাহ
কর্তৃ—আর ভিতরে ভিতরে নিজে “কাজ” কর্তৃ। সময়ে পুলিস এবং
সাদা-কালোর ব্যবসায়ী উভয়ে তার শয়তানির বহরটা বিদিত হ'লো—
যার ফলে তাকে পাত্তারি গুটিয়ে বাংলার প্রাদেশিক রাজধানী ত্যাগ
করে ভারতের রাজধানীতে আশ্রয় গ্রহণ কর্তৃ হ'য়েছিল।

বিলিমারানমহলায় সরফরাজ খাঁ এখন ইমানদার লোক। সে

লাল হুয়া

দতেপুরী মসজিদে পাঁচবার নেমাজ পড়ত—সকাল-সন্ধ্যা। ফকির দুঃখীকে কাবাব-রুটী দান করত। লোকে জান্ত সওদাগরি কবে সে ক'লকাত্তা থেকে অনেক অর্থ সংগ্রহ করে এনেছে।

এহেন সরফু মিঞা জীর্ণ-অট্টালিকার প্রভাত-কিরণে ঝলসিত—নিশিকান্তুর মনে কেমন খটকা লাগলো। পর্যবেক্ষণের ফলে সে দেখলে ফটকের অনতিদূরে একজন নিরীহ ব্যক্তি এদিক ওদিক তাকাচ্ছে—অথচ যেন নির্লিপ্ত। জীর্ণ-অট্টালিকার ভিতরের প্রক্রিয়া নিশিকান্তু দেখতে পেলে না।

প্রায় পাঁচ মিনিট পরে বাহিরে এলো সরফুরাজ—যেন ঈষৎ ক্লান্ত। চকিতে চারিদিকে দৃষ্টি নিক্ষেপ করলে। নিশিকান্তুর গৃহেব প্রতি তাকালে। তারপর ভাঙা ইটের স্তূপের মাঝে মাঝে স্বচ্ছন্দ-জাত দু'টা একটা ফুল তুললে। গাছের আড়ালে আড়ালে প্রহ্ন-তাত্ত্বিক সরফুরাজ ভগ্নগৃহ ত্যাগ করে রাজপথে বার হল।

পুরাতন দিল্লীর দরিয়াগঞ্জ খুব নির্জন। কেহ তাকে দেখলে না—কারও দেখবার ভয়ও তার ছিল না। সে পথে বার হয়ে আর একবার এধার-ওধার তাকালে, তার পর চলে গেল। মিনিট দুই পরে ফটকের ধারের সেই পদ্মপত্রমিবাস্তুস। নিরীহ লোকটি দরিয়াগঞ্জের পথে বিপরীত দিকে উবে গেল।

ঠাকুরলাল হীরালালের দোকানে দাগা পেয়ে নিশিকান্তু ঠির করেছিল। কুপথে আর চলবে না। সে অনেক লক্ষ টাকার অধিস্বামী; অর্থের সাধ তার মিটেছিল। সে নানাপ্রকার পুস্তক পাঠ করে নিজের জ্ঞানও বাড়িয়েছিল। ভদ্রসমাজে বাবসাদার বলে নিশ্কলকান্তু রাযের খ্যাতি

লাল ছদ্ম

দিন দিন বাড়ছিল। সে স্থির করেছিল—এবার সে প্রকাণ্ড একটা কারখানা নিষ্কাণ করবে যেখানে বাঙালীর ছেলে প্রেম-শিল্পের শিক্ষা পাবে।

কিন্তু তার প্রথম মেধা আজকের সরফু-লীলা অবজ্ঞার চক্ষে দেখতে কুণ্ঠা বোধ করলে। ভাড়া ফটকে পাথারা বসিয়ে নমাজী সরফু মোগলাই ঘাসনে জীর্ণ কুঠীর মধ্যে চুপিসারে বিচরণ করে অতি ভোরে—প্রক্রিয়া অসাধারণ। নিশিকান্তের কুতূহল বেড়ে উঠলো প্রচণ্ড বেগে। চা ভাঙা গাগুলো না—ডিমের প্রতি তাকালে সে বৈষ্ণব দৃষ্টিতে।

তার চিবুকে উঠলো একটা তিন-কোণা দাড়ি। একটা দীন আচকান পরিধান করলে নিশিকান্ত। মাথায় দিলে তরবুস্ টুপি পাঠানকে ফটকের বাহিরে পাথারায় নিযুক্ত করে নিশিকান্ত পোড়ো বাগানে প্রবেশ করলে। নির্জন ভগ্নস্থাপে প্রভাতসূর্যের আলোকের রচা প্রাচীন বুদ্ধের ছায়া সাধারণ লোকের মনে আতঙ্কের লহর তোলে। তার উপর ছিল বসন্ত-গৌরীর একঘেষে শব্দ, ঘুঘুর ডাক, শহরের প্রথম জাগরণের অস্পষ্ট রব। কিন্তু গল্পের রাজপুত্র নেমন কানে তুলে গুঁতে ঈঙ্গিতের সন্ধান কর্তে গিয়েছিল নিশিকান্ত তেমনি দৃঢ়তা ও ধীরতার সঙ্গে প্রাণের চাঞ্চল্যকে দমন করে জীর্ণ ঘাটে পৌঁছিল।

মোগলাই ধরণের কক্ষ—যমুনার দিকে একটা গবাক্ষ—মাত্র একটা প্রবেশপথ হাতীলতায় প্রায় বন্ধ। ঘরের মধ্যে বহু যুগের রাবিশ আর আবর্জনা। এতেন কক্ষে সরফু মিঞা কোন্ কাজে নিযুক্ত ছিল— একটা সমস্তা—যাকে কোনো জ্ঞানী লোক অবহেলা কর্তে পারে না।

জানলা দিয়ে নিশিকান্ত দেখলে নীচের বাগানে বাবলা বনের

লাল দুখা

মাঝে মাঝে এক একটা ইউক্যালিপটাস যা তার নিজের গবাঙ্গ দিয়ে দেখা যায়। দেওয়ালের প্রত্যেকটা পাথর নিশিকান্ত ঠুকে ঠুকে দেখলে তাদের পিছনে কোনো চোরা কুলুঙ্গী আছে কিনা। সে তদন্তের ফলে সে তার সমস্তার অস্ত্রে পৌঁছান না। সে তখন মেজের পাথর-গুলি পর্যবেক্ষণ করতে লাগল। উত্তর দিকে রাবিশ কম—কেবল পাথরের ইট। নিশিকান্ত একে একে সেগুলোকে সরালে। তাদের নীচে ছিল একখানা পাথর চার ফুট চৌকা। একটা পাথর দিয়ে তাকে ঠুকল নিশিকান্ত—তপ তপে ফাঁপা জমির শব্দ। কিন্তু সে পাথর উঠে। কি প্রকারে ?

নিশিকান্ত উত্তেজিত হয়েছিল—কিন্তু তাতেও তার সহজ ধীর ও রঙ্গ-প্রিয় স্বভাব সজাগ ছিল।

সে নিজের মনে বললে—আরে ম'ল—একে খোলবার আবার একটা গুপ্তমন্ত্র চাই—চিচিঙ্ ফাঁক—চিচিঙ্ ফাঁক।

নিজের রসিকতায় সে নিজে হেসে উঠলো। তারপর পাথর খানাকে আরও ভাল করে দেখলে। তার চার ধারে ষত পাথরের চাঙ্গড় ছিল সরালে। দেওয়ালের দিকে যেঁসে যেমনি দাঁড়ালে পাথরের সে-দিকটা নেমে গেল। ভয়ে নিশিকান্ত একলাফে দক্ষিণ দিকে এলো। পাথর আবার বন্ধ হ'ল।

নিজের ভয়কে উপেক্ষা করে নিশিকান্ত হাসলে। ঠাণ্ডা মাথায় ভেবে সে উপলব্ধি করলে যে পাথরের এক দিক নেমে যায় অপর দিক ওঠে, নিশ্চয় তার মাঝখানটা পিন দিয়ে পাথরের পাথরের সঙ্গে আটকানো। সে এবার ধীরে ধীরে পাথরটাকে চাপলে দেওয়ালের দিক থেকে। পাথর

লাল দুখা

মান্নের পিনে ঘুরে গেল। তার দিক্ নামলো, দক্ষিণ দিক উঠলো। যখন পাথরের উপর নীচ সোজা হল নিশিকান্ত দেখলে সিঁড়ি—কিন্তু স্থচিভেদ্য অঙ্ককার।

এবার নিশিকান্ত ভাবলে। অঙ্ককারে কি আছে কে জানে? তার পর সে নেমে গেলে যদি পাথর বন্ধ হয়ে যায় ভিতর দিক্ থেকে খোলবার কি কৌশল তা তার জানা নাই। অবশ্য পাথরের মাঝখানে পিনের মুখে দুখানা পাথর আটকে দিলে হয় কিন্তু যদি কেহ এসে পড়ে আর আটকাবার পাথর দুখানা খুলে দেয় তা হ'লে তার অননুসাধারণ বুদ্ধির আধার—নখর মানবদেহের হবে জীবন্ত সমাধি।

নিশিকান্ত স্মরণ করলে ইংরাজি প্রবচন—বিচারবুদ্ধি নির্ভীকতার প্রধান অঙ্গ। সে আবার বৃণী শিলার উপর পাথরের চাকড়গুলো চাপা দিলে।

সারাদিন সে নিজের জানলার অবসরের প্রতীক্ষায় বসে দিন কাটালে। রাখালেরা সেই ভাঙা কুঠীতে গরু ছাগল চরাতে এলো। গাছের শাখে শাখে পাখী ডাকলে। রবিকরপ্রসূত গাছের ছায়। গাছদের প্রদক্ষিণ করলে। সারাদিন আর সে পথে নিশিকান্তর যাওয়া হ'ল না।

—ধাম্মেল-গড়—

—ধাম্মেল গড় ?

—ধাম্মেল গড়। ধাম্মেল গড়ের রাণা সাহেব ঔধের একজন প্রসিদ্ধ

লাল ছায়া

ভালুকদার। হিন্দুজাতি সংগঠন, প্রাথমিক-শিক্ষা-প্রচার-সমিতি প্রভৃতি জনহিতকর অনুষ্ঠান তাঁর প্রজ্ঞাদের উন্নত করেছে।

—কিন্তু চুরি গেল কেমন করে ?

—কাগজে পড় নি ?

নির্মলকান্তকে স্বীকার করতে হ'ল যে ক'দিনের জগৎ প্রবাসে এসে সে স্থানীয় সংবাদপত্র পড়ে নি। প্রফেসার সেন তাকে চুরির বিস্তারিত বিবরণ বলে।

রাণাসাহেব এসেছিলেন দিল্লীতে বড়লাট-সন্দর্শনে। রাণীসাহেব সঙ্গে ছিলেন অগাধ পরিজন সমিতি। পরশু রাতে রাণী গিয়েছিলেন বিজয়পুরের মহারাণীর ভোজে। গৃহে ফিরে তিনি হীরার মালা শয়ন-কক্ষে বাত্মের মধ্যে বেখেছিলেন। সকালে তাঁর একজন পরিচারিকাকে খুঁজে পাওয়া গেল না—তার সঙ্গে উদাও হ'য়েছিল হীরার সিঁগি।

এ বড় রহস্যের কথা। অত বড় লোক নিজের পরিচারিকা আনেন নি ?

—অনেক গুলি এনেছিলেন। এখানে এসে নূতন দাস-দাসী কতক গুলি রাখতে হয়েছিল ঘর-ঘার সাক্ষর কার জগৎ।

নিশিকান্তের কুতূহল ক্রমশঃই বেড়ে উঠছিল, হীরার মালার সঙ্গে সরফু মিঞার কোনো সম্বন্ধ থাকলে—হীরার মালা তো তার হাতের ভিতর। যে দাসী পালিয়েছে তার সম্বন্ধে অনেক জেরা ক'রে নিশিকান্ত কোনো সমাচার বার করতে পারলে না।

বাল্য-বন্ধু নির্মলকান্তের জানবার প্রকৃতি প্রফেসার সেনকে বিস্মিত করলে।

লাল হুয়া

সে বলে—শুনতে পাই তুমি ব্যবসা-স্বাগিন্য কবে যথেষ্ট অর্থ উপার্জন করেছ। তুমি কি গোয়েন্দাগিরি আরম্ভ করেছ নাকি ?

নির্মূল হেসে বলে—কার্য্য কারণের সম্বন্ধ থেকে চুরির হেঁয়ালীর অর্থ করা মন্দ কি ? মস্তিষ্ক খেলানো।

—মস্তিষ্ক খেলিয়েছে পুলিশ অনেক। দিল্লীর অনেক লোককে সন্দেহ গ্রেপ্তার করেছে।

এ বিষয়ে আর কথাবার্তা হল না।

রাত্রি তখন এগারটা। একটা কালো পোষাকে নিজেকে আবৃত করে—বিজলি বাতি, রিভলভার, ছড়ি, একশিশি কাকলিক এসিড প্রভৃতি সঙ্গে নিয়ে নিশিকান্ত ভাঙা কুঠীর মধ্যে প্রবেশ করলে। তার ঔৎসুক্য, দঢ়তা এবং একাগ্রতা দেখলে লোকের মনে পড়ে যেত কবির রচনা—
'সাগর উদ্দেশে যবে বাহিরায় নদী' ইত্যাদি।

সে পাঠানের হাতে ছিল আগ্নেয়স্তম্ভ। নৃণীশিলা অপসারিত হলে। টর্চের বিদ্যুৎ-আলোকে নিশিকান্ত দেখল পাথরের সিঁড়ি, চার ধাপের পর চাতাল। তার বুঝতে বিলম্ব হল না যে, যে ভাগ্যবান ওম্‌রা হর সেটা ছিল বাসস্থান—তার পরিবারের মেয়ের। এই সিঁড়ি দিয়ে নেমে যমুনা় স্নান করতে যেত। স্মৃষ্টি অনেক সিঁড়িবের দাগ—প্রাসাদ ছিল নিশ্চয় কোনো হিন্দু ওম্‌রাহের।

নিশিকান্তের রসপ্রিয়তা লোপ পায়নি দারুণ উদ্বেজনায়।

সে তার পাঠান-সঙ্গীকে বলে—সাবাস খাঁ, এমন স্মরণে যদি সাপ না থেকে তারা চোরগীতে বাস করে—আমি মোটেই তাদের বুদ্ধি-মত্তার প্রশংসা করতে পারি না।

লাল ছায়া

সাহাবাজ খাঁ অল্প কথার মানুষ। সে বলে—ভুজুর।

নিশিকান্ত যুক্তহস্তে চারদিকে কার্বলিক এসিড ছড়ালে। চাতালে নেমে দেখলে সিঁড়ি নেমে গেছে যমুনার দিক। বহু ধাপ। তার সন্দেহ রইল না। সে বাইরের ভূমির নিরে। যমুনা-পুলিনে পলি পড়ে ঘাটে বার হবার দার বন্ধ হয়েছে। বাহিরের জমি খুঁজলে পাওয়া যাবে একটা ঘেরা স্নানের ঘাট যেখানে যমুনার জল আসতো আর স্নাতাদের পানের কলঙ্ক ধুয়ে নিয়ে বয়ে যেত।

চারদিকে তাকালে নিশিকান্ত। পণ্ড্রম। সে উপরে উঠলো— আবার নীচে নামলো। তার কপালে শ্রমের চিহ্ন দেখা দিল—বিন্দু বিন্দু ঘামে। দ্বিতীয়বার উপরে উঠে অপ্রস্তুতের হাসি হেসে সাহাবাজ খাঁকে বলে—খাঁ সাহেব, ইংরাজিতে যাকে বলে বুনা হাঁস তাড়া—তাই হয়েছে। ওয়াহিদা মেহনত।

কম কথার মানুষ বলে—খোদা না খাত্তা।

কথাগুলো মস্তশক্তির মত কাজ করলে। নিশিকান্তের মস্তিষ্কে প্রেরণা এলো। ঐশ্বর্যশালিনী অমাত্যবধূরা জনকক্রীড়া করত অস্তুতঃ কতকগুলো অলঙ্কার খুলে রেখে। নিশ্চয় চাতালের আশে পাশে একটা ঘেরা সিন্দুক পোঁতা আছে প্রাচীরের গায়ে।

সে প্রাচীরের গাত্র পরীক্ষা করলে। লাঠি দিয়ে শব্দ করলে। নিরেট পাথরের শব্দ।

শেষে নীচের চাতালে এক জায়গায় ফাঁপা শব্দ। পাথরের গায়ে একটা ছোট গর্ত। তার মধ্যে লাঠির ডগা প্রবিষ্ট করে দিলে নিশিকান্ত। পাথরের কপাট খুলে গেল।

লাল দুস্বা

তার বিদ্যৎ-বাতির আলোকে ঝলসিয়া উঠিল—ধাপ্পেল গড়ের রাণীর
হীরার-মালা ।

তার মৌন্দর্য্য অপরিমেয় । আনন্দে নিশিকান্ত করতালি দিল ।

—লুট লিয়া—

নিশিকান্ত জহরৎ চিন্ত । সে সূড়ঙ্গের অস্পষ্ট আলোকে টর্চের
সাহায্যে হীরার-মালার মূল্য নির্ধারণ করলে—অন্ততঃ বিশ হাজার
টাকা ।

হীরার-মালা যখন সে সবলে হাতে নিলে—হাস্তময়ী রহস্তময়ী এক
সুবতীর মুখ তার স্মৃতি-পথে ভেসে এলো । এ মালা তার কণ্ঠে—

নিজেকে ভৎসনা করলে নিশিকান্ত । কি সর্বনাশ ! সেই পবিত্র তরুণ
কণ্ঠে এই চোরাই মাল—আর চোরাই মাল রাখার অপরাধে তার কারা-
বাস ! সর্বনাশ !

নিশিকান্তের সহজ ধীরতা প্রত্যাবর্তন করলে । সে হীরার মালা
ভিতরের পকেটে রাখলে । তার পর গুপ্ত কুলঙ্গী পর্য্যবেক্ষণ করলে ।
ছোটখাট অলঙ্কার অনেক ছিল সেখানে । আর নোটের তাড়া । হাজার
টাকা, একশত টাকা, পঞ্চাশ টাকার নোটের তাড়া সে স্পর্শ করলে না ।
দশ টাকার নোটের কুড়িটা বাণ্ডিল আলখাল্লার বিভিন্নস্থানে রাখলে—
যার মোট মূল্য—বিশ হাজার টাকা ।

ঘৃণী শিলা যথাপূর্ব বদ্ধ ক'রে গৃহে প্রত্যাবর্তন করলে নিশিকান্ত ।

লাল ছদ্ম

সে রাতে বাটপারীর মাল একটা সামান্য মাটির কুঁজার মধ্যে আবদ্ধ হয়ে বাগানের এক কোণে মাটির তলায় পোঁতা রছিল।

সারা রাত নিশিকান্ত ভাবলে। হীরার-মালার হীরা খুলে বিক্রয় করতে গেলেও ঝগড়া হতে পারে। বিশেষ যখন ধাপ্পেল গড়ের রাণী স্ত্রীকে ভালবাসে। সে মহত্ব তার শেণীর লোকের চরিত্রে বিরল। আর ভদ্রলোক বিছোংসাহী—প্রাথমিক শিক্ষা প্রবর্তনে তার উৎসাহ আছে। বাস্—আর আধ্যাত্মিক তর্ক নিশ্চয়োজন।

নিশিকান্ত যখন হ'ল আবার অতি প্রশান্ত—নিদ্রাদেবী তাকে তাঁর নিবিড় ক্রোড়ে টেনে নিলেন। সে স্বপ্ন দেখলে হাশু-মুখী রাণী—গলার হীরার-মালা—সোহাগভরে রাণাসাহেবকে বলছে—মার এই দয়ার জন্তে অনেক গরীবকে এক সঙ্গে বসে খাওয়াও—আমি নিজের হাতে রন্ধন করব। কিন্তু রাণীর মুখখানা সেই জহরীর দোকানের তরুণীর উজ্জল মুখ।

তৃতীয় দিন অপরাহ্নে যে সময় ধাপ্পেল গড়ের রাণাসাহেব অজ্ঞাত বন্ধুর প্রেরিত পার্শেল খুলে দেখল হীরার-মালা মিঃ নিশ্চলকান্ত রায় তখন আশালার হোটেলে। পার্শেলের সঙ্গে এক পত্র ছিল—তাতে লেখা ছিল—

—যে দস্যুর রত্নাগার লুণ্ঠন করে এই মালা উদ্ধার করেছি—সে দস্যু এ অধীনের সন্ধান পেলে অধীনের জাতি-গোষ্ঠীর চিহ্নমাত্র থাকবে না এ জগতে। তাই প্রকাশ্যে আপনার স্ত্রীকে এ-মালা প্রত্যর্পণ কর্তে পারলাম না। কেবল একটা অনুরোধ এই যে আপনি প্রজ্ঞাহিতকর কাজ করে যাবেন, জগদীশ্বর আপনার মঙ্গল করবেন। আর শ্রদ্ধেয়া

লাল ছায়া

রাণীসাহেবাকে অনুরোধ কর্বেন তিনি যেন দয়া করে নিজ হস্তে রক্ষন করে একদিন দরিদ্র নারায়ণের সেবা করেন।

রাজপ্রাসাদের ত্রিসীমায় এ সন্দেহ স্থান পেলে না যে এ রাম নাম ভূতের-কণ্ঠ-নিঃসৃত। সবাই ভাবলে সাধুর দান—সে হীরার মালা।

সন্দেহে যারা গ্রেপ্তার হয়েছিল তাদের মাঝে ছিল মিশ্রণ সরফুদ্দীন। অকস্মাৎ মুক্তি পেয়ে তার মন চঞ্চল হ'লো। সে সুড়ঙ্গের রত্নাগারের অবস্থা দেখে আলিবাবার দস্যু-সর্দারের মত করুণ স্বরে গাহিল—লুট্‌ লিয়া শালা লটলিয়া।

—সাহাবাজ খাঁ—

মাত্র ছ'পেগ্‌ ছইফি পান ক'রে নির্মলকাস্তের মনোভাব উন্নত ও প্রফুল্ল হ'য়েছিল। সে সাহাবাজ খাঁকে ডেকে বলে—সাবাস্‌খাঁ তুম্‌ সাবাস্‌!

সে বলে—হজুর।

—তুম্‌ বফাদার, ইমানদার বহুৎ সাবাস্‌।

সাহাবাজ খাঁ ঘাড় বেঁকিয়ে বাম হস্তের উপর দক্ষিণ হস্ত রেখে বলে—ইন্সাল্লা।

নির্মলকাস্ত জেরা করে যতই তার জীবনের আদর্শের অনুসন্ধান আত্ম-নিয়োগ করলে—পাঠান-বীরের আন্তরিক বিনয় ততই তার উদ্দেশ্য-সিদ্ধির পথে নিজেকে তুলে ধরলে চীনের প্রাচীরের মত। বহু কষ্টে চতুর

লাল তুঙ্গা

নির্মলকান্ত বুঝলে সাহাবাজ খাঁর আন্তরিক বাসনা একটা মেওয়ার বাগিচার মালিক হ'বার।

—আচ্ছা একটা ফলস্তু-গাছ আছে এমন বাগানের কত দাম তোমার পেশোয়ারে ?

—হুজুর যেমন মাল তেমনি দাম।

—আচ্ছা মাসে একশত টাকা লাভ হয় এমন বাগানের কত দাম।

দশহাজার টাকার বাগান কিনে যদি একটা লোক সেখানে রীতিমত পরিশ্রম করে—আর যদি সীমান্ত থেকে পাঠানের-দল এসে লুটপাট না করে তা হ'লে অনায়াসে একশত টাকা উপার্জন করা যায়।

—আচ্ছা সাবাস্ খাঁ, তুমি যদি দশহাজার টাকা পাও তা হ'লে অমন একটা বাগিচা কেনো ?

সাবাস্ খাঁ মনে মনে হাসলে। যে পদার্থ পেটে পড়লে মানুষকে এমন প্রফুল্ল করে সরিয়ৎ কেন সেটাকে না-জায়েজ বলে বর্ণনা করেছে তা সে বুঝতে পারলে না। মন্দ কি ? সে নির্মলকান্তকে আন্তরিক ভালবাসত।

তাকে মৌন দেখে নির্মলকান্ত হাসলে। বললে—তুম্কে বাগিচা বনানে হোগা—সমঝা ?

মনিবের কথার প্রতিবাদ করবার বে-আদবী সে জানতো না।

বললে—যো হকুম।

নির্মল উঠে গেল। বিছানা খুলে একটা বালিশ বার করলে—ছুরি দিয়ে তাকে কাটলে।

লাল ছদ্ম

তুলার ভিতর হতে দশ বাণ্ডিল নোট বাহির হ'ল যার মূল্য দশ হাজার টাকা।

সে টাকা সে সাবাস্ খাঁকে দিল। বললে—যতদিন বেঁচে থাকব সাবাস্ খাঁ বছরে বছরে এক টুকরি ফল পাঠিয়ে দিও। আর যদি আরও টাকার আবশ্যক হয় আমার কাছে চেয়ে নিও—লজ্জা করো না।

একটা ভীষণ ঘৃণা হ'ল। সাবাস্ খাঁ নেবে না—তার গোলামী করবে—খিদমত করবে। নিশ্চলকান্ত তাকে টাকা দেবেই—সে তার ভাই—তার অনুরাগ—তাব নম্রতা বড় মধুর।

সাবাসের চোখে জল এলো—অত বড় প্রকাণ্ড দেহ স্পন্দিত হ'তে লাগলো। সে নতজানু হ'য়ে নিশ্চলকান্তের হস্ত চুম্বন করলে।

• নিশ্চল বললে—ইমানের পথে গেলো।

রেলগাড়ীতে সাহাবাজ খাঁ পেশোয়ার যাত্রা করলে—নিশ্চলকান্তের বুটক ওয়াজিরাবাদ শিয়ালকোট হ'য়ে জাম্মু ষাবার অভিপ্রায়ে লাহোরের দিকে অগ্রসর হ'ল।

নিশ্চলকান্ত বললে—একেই বলে পরের ধনে পোদারা। লোকটা কি বোঝেনি আমার চরিত্র! কে জানে? কিন্তু ভাবে বা ভামায় কোনো দিন ঘুণাক্ষরে জানতে দেয় নি যে সে আমার শয়তানি সম্বন্ধে ওয়াকিফ্ হাল ছিল।

—দস্যু—

উজীরাবাদ থেকে শিয়ালকোট অবধি বিস্তৃত প্রান্তর। পাঞ্জাবের

লাল ছায়া

সমস্ত গ্রামের মত এ পথের গ্রামও একটু উঁচু জমির উপর কতকগুলো
অসমান বিষদৃশ-দর্শন কোঠা-বাড়ীর সমষ্টি। দিনের আলোয় চক্ষু ঝলসে
ষায়—রাতে উপভোগ্য—শুকনো হাওয়া। রাত্রি যত অধিক হয় বাতাস
তত হয় শীতল।

শিয়ালকোটের সন্নিকটে সাঁরবিয়াল। গুজরাঁবালা থেকে একটা
পথ এসে সেখানে মিশেছে। তার অনতিদূরে ক্ষুদ্র একটা নদী—চেনাবের
পথে ধাবমান। তার পুলের দু'পাশে রাস্তা উচ্চ। গাড়ীতে নিশ্চলকাস্ত
নিছক একেলা। তার গাড়ীর সামনে দুটা বড় আলো প্রচণ্ডভাবে জ্বল-
ছিল। গাড়ী ছুটছিল উর্দ্ধ্বাসে।

গতিতে একটা স্থখ আছে। মুক্ত আকাশের তলে মুক্ত বাতাস
মানুষকে বিশ্বজয়ী করে। কল্পনা গাঙ্গীর্ষ্য ধারণ করে। মিঃ রায় সে
আনন্দ উপলব্ধি করছিল।

হঠাৎ গাড়ীর আলোয় দেখলে নিশ্চলকাস্ত দুটা লোক পুলের নীচে চলে
গেল। এত রাতে এরকম প্রাস্তরে মাথায় পাগড়ী-বাঁধা লোক—পথের
মাঝে জম্বুকের মত নেমে গেল পুলের তলায়—এ ব্যাপারটা
মোটাই তার ভাল লাগলো না। সে গাড়ীর বেগ-বাড়ানো পিন্
থেকে পা তুলে নিলে—গাড়ীর গতি মন্দ করলে—একটু নিরীক্ষণ করে
দেখলে।

একটা প্রকাণ্ড তালগাছের কাণ্ড পুলের পথ বন্ধ করে ভূ-লুপ্তিত। অস্ত
কেহ হ'লে গাড়ী ফিরিয়ে নিয়ে মাত্র সাত আট ক্রোশ প্রত্যাবর্তন করে
উজীরাবাদে রাত্রি-ষাপন কর্ত্ত। নিশ্চলকাস্ত হাসলে। গাড়ী একেবারে
থামালে না।

লাল হুয়া

পুলের প্রায় একশো গজ দূরে গাড়ী থামালে। গাড়ী থেকে নেমে তালগাছের গুঁড়ির কাছে গেল। প্রতিক্ষণে সে প্রত্যাশা করছিল—ই আলি—বলে ডাকাতির দল ছ'পাশ দিয়ে উঠবে।

দস্যুরা ঠিক ভাবে নি—সাহেব-গাড়ী থামিয়ে নিজে নেমে আসবে। তাদের বিশ্বাস ছিল গাড়ী ধাক্কা খেয়ে খেমে যাবে—বিস্মিত আরোহীদের উপর তখন তারা আক্রমণ করবে।

হাতে ছ'নলা রিভলভার নিলে নিশ্চলকাস্ত। চুরট মুখে করে গাছের গুঁড়ির উপর বসলো। পুলের তলায় দস্যুর দল বড় সমস্যায় পড়লো। গাড়ীর উজ্জল আলো নিশ্চলকাস্তের মুখের উপর পড়ে তাকে অসাধারণ লাভগাময় করলে।

• নিশ্চলকাস্ত সময় নষ্ট না করে বলে—হিয়ার কোন্ হায়, আড্‌মি জলদি আও। ওয়ারনা গুলি মারেগা। জলদি।

নদী তো ক্ষীণতোয়া—বালির ওপর জলের স্রোত মাত্র। নিশ্চলকাস্ত শব্দ পেলে জলের ওপর দিয়ে মানুষ পার হওয়ার। সে আবার ডাকলে! বাকি যারা ছিল তারা পার হয়ে ওপারে উঠে ছুটতে লাগলো। নিশ্চলকাস্ত মিছামিছি বন্দুকের একটা কাঁকা শব্দ করে নিজের হাতে গাছের গুঁড়ি সরালে। তার পর গাড়ীতে উঠে শিয়ালকোট অভিমুখে যাত্রা করলে।

ধীরতাই ছিল তার সাফল্যের অন্তর্নিহিত শক্তি। বিপদ মানুষকে বিপন্ন করে কিন্তু সে নিজে ঝঞ্ঝাট ঘাড়ে নিতে পারে না। গুণ্ডা, বদমায়েস প্রভৃতির সঙ্গে করে নিশ্চলকাস্ত বেশ বুঝেছিল তাদের মনোভাব। ভীকতাই তাদের প্রধান বৃত্তি। চোখ রাঙিয়ে দাঁড়ালে গুণ্ডা তার গুণ্ডামী

লাল ছদ্মা

ছাড়ে। বল অপেক্ষা বুদ্ধি যখন নৈতিক জগতে বড় তখন তার বিধি-বিরোধ-ক্ষেত্রে এ নীতি যে সত্য তা সে উপলব্ধি করেছিল।

—রমজু হাঁজি—

কাশ্মীর ভ্রমণে এসে নিশিকান্ত মনে তেমন শান্তি পেলেন না। ভূ-স্বর্গ তার প্রাণে স্বর্গ স্মৃতি দিতে পারলো না—সেই যুবতীটির স্মৃতির অত্যাচারে। প্রথম স্মৃতিতে যুবতীর উপর নিশিকান্তর আক্রোশ হতো। আরও নানা রকম ভাব তার মনে আসতো—অনির্দিষ্ট, এলোমেলো মিশ্র ভাব! কিন্তু স্থিতির শেষে আবিলা-জল যেমন নিশ্চল হয়—যত আবর্জনা গিতিয়ে পড়ে পাত্রের নীচে—তার মনের অবস্থাও তেমনি হতো কিছুক্ষণের পর। আবিলা চিন্তার পর নিশ্চলতার মধ্যে ভেসে উঠতো সেই সুন্দর মুখ! আনন্দের লহরী! বুদ্ধি আর ছঃসাহসের অপূর্ণ সংযোগ। সে স্তম্ভ ভাবকে মনের ত্রিসীমায় আসতে দিত না যে, সে ভদ্র-মহিলা—সমস্ত ব্যাপারটার তলে আছে এক প্রকাণ্ড ভ্রম! তা' হলে সে রমণী-রত্ন তার পক্ষে হতো দুর্লভ! মনের সঙ্গে ছলনা করেও নিজের কলুষিত জীবন-স্রোতে পবিত্র ভাগীরথীর জল সে মেশাতে পারবে না! সে অমরার দেবী—ত্রিদিবেই থাকবে! নিশিকান্ত ধরাভলে বসে তার পূজা করবে! আর যদি সে সন্তানস্তু না হয়, তা হলে একদিন...

তার দিনের স্বপ্ন ভেঙ্গে গেল যখন বজরার হাঁজি একটি নক্সা-করা

লাল হুয়া

কাঠের পাতে ছইন্ধি এনে তার সামনে ধরলো : ধব্ধবে কুমালে তক্তকে কাঁচের গেলাস পরিষ্কার করে দিলে আর একবার হাঁজি রোমজান ।

নিশিকান্ত বসেছিল ফেরারী কুইন বজরার ছাদের উপর—চাঁদোয়ার নীচে । দাল হুদের জলে দিন-শেষের সূর্য্য-কিরণ তরল হয়ে এসে মিশেছিল—আর দূরে সেই জলে আশ্রয়দান করছিল ক'জন মেম, সাঁতারের পোষাক পরে । তারা একটা বজরার উপর থেকে নানা ভঙ্গিতে জলে লাফ দিচ্ছিল—কখনও জলদেবীর মত, কখনও নিজেদের আকার সোয়ালো পাখীর লেজের মত করে । দূরে পাহাড়ের মাথার উপর হিমালী বলমল করুছিল ।

কাশ্মীরের হাঁজি ছিল নিশিকান্তের প্রিয় । সে ষোল আনা ঠক, আট আনা চোর, সাড়ে পোনেরো আনা নোঙরা । কিন্তু তার সেবা বড় মধুর । তার হাতের কাছে যদি থাকে পরিষ্কার জল আর দূরে থাকে ময়লা পানীয় তো কষ্ট করে দূরে গিয়ে ময়লা-জল সে পান করে আসে । ষোড়শোপচারে সে তার বজরার অতিথিকে পূজা করে ! এবং সুবিধা পেলেই তার বোতাম, সেক্টি-পিন, টাকা-পয়সা, ফল বা আউল-কতক ছইন্ধি চুরি করে । টাকা ভাঙ্গিয়ে আনতে দিলে সে তিন আনা নিজের পকেটে লুকিয়ে রাখে ! ধরা পড়লে বলে,—হুজুর গলতি হয়, খোয়া গিয়া ! হাম আপনা ঘরসে হুজুরকা নোকমান পুরা করতা । তার পর লুকানো তিন আনা বার করে দেয় ।

নিশিকান্ত ভাবতো, এমন কাশ্মীরী পণ্টন পেলে সে বিশ্ব-বিজয় করতে পারে ! যদিও জনশ্রুতি বলে যে কাশ্মীরে উপনিবেশ স্থাপন করেছিল বাঙ্গালী নাবিক—পৈত্রিক স্বদেশে এদের প্রত্যাবর্তনের কোনো লক্ষণ নিশিকান্তের নয়ন-পথে পড়েনি ।

লাল হুশা

নিশিকান্ত বললে,—রমজু, আজ ডিনারের কি বন্দোবস্ত করেছ ?

—হুজুর, ডাক্ রোস্ট, টমেটো সূপ, ক্রাষ চপ্, পুডিং ।

—যাক্ । তা হলে বোঝা গেল, ফাউল কাট্লেট, সাদা সূপ, মাটন কারী ।

কারণ নিশিকান্ত জানতো, পাঁচ মিনিট পরে যে-সব মিথ্যা ধরা পড়বে, অভ্যাস খারাপ হবার ভয়ে হাঁজিরা সে সব বিষয়েও মিথ্যা বলতে ইতস্ততঃ করে না ।

হাঁজি বললে,—হুজুর, সহরমে এক বড়া চোরী হো গিয়া । বহৎ ঝাট্ মাচা ।

নিশিকান্ত বললে,—তোম্ বেটা একদম বুটা হায় । তুম যব্ বোলতা চুরি হয়, আলবৎ কোই খয়রাৎ কিয়া !

রোমজান হাসলো । বাঙ্গালী সাহেবরা নেহাৎ অপদার্থ নয় ! তাদের গুণগ্রাহিতা আছে, এ সত্য উপলব্ধি করে রোমজান খুশী হলো । কথা প্রমাণ করবার জন্য খানসামা গফুরকে সে ডাকলে,—গফুরওয়ো বোলাইয়োর !

গফুর বুললে, অর্থাৎ চলে এলো । রোমজানের আদেশে সে একখানা লাল কাগজে ছাপা বিজ্ঞাপন আনলে । এই গফুরকে রোমজান প্রথমে তার ভাইকা লাড়কা বলে পরিচয় দিয়েছিল, শেষে প্রমাণ হয় যে, সে তার স্ত্রীর ভ্রাতৃপুত্র । নিশিকান্ত হাঁজি-চরিত্রের গভীরতায় যত ডুব দিত, ততই রত্ন উদ্ধার করতো, আর মনে মনে বেদনা অনুভব করতো যে, এমন চরিত্র কলিকাতায় হুপ্রাপ্য !

বিজ্ঞাপন অর্ধেকটা উর্দু ভাষায়, অর্ধেকটা ইংরাজীতে । কোনো ইংরাজের নিজের মাতৃভাষার উপর এমন দখল ছিল না যে, সে

লাল হুশা

বিজ্ঞাপনের মর্শোদলাটন করে ! নিশিকান্ত কিন্তু বুঝলো ব্যাপারটা কি !
বোথারার এক আমীর বকরীদের সময় এক বহুমূল্য লাল-হুশা কোরবানী
করবার মানং করেছিল। এক ফকীরের আদেশেই তার এই মানত।
কোরবানী করবার হুকুম ছিল, শ্রীনগরের সা-হামাদান মসজিদে। সিন-
কিয়াঙ্ ইয়ারকান্দী মহল্লায় আমীর শাহ্ বুলবুল লাল-হুশা নিয়ে বাস
করছিল। বকরীদের আর মাত্র দশদিন বাকী। অকস্মাৎ লাল-হুশা
গায়েব ! তার উপর আমীরের পুত্রের জীবন নির্ভর করছে—এবং পুত্রের
জীবনের উপর নির্ভর করছে কাশগরের আমীরী। কারণ, কাশগরের
আমীরের একমাত্র কণ্ঠার সঙ্গে বোথারার এই আমীরের পুত্রের বিবাহ
স্থির হয়েছে। লাল-হুশা হাজির কর্তে পারলে আমীর পাঁচ হাজার টাকা
বকশিস দেবে !

নিশিকান্ত চিন্তামগ্ন হলো। লাল-হুশা খেত হস্তীর মত—বোধ হয়
তারই জাতি ! হুনিয়ায় যদি জন্মায় তো শত বৎসরে একটা ! পাঁচ
হাজার টাকা বকশিস্ ! চাই এতে মস্তিষ্কের খেলা। বিদেশে একটা
ডিটেক্টিভের কাজ করতে পারলে তার কীর্তি অমর হয়ে থাকে !

তার দিনের স্বপন তার কল্পনার চোখের সামনে ধরলে সিন্ কিয়াং
কাশগার, বোথারা ইয়ারকান্দ—সেখানে সে আমীরের অতিথি হয়ে
রাজপথে পোলো খেলচে আর চামরী গরুর সগু-দোহা হুধ পান্ন করছে।

—ফকরু—

মাঝি-মাল্লাদের মাঝে অণু প্রসঙ্গ ছিল না। তাদের প্রাণের আন্তরিক

লাল হুয়া

উত্তেজনা সুস্পষ্ট ফুটে উঠছিল তাদের বাক্যে। অহঙ্কার, প্রয়োচনা, লোভের উত্তেজনা, দাল হুদের পড়ন্ত রোদের শোভা—সমস্ত মিলে নিশিকান্তকে লাল-হুয়ার তল্লাসীতে উৎসাহিত করে তুললো।

নিশিকান্ত স্থির-সিদ্ধান্ত করলে যে, লাল হুয়া শ্রীনগরের ভিতর নাই, অথচ তার কাছাকাছি কোথাও আছে। সে নিজের মোটর চড়ে শ্রীনগরের চারিদিকে ঘুরে বিলাম-উপত্যকার ভূগোলটা আয়ত্ত্ব করে ফেললে। একখানা শিকারা নিয়ে দাল-দরজা থেকে মার কেনালের ভিতর দিয়ে মিয়া কদল প্রভৃতি পুলের তলায় তলায় সমস্ত শ্রীনগরটা জলপথে ভ্রমণ করলে। সহরের ভিড়ের মাঝে কেউ লাল-হুয়া রাখবে না! শেষে শালিমার প্রমোদ-কাননের নিকট ক্ষুদ্র গ্রামটার উপর নিশিকান্তের সন্দেহ হলো। তার কারণ ছিল অনিবার্য।

কোকেনের কারবারে নিশিকান্তের এক পেশোয়ারী ছোকরা ছিল, তার নাম ফজলু। বাজারের মাংসে ফজলুর উদর-পূরণ হতো না। কর্মাবসানে তার সখ ছিল ছাগল, ভেড়া, হাঁস, মোরগ চুরি করা। সবাই বলতো, ফজলুর সম্মোহন-বিষ্ঠা আয়ত্ত্ব আছে। ইচ্ছামত যে-কোনো জন্তুকে সে ষাট করতে পারে। ফজলু একবার বকশিসের লোভে আবগারী দারোগাকে খবর দিয়ে প্রায় হাজার টাকার কোকেন ধরিয়ে দিয়েছিল। কোকেন-ব্যবসায়ীর নীচতার দায়ে ফজলু কলিকাতা-ত্যাগী হয়। একদিন শালিমারের কাছে অকস্মাৎ রমজু বললে—বাবুজী, হুজুর, একঠো আদমী আপকো দেখকে ছিপ্ গিয়া—পেশোয়ারী ঝানুম হোতা।

নিশিকান্তের চক্ষু এড়াবে, এমন সাধ্য ফজলুর ছিল না। তাকে দেখেছিল নিশিকান্ত—কিন্তু এত জোরে তার শিকারা দালের উপর দিয়ে

লাল দুয়া

বেরিয়ে গেল যে, নিশিকান্ত তাদের অচুসরণ করতে পারলো না। রমজু লোকটাকে দেখেছিল। নিশিকান্ত তাকে পাঁচ টাকা পারিতোষিক দিতে সম্মত হলো যদি সে ফজলুর সন্ধান করতে পারে! কেবল দুটা বিষয়ে নিশিকান্ত সন্দিহান হলো। প্রথমতঃ উপহারের বিজ্ঞাপন ফজলু দেখেছে কি না এবং দ্বিতীয়তঃ তার দারুণ বুভুক্ষা এড়িয়ে লাল-দুয়া জীবিত আছে কি না!

তৃতীয় দিনে রমজু ফজলুর সন্ধান নিয়ে এলো। রমজু তার সঙ্গে সাক্ষাৎ করেছে। ফজলু ষাঙ্গালী সাহেবের সঙ্গে সেদিন বেলা ৬টার সময় নিষাদ-বাগে সাক্ষাৎ করতেও রাজী হয়েছে। তার সহদয় পুরাতন মনিব যখন তার উপর নারাজ নয়, তখন ফজলুর বিধা ছিল না, তাঁর সঙ্গে সাক্ষাৎ করতে।

নিষাদ-বাগে আপেল গাছের তলার মাঠের উপর নিশিকান্ত একখানা বোথারা কার্পেটে বসে ফজলুর প্রতীক্ষা করছিল। বাগানের মালি এক চুবড়ি ফল উপঢৌকন দিয়েছিল তাকে। এমন সে দেয় সকল সম্ভ্রান্ত পরিব্রাজককে। নিশিকান্ত একটি মাত্র নাক্ আশ্বাদন করেছিল। মিথ্যাবাদী ছাগল চোর ফজলুকে কি রকমে সে তার বেড়াডালে কেন্বে, সেই চিন্তায় সে তখন মশ্গল।

ফজলু এসে বলতে লাগলো পুরানো অনেক কালের কথা; তার পূর্বকৃত অপরাধের জন্ত ক্ষমা প্রার্থনা করলে। পুলিশের শয়তানীর ফেরেবে পড়েই সে কৃতয়তা করেছিল। এখন সে অন্ততপ্ত।

অমায়িক হাসি হেসে নিশিকান্ত বললে—এখন বক্রো চুরি বন্ধ করেছ তো?

লাল ছায়া

ফজলু চতুর্দিক নিরীক্ষণ করে দূরে মাত্র একটি ইংরাজ মহিলাকে দেখতে পেলে। ক্যান্ডিসের উপর তিনি পড়ন্ত রোদে দাল হৃদের আলো 'ও ছায়ার প্রতিকৃতি প্রতিফলিত করছিলেন। ফজলু বললে— নিশুবাবু ওটা খসলত। ওটা এ জিন্দেগীতে যাবে না।

আবার সেই বিহ্বল, উন্মাদক সরল অমায়িক হাসি! নিশিকান্ত বললে,—ফজলু, তোর ঐ ছাগল-ধরা বিস্টেটা আমার শিখিরে দিতে পারিস?

ফজলু উত্তর দিলে,—তোবা! তোবা! হুজুর কি করবেন সে এলেম নিয়ে! আপনি হুকুম দিলে ইন্শায়া যে বকরী বলবেন, এনে আপনাকে তার কাবাব খাওয়াবো।

—বাবা ফজলুদিন তুমি বড় হনরমন্দ। তুমি জঙ্গলী বকরী ধরতে পারবে?

নিশিকান্তর পানে চেয়ে মনে মনে সে বললে—ফজলু-দিন!—হঁ! নিশুবাবুর কিছু মতলব আছে। হঁশিয়ার, ফজলু মিঞা!—এই অবধি স্বগতঃ।

তার পর প্রকাশ্যে বললে,—হুজুর, খোদার ফজলে আর ওস্তাদজীর মেহেরবাণীতে আমি পাহাড়ের টিকের থেকে মারখর ধরে আনতে পারি।

—বারশিঙ্গা?

—আলবৎ।

—বাঃ! দেখ ফজলু! আমার চাচা কিচিওপুরের রাজা, তুমি তো সব জানো!

তার পিতৃকুল, মাতৃকুলের চৌদ্দ পুরুষের মধ্যে—কেহ সে সংবাদ

লাল ছুঁষা

বিদিত ছিল না। ফজলু অবাধে বললে,—তা আর জানি না—
নিশুবাবু!

—চাচার সখ্ বড় ভীষণ। দেশ-বিদেশ থেকে জানোয়ার ধরে এক
চিড়িয়াখানা বানাচ্ছেন। আরে বাপু ণ্ঠাখো না, আমার কি না চাচা
বলেছে, কাশ্মীর থেকে একটা লাল ছুঁষা নিয়ে যেতে।

কথা বলবার সময় নিশিকাস্তু খুব মনোযোগ দিয়ে মিংগা ফজলুদীন
খাঁর মুখের ভাব নিরীক্ষণ করছিল। লাল ছুঁষার নামে কজলুর মুখ
ধারণ করেছিল গৌরবর্ণ।

সে একটু খতমত খেয়ে বললে,—লাল ছুঁষা! না বাবু, ছুঁষার রঙ
কি লাল হয়?

• নিশিকাস্তু ভাবলে, মাছ তো গেঁগেছি! এবার খেলিয়ে তুলি। কথা
পাণ্টে নিয়ে সে বললে—আরে, এত মেওয়া রয়েছে—খাও না।
নাসপাতির সেবা হচ্ছে নাক। খাও ফজলু।

ফজলু সেলাম করে বললে—মেহেরবাণী! কোমর থেকে একখানা
ভীষদর্শন ছুরি বার করে সে নাক নাসপাতি কাটতে আরম্ভ করলে।

নিশিকাস্তু বললে,—হ্যাঁ বলছিলাম—লাল ছুঁষা। একেবারে লাল
স্বরখ্।

ফজলু তার হাতে সেবের টুকরো দিয়ে বললে—না! বাবু, ছুঁষা কখনো
লাল হয়?

—আরে এই তোমার এলেম! আমি সেদিন ইয়ারকান্দী মহল্লায়
দেখলাম—

—ইয়ারকান্দী মহল্লা।—

লাল ছদ্মা

ফজলুর রক্তের শ্রোত শ্রাবণের দামোদরের ধারার মত তার মুখময় ছড়িয়ে পড়লো।

—হ্যাঁ। ইয়ারকান্দী মহল্লা। আহা, কি সুন্দর লাল রঙ!

ফজলু নিজের মনে আঙুলের চাপ দিয়ে কাগ্জি বাদাম ভাঙছিল। এক-মুখ আপেল—নিশিকান্ত বললে—যদি ঐ রকম একটা ছদ্মা আমার চাচাজী পায় তো ভারি খুসী হয়।

ফজলু নিজের মনে বললে—ইয়ারকান্দী। ওঃ আল্লাহ্। ওরা বড় শোধ নেয়। শয়তান্।

এবার নিশিকান্ত হুইলে সূতা গুটোচ্ছিল, বললে—ইয়ারকান্দী মহল্লা থেকে কি আর আনতে বলছি। বলছিলাম, যদি লীদার নদীর ধারে জঙ্গলে—

—না বাবু, জঙ্গলে ও-রকম জানোয়ার পাওয়া যায় না।

নিশিকান্ত আবার সূতায় নোল দিলে। ফজলু অন্য কথা কইলে। কাশ্মীরীরা কাপুরুষ। এদের ইলং নাই, ইজ্জৎ নাই—কাশ্মীরের সেব আর নাক খুব ভাল। এদের দেশে আঙুর হয় না—আঙুরের জন্ম পেশোয়ার প্রসিদ্ধ।

শেষে ফজলু বিদায় চাইলে, বললে—কাল সকালে আপনার বোটে যাবো গাগ্‌রীবলে।

নিশিকান্ত বললে—লাল ছদ্মা কিন্তু আমার চাই, ফজলু। চাচাজী খরচ করতে রাজী আছেন।

পথে শিকারার উপর নিশিকান্ত রমজুকে বলে—রমজু, তুম্ বেটা বহৎ বুটা ছায়।

লাল ছদ্ম

—আলবৎ হজুর ।

আলবৎ হজুর । তার সৌজন্যের আতিশয্য নিশিকান্তকে উৎফুল্ল করে । সে বললে—বাবা, সোজা কথা বলছি, শোনো । ঐ পেশোয়ারী আদমীটা কাল সকালে বোটে আসবে । ওর কাছে লাল-ছদ্মার কথা বলিস্ নে । বুঝ্ লি ? বখশিস্ পাবি ।

—মাণিক চাঁদ—

মৃগাঙ্ক উকীলের কুৎসিত কোঁতুহলকে দমন করবার ভার দিয়ে গিয়েছিল নিশিকান্ত—মাণিক চাঁদের উপর । তার বাপ-মার দেওয়া নাম রসিকলাল খাসনবীশ । কিন্তু তার চোখে ছিল বক্র দৃষ্টি । তাই বাল্যাবধি তার সহচরেরা তাকে বলতো টারা মাণিক । সে দু-একটা “কাজ” করে নিশিকান্তের আফিমের কাজে যোগ দিয়েছিল । তার মনে কষ্ট হবে বলে নিশিকান্ত তাকে বলতো—মাণিকচাঁদ । নামটা তার বাপ-মার রাখা নামের স্থান অধিকার করেছিল । খাসনবীশ বদলে সে নিজের নামের শেষে বসিয়েছিল—চৌধুরী । ছুটোয় মিলে হয়েছিল—মাণিকচাঁদ চৌধুরী ।

উকীল বাবুর নিকট সে রাস্তার কন্ট্রাক্টার ও অর্ডার সাপ্লায়ার মিঃ নির্মলকান্ত রায়ের কর্মচারী বলে পরিচয় দিলে । মাণিকচাঁদ এসে তাকে তার প্রভুর অভিবাদন জানালে । তার মনিবের সৌভাগ্যক্রমেই উকীল

লাল হুয়া

বাবুর শুভাগমন হয়েছিল তাঁর কুঠীতে। মৃগাক্ষ তাকে মিষ্টভাষে তুষ্ট করে মোকদ্দমার বিবরণ জিজ্ঞাসা করলে।

—আজ্ঞে টিকটিকি পুলিশের কাছে একটা দরখাস্ত করতে হবে। বাবুকে একজন ঠকিয়েছে।

জুয়াচোরের ক্রিয়া-কলাপের গল্প শুনে উকীলের ভাবান্তর হলো। তার প্রেরিত ভূষণ মণ্ডল মাঝে থেকে তিনশো টাকা উদরস্থ করবে, সে সন্দেহ তার ছিল না। কিন্তু টেলিভিসন, শেয়ার প্রভৃতি তো তারই শিক্ষা। সর্বনাশ! যদি তার নাম প্রকাশ পায়, তা হলে তার যশ সে একেবারে মলিন হবে। যশই ওকালতীর মূল-ধন।

—সুচিন্ত্য দাস্তিদার? হঁ।

—আজ্ঞে হ্যাঁ। নামটাও বিচিত্র।

অবশ্য নামকরণ ভূষণ মণ্ডল নিজেই করেছিল।

—কি রকম চেহারা?

ট্যারা মাণিক আলোক-চিত্র বার করে তার সামনে ধরলে উকীল শিউরে উঠলো। অনেকে ছ'চোখে যা দেখে, মাণিক দেড় চোখে তার চেয়ে বেশী দেখে। সে মনে মনে হাসলো।

—আজ্ঞে, আমার বাবুর বিশ্বাস যে তার দলে অন্য লোক আছে। টিকটিকিতে দরখাস্ত দিলে তার দলের বাকী লোকগুলো ধরা পড়বে।

উকীল বললে,—হ্যাঁ! বড় মুন্সিফ। কি জানেন, এক তো এগার লক্ষ লোকের ভিতর থেকে তাকে খুঁজে বার করা। তারপর—
তারপর—

লাল হুয়া

—পুলিশ সব পারে। আর আপনার মত উকীলের সাহায্যে কি না হতে পারে ?

—আচ্ছা ! আপনার বাবুর সঙ্গে সাক্ষাৎ কর্তে হবে। তাঁকে একবার পাঠিয়ে দিতে পারলে ভালো হয়।

—আজ্ঞে, বাবু পশ্চিমে গেছেন।

মৃগাঙ্ক অকুল পাথারে একখানা জেলে-ডিঙ্গি দেখতে পেলে। উপস্থিত সে তারই সাহচর্য্যে প্রাণ বাঁচালো।

সেদিন কোর্টে তার জেরার ভেমন জোর হলো না। সওয়াল-জবাবও কেমন খাপ ছাড়া ! দুজন বিপক্ষ দলের উকীলকে মন্দ কথা বলে ক্ষমা প্রার্থনা করতে হলো।

সন্ধ্যার পর মুছরি বেচারাম দালাল ভূষণ মণ্ডলকে ডেকে নিয়ে এলো।

ভূষণের লজ্জা নাই। বললে—লোকটা দেখলাম সোঁদর-গাধা ! তিন তিন শো টাকা কি ছাড়া যায় ?

—জেলে যাও। আর আমার বদনাম !

—মিটিয়ে ফেললেই হবে। হাতে-পায়ে ধরে কিছু টাকা দিয়ে মিটিয়ে ফেলবো।

মৃগাঙ্ক তাকে যারপরনাই গালাগাল দিল। বুঝলো, তার ঘর থেকেও কিছু টাকা যাবে নিষ্পত্তির সময়।

ভবিষ্যতে সে আর দালালের মারফত কোনো কাজ করবে না—মনে মনে ঠিক করলে।

কুক্ষণে তার ঘরে জুয়াচোর ঢুকেছিল। কিন্তু আত্ম-প্রাণির সময় তার

লাল ছদ্ম

মনে রইলো না যে, জুয়াচোরের পায়ে ধূলা তার বাড়ীতে পড়ে বলেই তার যা' কিছু সমৃদ্ধি !

—মিস্ পারুল—

নিশিকান্ত নিজের উপর খুব খুশী ছিল। ফজলু পেশোয়ারী যে লাল-ছদ্ম-হরণের রাবণ, সে বিষয়ে তার সন্দেহ ছিল না। কিন্তু তার বিজয়-উৎসবের প্রাক্কালেই আজকাল তাকে মলিন করতো সেই তরুণীর স্মৃতি ! বিশ্ববিজয়ী জুয়াচোর নিশিকান্ত চোখে চশমা-জাঁটা একটা মেয়ের কাছে পরাজিত ! এই চিন্তাই তার পক্ষে যেন বিভীষিকা !

কিন্তু প্রকৃত কথা জানলে নিশিকান্তকে এতখানি আত্মমানির কশাঘাত সহ্য করতে হতো না। জগতে প্রবঞ্চনার পথ ছাড়া যে অন্য পথও আছে, সে কথার ক্ষীণ আভাস মাঝে মাঝে তার কাণে বাজতো। কিন্তু সে মলিন অব্যক্ত স্বরে শুনতো বিজিতের আর্তনাদ—যারা ঠকেছে, তাদের কাতর অনুশোচনা ; চুরি হয়েছে যাদের সম্পত্তি, তাদের ব্যথার ক্রন্দন ! বিজিতার পথ প্রবঞ্চনার পথ, লুণ্ঠনকারীর পথ ডাকাতির পথ। আর নিশিকান্ত জানতো, সেইটাই জীবনের রাজ-পথ। সুতরাং মিস্ পারুল রায় তাকে সজীবতার উৎসবে ডুবিয়ে দিয়ে যখন চেঙ্গিস খাঁর মত তার ঘড়ী নিয়ে বিজয়-কেতন উড়িয়ে চলে গেল, তখন নিশিকান্ত ভাবতে পারলো না যে, যুবতীটি ভদ্রঘরের শিক্ষিতা কুমারী !

আসল কথা, সেই রাত্রেই কুমারী পারুল রায়, বি-এ, তার পিতা

লাল হুয়া

রেঙুনের ব্যারিষ্টার মিঃ শৈলেন রায়ের সঙ্গে বিলাতে পূজার ছুটি উপভোগ করতে যাচ্ছিল। এক দিন পূর্বে তারা কলিকাতায় পৌঁছায়। তাড়াতাড়ি হুঁচারটে বাজার সারছিল। সেই তাড়াতাড়ির মাঝেই পারুল সিনেমায় আফ্রিকার জঙ্গলের ছায়াচিত্র দেখে নিয়েছিল। নূতন দেশে যাবে, কত নূতন শিক্ষা পাবে—এই আনন্দের লহরে পারুলের মন তখন ভেসে চলেছে। তার পিতা টমাস কুকের অফিসে যখন কাজের কথা কইছে— পারুল সময় বাঁচাবার জন্য তখন ঢুকেছিল পাশে ঠাকুরলালের দোকানে হাত-ঘড়ী পছন্দ করতে।

দাদাবাবু-লাভের নূতন আনন্দে পারুল আরও সময় বাঁচাবার জন্য ছুটে পিতার নিকটে গেল।

রায় মহাশয় হেসে বললেন,—কি রে, ঘড়ী নিয়ে এলি। টাকা কোথায় পেলি ?

পারুল হেসে বললে,—দাম দিইনি, বাবা। আপনি দেবেন চলুন।

মিঃ রায় বললেন—খুব বাহাছুর মেয়ে তো। তোকে তারা চেনে না, শোনে না, তোর হাতে ঘড়ী ছেড়ে দিলে ?

এবার হাসতে হাসতে পারুলের মুখ-চোখ সিঁদুরবর্ণ ধারণ করলে। সে বললে,—দাদাবাবুকে জামিন রেখে এসেছি, বাবা। দাদাবুকে চেনেন না ?

পিতা বললেন—আস্ত পাগল। আচ্ছা, অপেক্ষা কর।

মিঃ রায় সমস্ত যুরোপ ঘুরবেন—তার সুবিধার সকল ব্যবস্থাই করছিলেন টমাস কুকের সঙ্গে। তাঁর প্রায় আরও আধ ঘণ্টা সময় লাগলো। পারুল হাত-ঘড়ীটাকে নিজের কোমল মণিবন্ধে বেঁধে এক

লাল ছদ্ম

একবার দেখছিল জাহাজের ছবি, আর এক একবার অপাঙ্গে দেখছিল নিজের মণিবন্ধ কেমন দেখায়—তাকে নূতন সজীব ভূষণে বিভূষিত করে' । যখন তার পিতার কাজ চুকলো, সাহেব বল্লেন—মিস্ রায়, অতি সুন্দর ঘড়ী আপনি কিনেছেন ! আর আপনার স্মৃতি দেখে আমার নিজের যৌবন যেন ফিরে আসছে, মনে হচ্ছে !

পারুল তাকে ধন্যবাদ দিল ।

সাহেব বললে,—ভগবানের আশীর্বাদ লাভ করো মিস্ । সত্য কথা বলবো, আমি কাজের মানুষ । ভাবপ্রবণ নই । কিন্তু আজ তোমার আনন্দাতিশয্য আমাকে আমার নিজের মেয়ের জন্ম কাতর করছে ।

পারুলের মুখ লাল হলো । সে বললে,—আমি তার সঙ্গে দেখা করবো ।

সাহেব তাকে ঠিকানা দিল । তারা চলে গেলে জোর করে মনের ঘাড় ধরে তাকে কণ্ঠার চিন্তা থেকে সরিয়ে এনে হিসাবের খাতার উপর ফেললে ।

রায় ও পারুল ঠাকুরলালের দোকানে গিয়ে ঘড়ীর দামের কথা জিজ্ঞাসা করলে । পিতা চেকের বহি বার করে লিখতে উদ্বৃত্ত হলো ।

দোকানদার বললে,—দাম তো বাবু দিয়ে গেছেন ।

—বাবু দিয়ে গেছেন ? কোন্ বাবু ?

—দাদাবাবু ।

এক মুখ হেসে পারুল বল্লেন—দাদাবাবু !

মিঃ রায় বিরক্ত হয়ে বললেন—তোদের রসিকতা আমার মোটে পছন্দ হয় না । কে দাদাবাবু ? কি ব্যাপার ?

লাল হুয়া

পারুল বলে—আমি যখন ঘড়ি পছন্দ করছিলাম, দোকানে একজন লোক ছিল। সে আমাকে এই ঘড়ীটা দেখিয়ে দিলে। পরিচয় নেই, ভদ্রলোকের ছেলে ভদ্র লোকের মেয়ের সঙ্গে কথা বলছেন—আমি ভাবলাম, তিনি দোকানদার! তারপর এঁরা যখন বেরিয়ে এলেন, তখন বুঝলাম, একটা নির্বোধ ব্যস্তবাগীশ। এঁরা মনে করলেন, তিনি আমার দাদাবাবু। আমিও তাঁকে বাঁধা দিয়ে আপনাকে ঘড়ী দেখাতে গেলাম। কত রকমের গাধা যে জগতে থাকে!

পারুলের হাসি শৈলেন রায়ের মোটেই ভাল লাগলো না। সে বুঝলে, একটা বে-আদব জানোয়ার সস্তায় বদাণ্ডতা দেখিয়ে তার কণ্ঠার সঙ্গে পরিচিত হবার উচ্চাশা পোষণ করছে তার গর্দভ-চিত্তে! সেই রাতেই কলিকাতা ত্যাগ করতে না হলে সে তার চাবুকের সহ্যবহার করতো গর্দভটার পৃষ্ঠে!

—কোন্ হায় ও আদমী?

—আমরা কি জানবো, বাবু সাহেব! আমরা জানি, আপনাদের লোক!

—ভগবান অমন মানুষের হাত থেকে রক্ষা করুন। সে গাধা!

পারুল বলে,—বাবা, দাদাবাবু তো তার বোকামির মূল্য দিয়েছে। চলুন যাই।

মিঃ রায় বললেন—না পারুল। ব্যাপারটা হেসে ওড়াবার মত নয়। পুলিশে খবর দিতে হবে।

দোকানদারকে জিজ্ঞাসা করলে,—তার নাম-ধাম কিছু দিতে পারেন? চতুর ব্যবসাদার সে কথাটুকু বললে না যে, তারা উভয়কেই সন্দেহ

লাল হুশা

করেছিল। দোকানদার বললে—বাবুসাহেব, আমাদের শ্রবে হয়েছিল। কিন্তু গাহক আদমী, নাম তো জিজ্ঞাসা করতে পারি না। গাড়ীর নম্বর টুকে রেখেছি।

—আঃ! তা হলেই হবে। আমি এই চেক্ আর তার বে-আদবীর গল্প পুলিশ-কমিশনারের কাছে লিখে রেখে যাচ্ছি।

—সন্ধান—

বক্রীদের মাত্র তখন তিন দিন বাকী। ফজলু এক একবার টোপ গেলে, এক একবার ওগ্‌রায়। এদিকে সেদিন প্রভাতে নিশিকাস্তকে রম্‌জু আর একখানা ইস্তাহার দিল। ভাগ্যক্রমে সেখানা লেখা ছিল ইংরাজীতে। পারিতোষিকের টাকার মাত্রা তাতে বাড়িয়ে দেওয়া হয়েছিল।

নিশিকাস্ত ভাবলে, আর খেলালে চলবে না। হাজার টাকা দিলেও মবলগ পাঁচ হাজার টাকা লাভ থাকবে। তার কাশ্মীর-ভ্রমণের খরচ উঠে যাবে।

ফজলু যখন এলো, নিশিকাস্ত কৃত্রিম কোপ দেখিয়ে বললে—তুমি আমার সঙ্গে চালাকী করচো, ফজলু! আমার মায়ুর একটা সখের জিনিষ এনে দেবে—আর তুমি কি না চিংড়িমাছ বেচার মত দর শুরু করলে!

ফজলু সবিনয়ে নিবেদন করলে যে, তার নিজের জানটা যদি হুজুরের

লাল দুগ্ধা

কোন কাজে লাগে—ফজলুর জান সেজন্য প্রস্তুত— আত্মবলির যুগপকার্ঠের ধারে। যদি রাজা বাহাদুর ফজলুকে একটা খাঁচার ভিতর রেখে তিলমাত্র সুখ পান তো ফজলু অবলীলাক্রমে পিঞ্জরাবদ্ধ হতে পারে এবং আবশ্যিক হলে শিক্ষিত বনমানুষের মত চুরুট খেতে, হুইস্কি পান করতে, খানা-পোষাক পরে কাঁটা-চামচ ধরে ডিনার খেতেও প্রস্তুত আছে।

নিশিকান্ত বললে—গাখো ফজলু, এ-সব মামুলী কথা। হ্যাঁ, আমার উপর তোমার শ্রদ্ধা আছে, তা আমি জানি। কিন্তু, আজকের মধ্যে যদি লাল দুগ্ধা পাই তো ভালো। আমি ৬০০ থেকে ৮০০ টাকা পর্যন্ত খরচ করতে রাজি। না হয়—ব্যস্, এই শেষ।

—আজকের মধ্যে হয় না, হুজুর।

—ব্যস্! দোসরা কথা বলো। কেন হয় না—কেন?

—আমার মাত্র একশত টাকা আছে, হুজুর। আর যে বদবখ্তের কাছে লাল দুগ্ধা আছে, সে চায় এগারোশো টাকা। হুজুর দেবেন আটশো। আমাকে দুশো টাকার জোগাড় করতে হবে। সামনে ঈদ। ঈদের পর আমি জোগাড় করবো। হুজুর তো এখন আছেন?

নিশিকান্ত বুঝলো, ফজলু পুরোপুরি হাজার টাকাই নেবে। বোধ হয়, সে উপহারের কথা জানে। ধরা পড়বার ভয়ে নিজে মেঘ নিয়ে ইয়ারকান্দী মহল্লায় যেতে নারাজ।

নিশিকান্ত হুঁপেগ হুইস্কি টানলো। মাথাটা তাতে পরিষ্কার হলো। কিন্তু প্রভাতের কুয়াশা যেমন পাহাড়ের ধারে বুলে থাকে, একটা ঝাপসা অনির্দিষ্ট ভাব তার মস্তিষ্কে তখনও দোহুল্যমান ছিল। তৃতীয় পেগের পর তার বুদ্ধি মার্জিত হলো।

লাল দুশ্বা

নিজের মোটরে বসিয়ে ফজলুকে নিয়ে সে চললো তখত-ই-সুলেমানের পাদদেশ প্রদক্ষিণ করে। অনিবার্য কারণ—যে পর্য্যন্ত না সে নিজে নবাবের সঙ্গে বন্দোবস্ত ক'রে মেঘ প্রত্যাবর্তন করতে পারে, দুশ্বাকে লুকিয়ে থাকতে হবে বজরার খোলে—রমজুর জিম্মায়। জাফরাণ-ক্ষেত্র পার হয়ে গাড়ী ইসলামাবাদের দিকে গেল না, বামে চললো শালিমারের দিকে।

কোজাগরী পূর্ণিমার রাত্রি। আকাশে পূর্ণচন্দ্র বড় গর্বেই সিংহাসনাধিকৃত আছে। এক আধ টুকরো শাদা মেঘ ভেসে যাচ্ছে উজ্জল নীল আকাশের কোলে। চাঁদের শীকরমধ্যে হিমালয়ের বরফের চাঙ্গড়-গুলো হান্ছিল—প্রাণ-ভরে'। যখন জ্যোৎস্নায় একটা পাহাড়ের ধারে ফজলু লাল দুশ্বা এনে নিশিকাস্তুর সামনে ধরলে, তখন নিশিকাস্তু বুঝলে; নবাব কেন পাঁচ হাজার টাকা উপঢৌকন দিয়ে এই ভেড়াটাকে উদ্ধার করবার চেষ্টা করছিল। হাঁ, গঙ্গাকে যদি পূজা করতে হয় তো গঙ্গাজলই শ্রেষ্ঠ পূজোপকরণ! সুন্দরের পূজা করতে হলে সৌন্দর্য্যই শ্রেষ্ঠ অর্ঘ্য।

—লাল দুশ্বা—

টকটকে সিঁদুরবর্ণ মেঘ—ময়মষে কালো শিং—তার গলায় নীল কাচের মালা। দুশ্বার লাল অঙ্গে চাঁদের কিরণ পড়েছিল—তাকে ঔজ্জল্যে স্নাত করছিল চাঁদ!

লাল দুশ্বা

ফজল বললে—লাল দুশ্বা, বেটা মেরা, দোস্ত হামারা—সেলাম করে
মেরা মালিককে।

লাল দুশ্বা নতজানু হয়ে নিশিকাস্তকে অভিবাদন করলে। নিশিকাস্ত
কোলে তুলে নিয়ে তার কোমল পশমের উষ্ণতার আনন্দ উপভোগ করতে
লাগলো। রুতজ মেষ ব্যাঃ-ব্যাঃ করে তার স্নেহের প্রতিদান দিল।

সারা রাত লাল দুশ্বা বজরার প্রকোষ্ঠে নিশিকাস্তর খাটিয়ার পাশে
শুয়ে রইল। প্রথম প্রহরে সে বিছানার চাদরের এক কোণ আহার করে
দস্ত-কণ্ঠ-য়ন নিবৃত্তি করলো। দ্বিতীয় প্রহরে সে নিশিকাস্তর মোজার
গোড়ালী উদরস্ত করলে—তাতে তেমন সুখ পেলে না। তৃতীয় প্রহরে
খবরের কাগজ এবং ভোর রাতে তার নিজের জন্ম প্রতিশ্রুত
পারিতোষিকের বিজ্ঞাপন ভক্ষণ করার পরে রমজু-দত্তর ভিজে ছোলা,
ডাল-রুটি, আখরোট গাছের পাতা আর চেনাবের কচি ডাল ভোজন করে
বাবুচীখানা বজরার তক্তার নীচে প্রবেশ করলো। পাছে শব্দ করে,
সেই ভয়ে রমজু তিন সেরের দাম নিয়ে এক সের ভূশি তার মুখের কাছে
রাখলো।

—ইয়ারকান্দী মহল্লা—

সকালে সু-সজ্জিত নিশিকাস্ত ইয়ারকান্দী মহল্লার বাহিরে মোটর রেখে
গলির মধ্যে প্রবেশ করলে। অসংখ্য রন্ধনশালা থেকে ভেড়ার চর্কির
গন্ধ ক্রমে তাকে অভিভূত করলো। আকবর বাদশাহের আমলের পাকা

লাল ছায়া

রাস্তার দু'পাশ থেকে তাদের প্রাচীন গন্ধ আরও বাইশ রকম গন্ধের সঙ্গে মিশে বেচারি নিশিকান্তকে কাবু করলো। তার উপর ধোঁয়া— উইলো কাঠের ধোঁয়া, খড়ের ধোঁয়া, বজরা-ভাঙ্গা কাঠের ধোঁয়া, আখরোট-কাঠের কুচার ধোঁয়া তাকে অন্ধ করলো। সে এ-গলি ও-গলি ঘুরে নবাব-বাড়ীর কোনও সন্ধান পেলে না। মেঘ-পোষক বিমর্ষ কোন মোগল-পরিবার তার দৃষ্টিপথে পড়লো না। তবে কি—?

তার মাথা ঘুরছিল—গন্ধে, ধোঁয়ার স্পর্শে, রান্ধুসে কাশ্মীরীদের অর্থহীন চীৎকারে শব্দে, কদমের রসে, কদর্য্য পুরাতন কাঠের বাড়ীর রূপে। সবার চেয়ে পীড়াদায়ক হলো অনুভূতি—নিজের অসারতার অনুভূতি, নিজের বোকামির অনুভূতি!

মানুষ শেষ অবধি আশা ছাড়ে না! দুঃসাহসে নির্ভর করে নিশিকান্ত বোথারার এক কার্পেট-ব্যবসায়ীর গদিতে গেল। দু' একখানা গালিচা দেখে সে নবাবের সংবাদ নেবার চেষ্টা করলে।

সওদাগর বললে—বাবুজী, আমাদের দেশ গরীবের দেশ। সিন-ক্রিয়াঙে পয়সা নাই। আমাদের শিল্প আছে, দেশ ভ্রমণের সখ আছে, তাই ঘুরে বেড়াই। কিন্তু দেশে পয়সা নাই।

তার সঙ্গে অনেক বাক্যালাপ ক'রে নিশিকান্ত বুঝলো সোভিয়েট তুর্কীস্থানে একটু লক্ষ্মীশ্রী দেখা দিয়েছে—চীনা-তুর্কীস্থান মরুভূমি!

কারাকোরামের একটা চাঁঙ্গড়া পড়ে সমস্ত তুর্কীস্থান গুঁড়া হলেও নিশিকান্তর কিছু এসে যায় না। সে অকস্মাৎ সিন্-ক্রিয়াঙের প্রাণি-তত্ত্ব আগ্রহ দেখালে।

সে বললে—আপনাদের দেশে ইয়াক আছে?

লাল দুশ্বা

—হাঁ। ইয়াক আমাদের ভাই।

—দুশ্বা ?

—হ্যা, দুশ্বা আমাদের খাণ্ড। আঃ! কাশ্মীরের ভেড়া আবার ভেড়া নাকি! ওঃ!

—অনেক রঙেরও হয় দুশ্বা ?

—হাঁ, খোড়া বহুৎ।

—লাল দুশ্বা ?

ইয়ারকান্দী হাসলে, হেসে বললে,—দুশ্বা কভি লাল হোতা? হাঁ, হাম্লোক মজাসে পশমকো রাঙা তা সুরয়—লাল।

সে কতকগুলো গালিচার লাল রঙ দেখালে নিশিকান্তকে। কাশ্মীরের শীতেও তার কপালে দু' ফোঁটা ঘাম দেখা দিল। বদ্মায়েস ফজলু একটা সাদা ভেড়াকে রাঙিয়ে রমজুর সঙ্গে পরামর্শ করে তার কাছ থেকে হাজার টাকা বার করে নিয়েছে!

নিশিকান্ত বজরায় এসে একেবারে উপরের সামিয়ানার নীচে বসলো। খানসামা শিশু কাঠের ট্রেতে একখানা বড় চিঠি এনে দিলে। নিশিকান্তর ইচ্ছা হচ্ছিল, এক লাথি মেরে ছেলেটাকে মীর-খালের জলে ফেলে দেয়।

লাল ছায়া

চিঠিখানা কলিকাতার পুলিশ-কমিশনরের অফিস থেকে তার বালীগঞ্জের বাড়ীতে পাঠানো হয়েছিল। বিধাসী ভৃত্য নদেরচাঁদ চিঠিখানা কাশ্মীরে পাঠিয়েছে। অপরাধী মত বড় সাহসী হোক না কেন, পুলিশের নামে প্রথমে তাদের বুক একটু কেঁপে ওঠে! তার উপর বিদেশে তার নামে চিঠি—পুলিশ-কমিশনরের! এ সম্মান সে দেশেও পায়নি! চিঠি পড়ে একসঙ্গে অনেকগুলা ভাব নিশিকান্তুর মনে এলো। সে লক্ষ্য করেনি—ধীরে ধীরে রমজু এসে তার সামনের টেবিলে মদের বোতল, সোডা-পানি আর পরিষ্কার-পরিচ্ছন্ন কাঁচের গ্লাস রেখেছিল।

পত্রে লেখা ছিল যে, মিঃ এন্স্‌ রায় ব্যারিষ্টার তার জন্ম তিনশো দশ টাকার একখানা চেক পুলিশ কমিশনরের নিকট জমা রেখে গেছে— আর তার নামে অশিষ্টতার নালিশ করেছে। চিঠির সঙ্গে রায় সাহেবের নালিশ সংলগ্ন ছিল। সে যদি তার ব্যবহারের কৈফিয়ৎ দিতে না পারে তো পুলিশ তার নামে নালিশ রুজু করবে।

নিশিকান্ত বার বার ছ-বার পড়লে চিঠিখানা। চিঠিখানা পড়ে সে আনন্দিত হলো। তার আত্ম-সম্মান ফিরে এলো! দুঃখিত হলো, জীবনে আর পারুলের ত্রি-সীমায় ঘেঁষতে পারবে না! কারণ, সে তার জগতের বাহিরে। পুলিশ কমিশনরের ধমকে তার হাসি এলো। সে সমুদ্রে বাস করে। শিশিরে তার কিসের ভয়? তখনই সে চিঠির জবাব দিলে। সে নিজের রায়—মিস পারুলও রায়। সে তাকে তার প্রবাসী জ্ঞাতি-ভগ্নী বলে মনে করেছিল। বিশেষ, কুমারী যখন তাকে দাদাবাবু বলে ডাকলো সে নিজের ভুলের জন্ম এবং মিঃ শৈলেন রায়ের কৃতজ্ঞতার অভাবের জন্ম

লাল হুমা

হুখিত সে এখন কাশ্মীরে ! পুনিশ যেন চেঞ্খানা দয়া করে
তার নামে লয়েডস্ ব্যাঞ্জে জমা দেয় ।

—ভাবাকান্ত—

তার পর তার মনে জাগলো আশা ! লাল হুমার ব্যাপারটাও যে
তার আত্মমৰ্য্যাদার পক্ষে হানিকর কে তা বলতে পারে ? সে রমজুকে
বললে,—হুমা কাঁহা ?

—কিচিন বোটমে ।

—ইয়াবকান্দী নবাব কাঁহা ?

• —খোদা মাঃম । গরীব আদমী কারসঃ জানেগা হুজুর ?

নিরুদ্বেগে সে প্রশ্নের উত্তর দিচ্ছিল ।

—ইস্তাহারকা কাগজ কাঁহা মিলা থা ?

—ইস্তাহার হুজুর—

—ইস্তাহার হুজুর ! বেটা তুম মহা-গুণকা শায় ! ইস্তাহার !

হুমাকা ইস্তাহার ! লাল হুমা !

—ওঃ ! লাল হুমা ! কাগজ ? ঠা হুজুর :

—কাঁহাসে মিলা ?

—ছাপাখানাসে ।

—ছাপাখানাসে !

—হুজুর বোলতা কাশ্মীরী বুটা বোলতা । মাচ্ বোলতা হুজুর,
এতবার নেহি করতা । হুজুরকা খোসি !

লাল দুস্বা

প্রশান্ত সমুদ্রের মত শান্ত—হিমালয়ের মত স্থির—নিশিকান্ত নিরুপদ্রব
উপদ্রবের পরিপোষক—বুঝি এবার তাকে হাত তুলতে হয় মাল্লার গায়ে !

—ছাপাখানাসে ক্যায়সা মিনা ?

—দাম দেকে ছাপায়া ।

দাম দিয়ে ছাপিয়েছে ? কার কথায় ? পেশোয়ারীর কথায় ।
কেন ? তার ইচ্ছা হয়েছিল, বাঙ্গালী বাবুকে ঠকাবে ।

—হুজুর বোলতা, কাশ্মীরী বুটা বোলতা । কভি নেহি বোলেগা ।

জোঁকের মুখে লবণ পড়ছিল । বলবার কিছু নাই ।

—হাজার রুপেয়া কেয়া ছয়া ?

—দেখিয়ে না হুজুর । চার টাকা কাগজ ছাপাই—চার টাকা দুস্বা
রাঙাই—

—দুস্বা রাঙাই !

—হুজুর, সাদা বকুরী লিয়া ছ রুপিয়ামে । শালওয়ানা সে রাঙায়া
চার রুপিয়ামে । বহৎ আচ্ছা রঙ্ কিয়া হুজুর । দেখিয়ে না !

তার আজ্জায় গফুর দুস্বা নিয়ে এলো । সত্যই রাঙাইবার বাহাডুরী
আছে ! সূর্য্য-কিরণে মেঘের লাল পশম যেন অগ্নি-শিখার মত জ্বলছে !

বাকী রুপিয়া কেয়া কিয়া ?

—বুটা নেহি বোলেগা, হুজুর । কাশ্মীরী বোলতা বুটা । হাম
নেহি বোলেগা, হুজুর । আধা আধা—ফজলু আধা, রমজু আধা ।

অতি শান্ত-স্বরে সবিনয়ে রমজু কথা কইছিল ! সে যেন তার সারা
জীবনের সঞ্চিত অর্থে একটা মসজিদ ওয়াক্ফ করেছে, এমনি তার কথার
ভঙ্গী !

লাল ছদ্ম

নিশিকান্ত কি বলবে, ভেবে পেলো না। তার মনোভাব বিশ্লেষণ
করবার ক্ষমতা তার ছিল না।

রমজু বললে,—হুজুর ইম্কে কাটেগা আজ? না বক্রীদমে?
আচ্ছা গোস্ত হোগা। কাঙ্গ চাপ, পোলাও আৰ বোষ্টে বানারগা
হুজুব?

নিশিকান্ত বললে—বেরো বেটার ছেলে আমার সামনে থেকে। ছদ্মকে
আমি নিয়ে যাবে।—আমার আক্কেল-সেনামীর চিহ্ন।

রমজু বললে—যো হুকুম, হুজুর।

এক-মুখ টেবিল ঢাকা মুখে—ভেড়া ডাকলো,—ব্যাঃ ব্যাঃ ব্যাঃ
ব্যা ব্যা ব্যা।

নিশিকান্ত হনলো, ভেড়া বলছে—নিশিকান্ত, না, ভাঃ ভাঃ ভাঃ
কান্ত।

द्वितीय-पाना

—ভানু মিত্রের বিবৃতি—

কে যেন কবি বলিয়াছিলেন—পুরুষের ভাগ্য আর স্ত্রীলোকের চরিত্র দেবতারা জানেন না, মানুষ কিরূপে জানিবে। একথা যিনি লিখিয়াছিলেন তিনি কবি—নিশ্চয় পুলিশে কোনোদিন কৰ্ম্ম করেন নাই, বা যাহারা সরকারী বিধি-নিয়ম লঙ্ঘন করিয়া জীবিকা-নির্ব্বাহ করে তাহাদের চরিত্র আলোচনা করেন নাই। আমি শ্রীযুক্ত ভানু লাল মিত্র—দীর্ঘ আটাশ বৎসর কাল থানায় এবং সি-আই-ডি বিভাগে কৰ্ম্ম করিয়া পুরুষ চরিত্রের যে জটিল চরিত্র আচরণের পরিচয় পাঠিয়াছি তাহাতে মনে হয় মানব-প্রকৃতি-পাঠের প্রথম ভাগ পড়িলে সকল স্ত্রী-চরিত্র মোটেই রহস্য-ঘেরা নয়। কিন্তু অপরাধীর চরিত্র—হাঃ ভগবন !

এক শ্রেণীর অপরাধী দেখিয়াছি পথের ধারে লোকের পায়ে কাঁটা ফুটিলে তাহারা দাঁত দিয়া সেকাঁটা বাহির করিয়া দেয়। অথচ বিনয়-নম্র বদনে রুতচ্ছ ও প্রশংসা-মুখর জনতার ভিতর হইতে বাহির হইবার সময় তিন-জন গরীব কেরণীর পকেট মারিয়া তাদের সমস্ত মাসের বেতন লইয়া সরিয়া পড়ে। উভয় কার্য্যই করে সে আন্তরিকতার সঙ্গে। মিষ্টার নিশ্চলকান্ত রায়েব সহিত পরিচয় ছিল না যতদিন নিযুক্ত ছিলাম কৰ্ম্মে। কৰ্ম্ম অস্ত্রে একদিন তাহার সহিত সাক্ষাৎ হয় ডায়মণ্ড হারবারে গঙ্গার ধারে। ভদ্রলোক একজন বন্ধুর সঙ্গে দড়ির দোলনায় তুলছিলেন। দোলনার নীচে তার মুখের দিকে তাকিয়েছিল প্রকাণ্ড একটা ভেড়া! ধবধবে সাদা তার বর্ণ।

সত্যই বিচিত্র। লোকে কুকুর পোষে। যদি কেহ বাদর বা ভেড়া

লাল হুয়া

রাখে গৃহে—প্রকাশ্যে তাকে নিয়ে ঘোরে না—বিশেষ প্রকাণ্ড ঝকঝকে একখানা ডেম্‌লার গাড়ীতে বসাইয়া। লোকটার চরিত্র যে বিচিত্র তাব আরও প্রমাণ পাইলাম যখন একজন লোক আসিয়া আমাকে বলিল—সে ব্রাহ্মণ, কন্যাদায়গ্রস্ত—কিছু অর্থ-সাহায্য না পাইলে জাতিচ্যুত হইবে।

আমি মনে মনে হাসিলাম। এ রকম পিতৃদায় মাতৃদায় কন্যাদায় সহৃদয় অনেক সরল লোকের অর্থ-শোষণ করে। সুতরাং মনে যে সব কথা উঠিতেছিল তাহাদের অপ্রকাশিত রাখিয়া বলিলাম—আজ্ঞে এখানে বেড়াতে এসেছি—ক্ষমা করবেন।

ভিক্ষুক বলিল—যদি দয়া করে ঠিকানা দেন তো না হয় মশাঘেব বাড়ী গিয়ে—

—ট্রেনভাড়া দিয়ে ?

—আজ্ঞে কি করব—কন্যাদায়।

—ক্ষমা করবেন। মজুরি পোষাবে না।

এরা মানুষের মুখ দেখিলে বুঝিতে পারে কোথায় সুবিধা হইবে কোথায় হইবে না। সে পৃষ্ঠ-প্রদর্শন করিয়া দোহলামান নির্মলকান্তের নিকট গেল।

নির্মলকান্ত গুনিয়াছিল আমাদের কথোপকথন। সে সহাস্ত্র-মুখে নামিল দোলনা হইতে। কন্যাদায়গ্রস্ত তার নিকট নিজের আবেগভরা কাহিনী বিবৃত করিল।

নির্মলকান্ত বলিল—দেখুন হুঁটা বিপরীত সমস্তা দোব আপনাকে। এখন যদি বাড়ী নিয়ে গিয়ে দেখাতে পারেন অবিবাহিতা কন্যা—গেল-গেল-জাত ইত্যাদি ইত্যাদি বিয়ের সব খরচ দোব—আর—

লাল ছদ্মা

ব্রাহ্মণ বলিল—হুজুর পরিহাস করছেন, আমার গ্রাম এখান থেকে
তিন ক্রোশ—কাদা ভেঙ্গে যেতে হয়।

—কুছ্‌পরোয়া নেই।

—আজ্ঞে কাকেও পাঠান।

নির্মলকান্ত বলিল—বাবা বিবাহে আম্-মোক্তারনামা চলে না স্বয়ং
দেখে আসব।

লোকটার উপর আমার ভক্তি হইতেছিল। ব্রাহ্মণ বলিল—কি বলব
হুজুর আমারই অদৃষ্ট খারাপ।

—মোটাই না। কপালগুণে গোপাল পেয়েছ। বিয়ের সব খরচ
দোব চল।

• ইতিমধ্যে যাহারা গিয়াছিল গঙ্গার বায়ু সেবন করিতে—বিভিন্ন গাছ-
তলা হইতে আসিয়া জুটিল।

নির্মলকান্ত বলিল—তবে দ্বিতীয় সমস্তা শোন। আমি এক থেকে
দশ গুণব। তার মাঝে যদি বল—বাজে কথা—নগদ এক টাকা দোব।
কিন্তু তারপর আর ভদ্রলোকদের অন্ততঃ আজকের মত জ্বালাতন করতে
পারবে না।

সে পকেট হইতে একটা টাকা বাহির করিল। লোকের ভিড় একটু
নিকটস্থ হইল। ভেড়া আসিয়া দাঁড়াইল মনিবের চরণপ্রান্তে।

নির্মলকান্ত হস্তে টাকা—হাঁকিল—এক—দুই—শিগ্গির ব'লে ফেল
—তিন—চার—ব'লে ফেল—পাঁচ—

—আজ্ঞে তাই দিন।

ব্রাহ্মণের কথায় হাস্তের রোল উঠিল। নির্মলকান্ত বলিল—তা হবে

লাল ছায়া

না ঠাকুর। সোজামুজি বন্ধুতে হ'বে—বাজে কথা। এখনও দেখ—
ছয়—সাত—আট—এখনও—নয়—
—বাজে কথা।

একটা ভীষণ গণ্ডগোল হইল। যে ছেলেগুলো তালপাতার টুপী বিক্রম
করে আর টিফিনের চুব্‌ড়ি নিয়ে যায় মোটর গাড়ী হইতে—তাহারা হাত-
তালি দিয়া নৃত্য করিতে লাগিল। নৃত্যোৎসবের অবসরে ব্রাহ্মণ ঝাউ-
গাছের ঝোঁপ ছাড়িয়া বাজারের দিকে অস্থান করিল।

তখন বক্তৃতা আরম্ভ হইল। যাহারা কস্মিন্‌কালে দান করে নাই
তাহারা অযথা দাতব্য সম্বন্ধে তীব্র মতবাদ প্রকাশ করিল। দেশের
অবস্থার কারণে যে এই প্রকার ফেরেবী ভিক্ষকের অত্যাচার তাহা সপ্রমাণ
করিল একজন দুর্দৈর্ঘ্য যুক্তি-তর্কের দ্বারা। জনৈক খদ্দর পরিহিত-ভদ্রলোক
বলিলেন—স্বরাজ হ'লে এই সব জুয়াচুরি আর চলবে না।

আমার মত একজন পেমসনার বলিল—কেন মশায়?

বাগ্মী দেশহিতৈষী বলিল—নিজেদের কর্ম বহাল রাখবার জন্য পুলিশ
এসব প্রশ্রয় দেয়। এটুকু বুঝতে গেলে একটু তলিয়ে দেখতে হয় দেশের
সকল ব্যাপার।

আমাকে দেখিয়ে নির্মলকান্ত বলিল—বলবেন না মশায় ওকথা! ইনি
প্রসিদ্ধ ডিটেক্টিভ ভানু মিত্তির মশায়।

পুলিসের সান্নিধ্য বাগ্মীদের একটু কাবু করে—বিশেষ একশ্রেণীর
তথা-কুখিত দেশহিতৈষীদের। ধীরে ধীরে তরল ভিড় বিচ্ছিন্ন হইল।

আমি নির্মলকান্তকে বলিলাম—মশায় আমায় চিনলেন কি
করে?

লাল ছায়া

—ড্রেনের চুরি কেসে ঘাটশিলায় দেখেছিলাম প্রফেসর সেনের বাসায় ।

আমার স্মৃতিপটে উদয় হ'ল সেই রহস্যময় দস্যুতার কথা । সে কাহিনী বিবৃত করিতেছি এই ইতিবৃত্তে । বলিয়া রাখি এহলে—সাদা ভেড়াটা কাশ্মীরের সেই লাল-ছায়া ।

আমি সে সময় জানিতাম না নিশ্চলকান্তের জীবনকাহিনী । লাল-ছায়া কি প্রকারে সে লাভ করিয়াছিল সে ঘটনা সে নিজে আমাকে বলিয়াছিল—তার সঙ্গে তার অণু কৃতিত্ব অপরাধী-জগতে যাহা এই জীবন-চরিতে বাণীত হইয়াছে ।

• তাহার সঙ্গে ছিল অনেক খাণ্ডদ্রব্য । তাহার মাঝে পেশোয়ারী মেণ্ডরা অনেক । সে আমাকে খাইতে দিয়া বলিল—এগুলো আমার এক পুরাতন ভৃত্যের দান ।

—পুরাতন ভৃত্যের দান ?

—রবিবারু পুরাতন ভৃত্য এঁকেছেন বাঙ্গালীর ঘরের পুরাতন ভৃত্য । সে প্রভুভক্ত আপন-ভোলা, মনিব হ'তে উচ্চ তার প্রাণ । কিন্তু তাব ভেতর রোমান্স নাই যেহেতু বাঙ্গালী জীবনে ঐ পদার্থটার অভাব ।

আমি মনোযোগ দিয়ে শুনছিলাম । সে বলিল—আমার এ ভৃত্য রোমান্টিক । কেষ্টকান্ত মনিবের রোগ নিতে পারে—সাহাবাজ খাঁ তা বোধ হয় পারে না । কিন্তু মনিবের জন্তে সাহাবাজ গাঁ গুলি বা চুরি মারতে বা খেতে পারে যা' কেষ্টকান্ত পারে না ।

অগচ এই সাহিত্যিক ভাব-বিশ্লেষক ছিল ঠক ও দস্যু ! তাই বলিতেছিলাম মনুষ্যচরিত্র জটিল—দেবের নিকটও অবোধ্য ।

লাল হুশা

—ট্রেণে দস্যুতা—

প্রভাতে উঠিয়া “ঢক্কা-নিবাদ” সংবাদপত্রে পড়িলাম—

“ট্রেণে দস্যুতা।—গতকল্য বেঙ্গল-নাগপুর রেলের বোম্বাই মেল প্রায় দুই ঘণ্টা বিলম্বে হাওড়ায় পৌঁছিয়াছে। আমাদের ‘বিশেষ সংবাদদাতা’ বিলম্বের কারণ জানিতে গিয়া যে লোমহর্ষক ঘটনার বিবরণ অবগত হইয়াছেন, তাহার আলোচনা করিলে মনে হয়, রেল-লাইনের অরাজকতা দিন দিন বৃদ্ধি পাইতেছে। এ সকল ভীষণ দস্যুতার কবে শেষ হইবে? ভবিষ্যতের দুর্ভেদ্য তিমির-গর্ভে দৃষ্টি না চলিলে সে কগার উহর দেওয়া যায় না।”

আমি গৌর-চন্দ্রিকা গুনাইয়া আপনাদের ধৈর্য্য পরীক্ষা করিতে চাহি না। তবে এই প্রকার “ভীষণ দস্যুতা” : প্রভৃতি ঘটনা বাস্তবিক শেষ হইলে, ‘ঢক্কা-নিবাদ’ প্রমুখ সংবাদপত্র পরিচালকদের যে অনশনে প্রাণত্যাগ করিতে হইবে, সে দুঃখের ছায়াটুকু আমার মনে সে সময় পড়িয়াছিল। তাহার পর ‘বিশেষ সংবাদদাতা’ মহাশয় বুঝাইতে চেষ্টা করিয়াছেন যে, স্বায়ত্তশাসন ও হোম-কলের পূর্ণ অধিকার না পাইলে ভারতবাসীর নিস্তার নাই। যতদিন বর্তমান শাসক সম্প্রদায়ের হস্তে রাজ্যশাসনের দায়িত্ব থাকিবে, ততদিন ট্রেণে চুরি হইবেই। আমি আপাততঃ সে উৎকট যুক্তিতর্কের কবল হইতেও আপত্তাদিগকে রক্ষা করিলাম।”

শেষে অকস্মণ্য পুলিশের কর্তবাহীনতা সম্বন্ধে স্বাভাবিক সরস মন্তব্য প্রকাশ করিয়া “ঢক্কা-নিবাদ” লিখিয়াছিল—

“চুঁচুড়ার ধনবান পোদ্দার শ্রীযুত দিগ্বিজয় পাইন আরও পাঁচ-সাতজন

লাল ছায়া

স্থানীয় স্বর্ণ ব্যবসায়ীর অর্থ লইয়া বোম্বাই সহরে স্মরণ ক্রয় করিতে গিয়াছিলেন। সঙ্গে আরও একজন ভদ্রলোক ছিলেন—শ্রীযুত বসুদাম বড়াল। ইহার ঈশ-ইণ্ডিয়ান রেলের বোম্বাই গিয়াছিলেন—চল্লিশ হাজার টাকার স্মরণ ক্রয় করিয়া বেঙ্গল-নাগপুর রেলের ফিরিতেছিলেন। প্রায় রাত্রি বারটার পর বামড়া হইতে গাড়ী ছাড়িবার সময়ও তাঁহারা উভয়ে জাগত ছিলেন। ইহার দ্বিতীয় শ্রেণীর গাড়ীতে ছিলেন—সহযাত্রী ছিলেন অপৰ্ব্ব একজন। ইনি উঠিয়াছিলেন পেনড্রায়।

“সহযাত্রী যখন গাড়ীতে উঠিয়াছিলেন, তখন ব্যবসায়িগণ তাঁহাকে উচ্চ শ্রেণীর ফিরিঙ্গি বলিয়া ভ্রম করিয়াছিলেন—পরে কিন্তু প্রকাশ পাইয়াছে, তিনি কলিকাতার বিখ্যাত প্রফেসর—মিঃ প্রফুল্ল সেন।”

প্রফেসর সেন ! পড়িয়াই আমি বিস্মিত হইলাম। প্রফুল্ল নাকি ! প্রফুল্ল পূজার ছুটিতে সপরিবারে ষাটশিলায় বাস করিতেছিল—সম্ভবতঃ সে কি একটা উৎকট খামখেয়ালি বাসনায় প্রবুদ্ধ হইয়া পেনড্রায় গিয়াছিল। তাহার সম্মুখে দস্যুতা ! খুব হাসির কথা ! সে আমাকে চিরদিন উপহাস করিত, বলিত—পুলিস বিভাগে কোথাও একটু বুদ্ধি থাকিলে দেশের পাপ অর্ধেক কমিত। সংবাদপত্রে প্রকাশিত সমস্ত খুনী মোকদ্দমা সম্বন্ধে তাহার এক একটা থিওরি ছিল। এবারে একেবারে তাহার চক্ষের উপর চুরি হইয়াছে—দেখি, মনোবিজ্ঞান ও নীতিশাস্ত্রের অধ্যাপক মিঃ প্রফুল্ল সেন এই “ভীষণ দস্যুতা” সম্বন্ধে কি বলেন।

“পোন্ধর মশায়গণের এজেহার হইতে বুঝিতে পারা যায় যে, বোম্বাই মেল পুসিটা ও গোয়ালকেড়ার মধ্যস্থ স্ফুঙ্গ পার হইবার পরেই দস্যুতা হইয়াছিল। এই পর্ব্বতময় প্রদেশটি ভীষণ অরণ্যের মধ্যে অবস্থিত

লাল দুশ্বা

পথের তিন দিকে শৈল—উপত্যকার মধ্যে রেল-বহু। যেখানে তিনটি পাহাড় একত্র মিলিয়াছে ঠিক সেইস্থলে সম্মুখের গিরি ভেদ করিয়া সুড়ঙ্গ। দস্যুতা ঠিক সুড়ঙ্গের ভিতর হইয়াছিল কি সুড়ঙ্গের বাহিরে হইয়াছিল, তাহা অনুমান করা কঠিন। কিন্তু দস্যুতার অব্যবহিত পরেই প্রফেসার সেন এলরুম্ সিগ্‌নাল টানিয়া ট্রেন থামাইয়াছিলেন। ট্রেন সুড়ঙ্গের মুখ হইতে প্রায় একশত ফুট বাহিরে থামিয়াছিল। ইহাতে মনে হয় যে, দস্যু টানেলের ভিতরকার সূচীভেদ্য অন্ধকারের আশ্রয়ে কার্য্য সমাধা করিয়াছে। গাড়ীর তাড়িত আলোক নির্বাপিত করিয়া সেই প্রকোষ্ঠের আরোহিণী নিদ্রামগ্ন হইয়াছিলেন। হঠাৎ আলো জ্বলিয়া উঠিল এবং দিগ্বিজয় পোদ্দার অনুভব করিলেন যে, কে তাঁহার পা ধরিয়া টানিতেছে।”

বুঝিলাম, তাহা হইলে তাড়িতালোকেই চুরি হইয়াছে। সংবাদপত্রের বিশেষ সংবাদদাতার টানেলের সূচীভেদ্য অন্ধকারের গবেষণাটুকু ব্যর্থ হইয়াছে। প্রসঙ্গক্রমে কথাটুকু বলিতেছি, ঐ শ্রেণীর জীবের পুলিশের উপর তীব্র মন্তব্যের যথার্থ মূল্য নির্দেশ করাইবার জন্য। যাহারা এই বিদ্যা বুদ্ধির মূলধন লইয়া মসীজীবী, তাঁহাদেরই যত প্রকোপ গরীব বেচারার পুলিশের উপর—যাক্ সে কথা।

“বলা বাহুল্য, শ্রীযুত দিগ্বিজয় বিস্মিত হইয়া বাকের উপর উঠিয়া বসিল। আগন্তকের আকৃতি দেখিয়া তাহার হৃৎকম্প হইল। প্রায় সাড়ে ছয় ফুট লম্বা এক সশস্ত্র কাক্রি। রক্তবর্ণ চক্ষু, হস্তে পিস্তল। সে মাত্র একটি কথা বলিয়াছিল—‘দো’। শ্যামা পূজার রাতে হাঁড়ি চাপা দিয়া একদমা পট্কা পুড়াইলে যে শব্দ হয়, সেই ‘দো’ শব্দ সেইরূপ গভীর

লাল দুশ্বা

— গম্ভীর । এস্থলে বলিয়া রাখি যে, নিদ্রা যাইবার পূর্বে শ্রীযুত দিগ্বিজয় সেই আটখানি বহুমূল্য সুবর্ণ ইষ্টকে বস্ত্র জড়াইয়া একটি উপাধান নির্মাণ করিয়া লইয়াছিলেন এবং সেই বালিসে মাথা দিয়া তিনি নিদ্রিত ছিলেন । সেই ভীম-স্বরে ভীত হইয়া সাহস পাইবার জন্ত তিনি বাঙ্কের নীচে চাহিয়া দেখেন, বসুদাম পোদ্দারও সন্ত্রস্ত-নেত্রে তাঁহার দিকে চাহিতেছেন । তখন লোকটা আর একবার “দো” বলিল । তাহাতে অধ্যাপকের নিদ্রাভঙ্গ হওয়ায় তিনি দাঁড়াইয়া উঠেন এবং ‘কোন্ হায়,’ বলিয়া চীৎকার করেন । তাহাতে দুর্ভৃত্ত তাঁহাকে লক্ষ্য করিয়া গুলি চালায় ।”

এবার আমার প্রাণ শিহরিয়া উঠিল । তাড়াতাড়ি বর্ণনাটা পড়িলাম ।

“কথায় বলে, ‘রাখে রক্ষ মারে কে ? মারে রক্ষ রাখে কে ?’ গুলিটা প্রদেশারের গায়ে লাগে নাই । তিনি কিন্তু অচেতন হইয়া পড়িলেন । তখন দুর্ভৃত্ত কাফ্রি-কুল-গ্লানি তন্দর-প্রবর গম্ভীরভাবে গিয়া পোদ্দারের সুবর্ণগর্ভ উপাধানটি তুলিয়া লইল । পোদ্দার ভয়ে কোন কথা বলিতে পারে নাই, বর্ষরের অবৈধ কার্যো বাধা দিতে পারে নাই । বেশ দৃঢ় পাদবিন্ধেপে তন্দর প্রকোষ্ঠের দ্বারের নিকট গিয়া প্রথমে আলোক নিৰ্কাপিত করিল ; তাহার পর ধীরভাবে দরজা খুলিল । দ্বারোদঘাটনের শব্দ অবধি উঁহারা গুনিয়াছিলেন । দুর্ভৃত্ত বাহিরে গিয়া বোধ হয় গতিশীল ট্রেন হইতে লক্ষ্য দিয়া পড়িয়াছিল ।

“লোকটা প্রকোষ্ঠের বাহিরে চলিয়া গেলে আরোহীদের আশঙ্কা তিরোহিত হইল । অধ্যাপক মহাশয় আপনার শয্যায় বসিয়া সাহসে ভর করিয়া গাড়ী থামাইবার শিকল ধরিয়া টানিয়া দিয়াছিলেন । গাড়ী থামিলে তবে তাঁহার ভরসা করিয়া উঠিয়া আলো জ্বালিতে সমর্থ হন ।

লাল হুশা

“গাড়ীর কণ্ডাকটর, গার্ড, ড্রাইভার, ইংরেজ আবোতী প্রভৃতি আমিয়া নানা প্রকার জল্পনা-কল্পনা করিলেন বটে, কিন্তু কেহ সাহস করিয়া সেই সূচিভেদ্য অন্ধকারের মধ্যে ব্যাঘ্র-ভয়ক সমাকার্ষ্য জঙ্গলে প্রবেশ করিতে সাহস করিলেন না। এহলে গাড়ী কাটিঙ্গের ভিত্তব দিয়া যান, দুই পার্শ্বের লক্ষমান কোন একটি বৃক্ষশাখা ধরিয়া তুল্ভ বেগবান গাড়ী হইতে পলাইয়াছে, অধ্যাপক সেন প্রভৃতির এইরূপ ধারণা।

“আমরা এই বর্ণনা শুনিয়া যুগপৎ স্তম্ভিত ও ক্ষুব্ধ হইয়াছি। কতদিন এই প্রকাষে নিরীহ ভারতবাসী রেলযাত্রী দস্যু-তস্যরব নিখ্যাতন ভোগ করিবে”—ইত্যাদি। শেষে আর একবার পুলিসের অকম্পাতা ও হোম-রুলের উপকারিতা সম্বন্ধে হুঙ্কার ছাড়িয়া ‘ঢাকা-নিবাদ’ প্রবন্ধ শেষ করিয়াছে।

কিন্তু সেই ঢাকের বাঘ শেষ হইতে-না-হইতেই তাহাে সংবাদ আসিল যে, আমাকে স্বয়ং এই তদন্ত করিতে হইবে।

—প্রফেসার সেন—

ঘাটশিলার সুবর্ণরেখা নদীর মাঝখানে একখানা কচ্ছপের মত পাথরের উপর পাগলা প্রফেসার বসিয়াছিল। পাথরে একখানা ডিঙ্গি বাঁধা। সুবর্ণরেখা সেই বড় পাথরখানার তলায় গর্জন করিতে করিতে একটানা বহিয়া যাইতেছিল। নৌকার দড়িতে যে বিধিমতে টান পড়িতেছিল, ডিঙ্গির নাচন-কৌদল দেখিয়া তাহা বেশ বোধগম্য হইতেছিল।

লাল ছায়া

আমাকে দেখিয়া প্রবেশার মহাসমারোহে 'হ্যালো, হ্যালো' করিয়া পাথরের উপর উঠিয়া দাড়াইল। আমি তাকে ভীনে ডাকিলাম, সে মোকা গুলিয়া চলিয়া আসিল।

নদীর পাড় বাহিয়া উপরে উঠিতে উঠিতে তাকে বলিলাম—কই, এত যে সমালোচনা কর, চোখের উপর এত বড় একটা কাণ্ড হয়ে গেল, চোর পরতে পারলে না। পিস্তলের গুলি বড়—

সে বলিল—বাঃ! ইচ্ছা করলে ধরতে পারতাম না?

আমি হাসিয়া বলিলাম—কেন ইচ্ছাটা হ'ল না? আর খববেব কাগজের কথাটা যদি সত্য হয়—

সে আমাকে বাধা দিয়া বলিল—ঠ্যা, কথাটা সত্য। একবার ইচ্ছা হ'য়েছিল, সেটা অসময়ের ইচ্ছা—অকালপর ইচ্ছা।

আমি বলিলাম—ডাঁশা বা গাছপাকা ইচ্ছার সময় কোন্টা?

সে বলিল—একটা সুবিধার সময় ছিল। যে সময়টা বাতাস বগলে করে লোকটা আলো নিবিয়ে দিলে, ঠিক সেই সময়, সাহস ক'রে ছুটে, তাকে জড়িয়ে ধরতে পারলে, তার হাতের পিস্তল হাতে থেকে যেত।

আমি জিজ্ঞাসা করিলাম যে, সে অমন সুবিধা পরিত্যাগ করিল কেন? বোধ হয় সাহসে কুলায় নাই বলিয়া।

অন্যাপক একটু বিরক্ত হইয়া বলিল—সাহসের কথা নয়। কারণ লোকটার নরহত্যা করবার ইচ্ছা মোটেই ছিল না। সে আমার দিকে যে গুলিটা ছুঁড়েছিল, সেটা ইচ্ছা ক'রে জানলার বাহিরে টিপ করেছিল।

আমি বলিলাম—তবে ধরলে না কেন?

লাল ছদ্ম

সে বলিল—কারণটা খুব সোজা। যাদের টাকা গেল, তারা কিছু করলে না। আর আমার চেয়ে সুবিধা ছিল বসুদাম বাবুর। তাঁর পক্ষেই উচিত ছিল—

আমি বলিলাম—যাক, বোঝা গেছে। আর সুবিধা কখন ছিল?

সে বলিল—যখন আমি দড়ি টেনে গাড়ী থামিলাম। লোকটা বসুদামের দিক দিয়ে নেমেছিল, সে যদি সে সময় একবার জানলা দিয়ে তাকাত, তা' হলেই বুঝতে পারত লোকটা কোন্ গাড়ীতে উঠল।

আমি বলিলাম—সে কি? দড়ি টানবার আগেই তো সে পালিয়েছিল।

সে বলিল—পাগল হয়েছ? এমন কে বাহাদুর আছে যে, ষট্টায় ত্রিশ মাইল ছুটছে এমন ট্রেন থেকে নেমে পড়ে?

আমি বলিলাম—কেন? নামবে কেন? সাহসে ভর করে কেবল একটা গাছের ডাল ধরলেই হ'ল। গাড়ীর বেগে সে আপনিই গাছের ডালে ঝুলে থাকবে।

সে বলিল—আর সোনার ইটগুলো?

আমি বলিলাম—ফেলে দেবে। তারপর কুড়িয়ে নেবে।

এ কথায় সে হাসিল। ঘন অন্ধকারের ভিতর প্রথমতঃ ঠিক বৃক্ষশাখা দেখিতে পাওয়া, তাহার পর তাহার দেহের ভর সহিতে পারিবে এমন উপযুক্ত বৃক্ষশাখা নির্বাচন করা খুব সোজা কথা নয়। ও থিওরিটা স্থলবুদ্ধি ফিরিঙ্গী গার্ড কল্পনা করিয়াছিল! আমার মত বুদ্ধিমান লোকের পক্ষে ও সিদ্ধান্তটা গ্রহণ করা অসমীচীন হইয়াছে—বিশেষ আমি যখন গ্রাজুয়েট ও বুদ্ধিমান—ইত্যাদি। তবে পুলিশের কার্যে ধর-পাকড়ের

লাল ছদ্ম

আসুরী শক্তি পাইলে বুদ্ধি-শক্তি লোপ পায় বলিয়া আমি এমন কথা বলিতেছি। যেরূপ গম্ভীরভাবে ঞ্চার-শাস্ত্রবিন্ অধ্যাপক বন্ধু কথা গুলি বলিল, তাহাতে তাহার উপর কিছু মাত্র বিরক্ত হইলাম না। সে পাগল, তাহার সহিত তর্ক করা বৃথা। উপসংহারে সে বলিল— লোকটা নামবার আগে আলো নিবিয়ে ছিল মনে আছে? কেন? যদি সে অতবড় একটা জিমনাষ্টিক করবার ক্ষমতা রাখত তা' হলে সেটা দেখাবার লোভ সে ছাড়তে পারত না। বিশেষ গাড়ীর কামরায় আলো থাকলে তার ডাল ধরবাব সুবিধা হ'ত। যখন তাকে কেহ ভাড়া করেনি, তখন সে অসম-সাহনিক কাজ করে নিজের স্ত্রীর বৈধব্যের সম্ভাবনা ঢেকে আনবে কেন?

• কথা কহিতে কহিতে আমরা তাহার বাসায় আসিয়া পৌঁছিলাম। তখন রাঙা রবি পাহাড়ের পিছনে ডুবিয়াছিলেন; পশ্চিম গগনে পাহাড়ের মাথার উপর ছিল খুব খানিকটা টকটকে লাল রঙ। বন্ধু আমাকে বাহিরে একখানা আরাম-কেন্দারায় বসাইয়া বাড়ীর মধ্যে নিজে চা আনিতে গেল। আমি তাহার কগাটা লইয়া মনের ভিতর তোলা-পাড়া করিতে লাগিলাম। বাস্তবিক থিওরিটা সম্ভবপর। লোকটা আস্তে আস্তে দরজা খুলিয়া গাড়ীর বাহিরে অপেক্ষা করিল—বেশ কথা তাহার পর গাড়ী থামিলে ধীরে ধীরে নামিয়া অন্ধকারের মধ্যে মিলিয়া গেল।

নানা প্রকার আহাৰ্য্য লইয়া প্রকুল বাহিরে আসিল। আমি তাহাকে বলিলাম—আচ্ছা, যে জায়গায় চুরি হ'য়েছিল' সে স্থল থেকে কতক্ষণ ছুটে তবে গাড়ী দাঁড়ায়?

লাল ছদ্ম

সে বলিল—অস্তুতঃ ঘণ্টা খানেক।

আমি বলিলাম—তবে !

সে বলিল—আবার পুলিশের বুদ্ধি ! তবে কেন ? লোকটা কত ঠাণ্ডা মাথায় কাজ হাসির করেছে দেখছ না ? সে এটুকু ঠিক বুঝেছিল যে, আমাদের মধ্যে কেহ না কেহ গাড়ীর দড়ি টানবে। পাছে চুরির আগে টেনে ফেলি—তাই সে গুলি ছুঁড়েছিল। পাছে না টানি তাই সে বাহিরে গিয়ে চুপ করে দাঁড়িয়ে ছিল। আর নেহাৎ যদি আমরা না টানতাম, সে নিজে শিকল টেনে গাড়ী থামাত।

আমি হাসিয়া বলিলাম—তা হ'লে কাফ্রিটা তোমার মত ঞায় শাস্ত পড়েছিল।

সে বিস্ময়ে বলিল—কে, কাফ্রি ?

আমি বলিলাম—কেন, চোরটা !

সে বলিল—হরি ! হরি ! অন্ধকারের সঙ্গে মিশিয়ে থাকবে ব'লে বেচারী একটা ছদ্মবেশও পরবে না ? আর অত বড় চুরিটা করলে কি মুখখানা দেখাবার জন্ত ? বলি, এত মোকদ্দমা কর—পুলিস কোর্টের এত মামলার বিবরণ পড়—কাফ্রিতে মারপিট করেছে বা হোঁৎকামি, গুণ্ডামি করে কেড়ে-বিগড়ে নিয়েছে, এ ছাড়া অন্য কথা কি শুনেছ ?

আমি এবার দোষ স্বীকার করিলাম। তবু নিজের কথা বজায় রাখিবার জন্ত একবার বলিলাম—কেন, কলকাতার ওয়েষ্ট ইণ্ডিয়ান কাফ্রিগুলা। যারা ইংরাজী কথা কয়—ফিরিজি মেম বিয়ে করে—

সে বলিল—তাদের জনসংখ্যা খুব কম। আর তাদের মধ্যে এমন সংঘমী পুরুষ কেহ নাই যে, গুলি মারবার অমন প্রশস্ত সময়টা পেয়ে

লাল হুশা

আমার মাপ। বাঁচিয়ে অনিশ্চিত অন্ধকারের উপর গুলি মারে। আর
ও সংক্ষেপে তার চেয়েও একটা বড় যুক্তি আছে - চাক্ষুস প্রমাণ।

আমি বলিলাম—যশা!

সে বলিল—গাড়ী খামবার পর গার্ডের সঙ্গে আমরা সমস্ত গাড়ী
খুঁজে নিলাম। গাড়ীতে কোনও কাফি ছিল না।

আমি বিস্মিত হইয়া বলিলাম—কেন গাড়ীতে থাকবে কেন?

প্রফেসর বলিল—এম এম, তোমার মাথা খারাপ হ'য়েছে। আমি
তোমাকে সুরেশ মিত্রের বাংলাটা ভাল করে দেখাই। চল্লিশ টাকায়
বাড়ীখানা সস্তা পাই নি?

—বাঘ মারা—

চক্রধরপুর ষ্টেশনে তদন্ত করিয়া যে সকল বিবরণ গুলিলাম, তাহাতে
প্রফেসর সেনের অণুতঃ দুইটা ধারণা যথার্থ বলিয়া মনে হইয়াছিল।
তঙ্কর বাস্তবিক কার্য্য নয় এবং দ্বিতীয়তঃ সে গাড়ীতেই ছিল, জঙ্গলে
নামিয়া পলার নাই। গাড়ী খামবার পর গাড়ীতে একবার গোল
হইয়াছিল—কোনও কৃষ্ণকায় ব্যক্তির সন্ধান পাওয়া যায় নাই।
চক্রধরপুরেও প্রত্যেক আরোহীকে পরীক্ষা করা হইয়াছিল—প্রফুল্ল
স্বরং এবং পোদ্দার দুইজন প্রতি প্রকোষ্ঠে ঘুরিয়া বেড়াইয়াছিল।
কিন্তু কাফী দস্যুর কোনও চিহ্ন পাওয়া যায় নাই।

অথচ দস্যু গাড়ীতে ছিল—এ কথা বলিবারও বিশেষ যুক্তি আছে।

লাল ছুয়া

চক্রধরপুরের লোকের মুখে যাহা শুনিলাম, তাহাতে বেশ স্পষ্ট বুঝা গেল যে, প্রাণের মায়া যদি মানুষের সহজাত বৃত্তি হয়, তাহা হইলে যে স্থলে গাড়ী থামিয়াছিল, সে স্থলে রক্তমাংসের ক্ষণভঙ্গুর নরদেহ লইয়া কাহারও পক্ষে তিলান্নি অবস্থান করা সম্ভবপর নহে, বিশেষ অন্ধকার রাতে। ট্রেনে চুরি হইবার ঠিক দুই দিন পূর্বে একটি শাদ্দুলের মৃতদেহ লইয়া দুইজন ড্রাইভারের মধ্য যে দ্বন্দ্ব হইয়াছিল, মাত্র তাহার উল্লেখ করিলেই আপনারা বুঝিতে পারিবেন যে, স্থানটা কিরূপ হিংস্র-জন্তু সমাকীর্ণ। এ উৎসর্গে বাঘ মারিতে পারিলে চাইবাসার ডেপুটি কমিশনার সাহেবের নিকট পুরস্কার পাওয়া যায়। কিন্তু পুরস্কার পাইতে গেলে সাহেবকে ব্যাঘ্রের মস্তক দেখাইতে হয়। খুব বড় একটি ব্যাঘ্রের দেহ লইয়া চক্রধরপুরের ষ্টেশনে আসিয়াছিল একজন ড্রাইভার। কিন্তু সে দেহে মস্তক ছিল না। সকলে জিজ্ঞাসা করিলে সে বলিল,— ঠিক সন্ধ্যার বাহিরে দুইটা বাঘ দ্বন্দ্ব করিতেছিল, সে দক্ষতার সহিত মালগাড়ী চালাইয়া তাহাদের উপর পড়ে। বাঘিনীটা পালাইয়া যায়,— কিন্তু সেই গিরিবন্ধের ভিতর দিয়া ব্যাঘ্রটা পলাইতে পারে নাই। সে গাড়ীতে কাটিয়া মরে। এঞ্জিনের সম্মুখে যে লৌহের “গুরু ধরা” বা কাউক্যাচার থাকে, তাহাতে সেই মৃত শাদ্দুলের শিরহীন দেহটা আটকাইয়া যায়। পলায়িত বাঘিনীটা পাহাড়ের উপর বসিয়া তখনও তর্জন গর্জন করিতেছিল, ড্রাইভার সাহেব ভয়ে গাড়ী থামাইয়া ব্যাঘ্রের খণ্ডিত মস্তকটি তুলিয়া লইতে সাহস করে নাই।

বলা বাহুল্য, তাহার দক্ষতার সহিত এঞ্জিন চালাইবার অংশটুকু ছাড়িয়া দিলে, এবং বাঘিনীর তর্জন গর্জনে সাহেবের হৃৎকম্প হইয়াছিল,

মাল হুয়া

হয়ত সে ক্ষণিক লুপ্তচেতন হইয়াছিল—এটুকু যোগ করিলে, মোটের উপর গল্পটি সত্য।

সাহেব ত বাঘের দেহ লইয়া কলিকাতার দিকে চলিয়া গেল। তাহার দুই তিন ঘণ্টা পরে অপর একখানি মালগাড়ী আসিয়া পৌঁছিল। তখন সকাল হইয়াছে—প্ল্যাটফর্মের উপর অনেক স্ত্রী-পুরুষ জমিয়াছে। খুব ধীরদর্পে সেই দ্বিতীয় গাড়ীর চালক নামিয়া সকলের সম্মুখে খুব বৃহৎ একটা ব্যাঘ্রের দেহহীন মস্তক বাহির করিল। সকলে বুঝিল—এ দেহহীন মস্তক, মস্তকহীন দেহের। সাহেব পূর্বকাহিনী জানে না। লোকটার কল্পনা-শক্তিও মন্দ নহে। সে খুব বুক ফুলাইয়া বলিল যে, বেগবান ট্রেন হইতে গুলি মারিয়া সে ব্যাঘ্রটিকে মারিয়াছে। ট্রেনের তলায় পড়িয়া আহত ব্যাঘ্রের দেহটা ছিন্নভিন্ন হইয়া গিয়াছে বলিয়া সে কেবল তাহার মাথা কাটিয়া আনিয়াছে।

তাহার পর যাহা হইয়াছিল, তাহা এ গল্পের বিষয়ীভূত নহে। তাহাকে যাহারা মিথ্যাবাদী বলিয়াছিলেন, তাঁহাদের নিগ্রহ অধিক হইয়াছিল কি কল্পনা-শক্তি-সম্পন্ন বাষ্পীয় শকট-চালক অধিক নিগ্রহীত হইয়াছিল, সে বিষয় আপনারা মাথা ঘামাইয়া সিদ্ধান্ত করুন। আমি চুরি মোকদ্দমার ধান ভানিতে এ শিবের গান গাহিলাম—আমার সিদ্ধান্ত নিভুল তাহা প্রমাণ করাইবার জন্ত। বাঙ্গালী সম্পাদকেরা বলিয়া থাকেন যে, পুলিশ কোনও তদন্তে চিন্তাশক্তির পরিচয় দিতে পারে না—নিরীহ দেশের লোকের উপর অত্যাচার করিয়া এবং সাহেবের “পিঠ-চাপড়ান”র গরমে বাঙ্গালার পুলিশ এমন অকর্মণ্য! আমি জিজ্ঞাসা করিতে চাই যে, কোন্ সম্পাদক-প্রবর এই সকল ঘটনা গুনিয়া স্থির করিতেন যে,

লাল তুঙ্গা

চোর জঙ্গলের মধ্যে পলাইয়াছে ? তঙ্কর নিশ্চয় গাড়ীতে ছিল এবং তাহার কাফীর বেশটা ছদ্মবেশ মাত্র ।

—তুঙ্গা—

ঘটনাস্থল দেখিয়া এ ধারণা আমার বন্ধমূল হইল । তাজমহল, জুমা-মসজিদ বা ভুবনেশ্বরের মন্দিরের শোভা তাচ্ছিল্য করিবার উপায় নাই । কিন্তু যদি সরু রেলপথের দুই পার্শ্ব দিয়া খুব উচ্চ শৈল উঠিয়া যায়, তাহার পার্শ্বে আবার আর এক থাক অত্রির সারি বিরাট দেহে অসংখ্য চক্চকে সবুজ গাছ বসাইয়া একটা সবুজের বিশালতার সৃষ্টি করে, আবার যদি সেই শৈলগুলার পরস্পরের সঙ্গের স্থল বহিয়া ছোট ছোট ঝরণা গড়াইয়া পড়ে ; আবার যদি দৃষ্টির শেষ সীমায় সবুজ গাছের মাথায় আর নীল আকাশের তলায় মিশিয়া যায় ; আর যদি সেই জঙ্গলটা নানাজাতীয় পাখীর এলোমেলো বে-সুর বেতাল কাকলীতে পূর্ণ থাকে, তাহা হইলে বলা শক্ত যে, এরূপ দৃশ্যের শোভা অধিক চিত্তাকর্ষক, না মানুষের গড়া তাজমহল ও দেবমন্দিরের শোভা অধিক মনোরম । সে জঙ্গলের মধ্যে কোথাও লোকালয় নয়নগোচর হইল না । সেই পাহাড়-গুলি চক্রধরপুরের দিকে দুই পার্শ্বে সরিয়া গিয়া একটি উপত্যকার সৃষ্টি করিয়াছে ।

কিন্তু সেই অরণ্যে কেবল একটা বৃদ্ধকে উদরানের জন্ত থাকিতে হয় । সে সুড়ঙ্গের প্রহরী—রেলওয়ে কোম্পানীর ভৃত্য । সেই সুড়ঙ্গে বা গিরি-



লাল হুয়া

বয়ে পাথর খসিয়া পড়িলে লাল নিশান বা লাল আলো দেখাইয়া তাহাকে ট্রেন থামাইতে হয়। দিনের বেলায় সে ছোট একটা ঘানিতে তৈল নিশ্চাণ করে আর রাতে পাথরের ঘরে দরজা জানালা বন্ধ করিয়া শুইয়া থাকে, আর ব্যাঘ্রের গর্জন শুনে। তাহার নিকট গুনিলাম সে জঙ্গলের অধিপতি একটা বৃদ্ধ ব্যাঘ্র, তাহার মাথায় জটা জন্মিয়াছে, সে এই স্ফুট-রক্ষকের কুটারের পার্শ্ব দিয়া প্রতাহ চলিয়া যায়, কিন্তু দয়া করিয়া তাহার ঘাড়টি মটকাইয়া দেয় না। এই প্রহরীর নাম হুয়া। হুয়া চুরির কথা গুনিয়াছিল—হঠাৎ ট্রেন থামিয়া যাওয়ায় সে সেইস্থলে আসিয়াছিল। আমি তাহাকে বলিলাম—আচ্ছা, এখানে কিছুক্ষণের জন্য লুকিয়ে থেকে পরের ট্রেনে চলে যাওয়া সম্ভবপর নয় ?

• বাঙ্গালা কাগজের সম্পাদকের মত হুয়া আমায় ব্যঙ্গ করিয়া হাসিয়া উঠিল। সে বলিল—বাবু এই একটা হুয়া বৈ কোন্ বেটার মাথার উপর মাথা আছে এখানে থাকে। সে রাতে যখন ট্রেন ছাড়ে, তখন ঐ পাহাড়টার টিকার ওপর আমি বাবাকে দেখেছিলাম।

“বাবা” অর্থে সেই জটাজুটধারী শার্দূলটা। আমি বলিলাম—বাবাকে দেখেছিস ত’ কি হ’য়েছে ?

হুয়া বলিল—সে বাবা কেবল একটা মানুষকে খায় না, সে একটা হুয়া আছে। সে একটা অপর মানুষকে পাইলে বাবা ছিঁড়িয়া খায়। প্রথম দিন লাশ—দুসরা দিন শির—তিসরা দিন—

সে যতক্ষণ কথা কহিতোছিল আমি নির্নিমেষ দৃষ্টিতে তাহার মুখের দিকে চাহিয়াছিলাম। তাহার মুখে সরলতা ভিন্ন অন্য কোন ভাব ছিল না। তাহার সহিত ষড়ষষ্ঠ না করিলে ট্রেনের বাহিরের লোকের পক্ষে

লাল ছুয়া

দস্যুতা অসম্ভব। আমি তাহার কথায় বাধা দিয়া বলিলাম,—দেখ ছলুয়া, তুমি মদৎ না করলে চোর পালাতে পারত না। আমি হয়ত তোমাকে গেরেপ্তার করব। তবে তুমি যদি বল কোন লোক তোমার কাছে আশ্রয় নিয়েছিল, তা' হলে তোমার বিপদ নাই।

ছলুয়া আবার সেই অবজ্ঞার হাসি হাসিল। সে বলিল—সে একটা ছলুয়া এখানেও ঘানি টানে—জেলখানা হইলে না হয় সেখানেও ঘানি টানবে।

এবার তাহার মুখে একটু ভিন্ন ভাব দেখিলাম। সে ভাবটি সরলতার চিহ্ন নয়।

—পরিহাস—

প্রফেসার সেন পাহাড় কাটির পাহাড়ের তলায় হাতীজোবড়া নদীর ধারে বসিয়াছিল। তাহার সঙ্গে ছিল কলিকাতার অপর একটা বন্ধু। বেশ লম্বা চওড়া গোড়বর্ণ চেহারা। পরে শুনিয়াছিলাম তিনি মিঃ রায়—কলিকাতার ব্যবসাদার। তাহার ভৃত্য দূর হইতে আমাকে স্থানটা দেখাইয়া দিয়া চলিয়া গেল।

আমাকে দেখিয়া প্রফুল্ল উঠিয়া দাঁড়াইল। একমুখ হাসিয়া বলিল—কি হে চোর ধরলে ?

আমি বলিলাম—না। তবে কতকটা ধারণা করেছি। ঘটনা-স্থানটা বেশ করে দেখে এসেছি।

লাল ছদ্ম।

আমরা উভয়ে একখণ্ড খুব বড় কৃষ্ণবর্ণ শিলার উপর বসিলাম। মাষ্টার রায় আমাদের দিকে চাহিয়া একটা বড় পাথরের উপর শুটয়া-ছিল।

আমি বলিলাম, তোমার দোষ নেই। তোমার মত অবস্থায় সিদ্ধান্ত করতে হ'লে পুলিশের লোককেও বলতে হত যে, চোরটা ভরসা করে সে জঙ্গলে নামতে পারবে না। কিন্তু—

প্রফেসার বলিল—কিন্তু—

আমি বলিলাম—কিন্তু সেখানে নেমে একটু তদন্ত করলেই বেশ বুঝতে পারা যায় যে, সুড়ঙ্গ-রক্ষকের সঙ্গে একটু ভাব থাকলেই ভরসা করে নেমে পড়া যায়।

মাষ্টার উত্তেজিত হইয়া উঠিয়া বসিল। সে বলিল—সেখানে কি একটা টানেল-রক্ষক থাকে ?

আমি বলিলাম—হ্যাঁ। আর টানেলের ঠিক পাশেই তার বেশ শক্ত একখানি পাথরের ঘর আছে। তার ভেতর প্রবেশ করতে পারলে—

মাষ্টার বলিল—রেলওয়ের লোকের দ্বারা তার ঘরটা খানাতহাসা হওয়াই সকলের চেয়ে বেশী সম্ভবপর। সেইটে ভেবেই দস্যুরা কার্য্য করে। তার ঘটে কিছু বুদ্ধি থাকলে—

আমি বলিলাম—সে নিশ্চিত জানত যে সেখানে কেউ তদন্ত করবে না।

পাগলা মাষ্টার বলিল—বিকারি পুলিশ-রত্ন ! কেয়াবাং বুদ্ধি ! এই তোমাদের দোষে এনারকিষ্টদের সৃষ্টি—

লাল দুশ্বা

আমি বলিলাম—আজ্ঞে না, তোমার মত মাষ্টার ও বিদ্যা-দিগ্গজ সম্পাদকের অনুগ্রহে।

তাহাকে বাঘের গল্প শুনা বলিলাম। সেদিন গাড়ীর গার্ড ড্রাইভার যে ছলুয়ার কুটীরে অনুসন্ধান করেনি তার বিশেষ কারণ আছে।

আমি তাহাদিগকে “বাবা” ব্যাঘ্রের কাহিনীটা বলিলাম। ঠিক ঘটনার দুইদিন পূর্বেই, যে স্থলে বাঘ কাটা পড়িয়াছিল, যে স্থলের সহিত ব্যাঘ্রের অত্যাচারের এতটা ঘনিষ্ঠ সম্বন্ধ, সেস্থলে পরের সোনার জন্ম লোকে আপনার প্রাণ তুচ্ছ করিবে না, তস্কর তাহা জানিত। সে চুপ করিয়া গিয়া ছলুয়ার কুটীরে আশ্রয় লইয়াছিল।

প্রফেসার সেন অবজ্ঞার হাসি হাসিল। রায় মহাশয়ও সে উৎসবে যোগদান করিলেন। আমি বিরক্ত হইয়া বলিলাম—সে কাফিটার নামও পেয়েছি। তার নাম জ্যাক বার্লি। আমি কাল তাকে গেরেপ্তার করব। সেন অণু মনে বলিল—বটে?

আমি বলিলাম,—হ্যাঁ, তোমার কাছে এসেছি তোমাকে নিয়ে যাব তাকে সনাক্ত করবার জন্ম।

সে বলিল—বেশ।

—কাফি জ্যাক—

দুই তিনবার মত বদলাইতে হইয়াছিল বটে, কারণ একটা ধারণায় জেঁাকের মত সংবদ্ধ থাকিলে সত্য অনুসন্ধান করিতে পারা যায় না। নূতন

লাল দুখা

নূতন কথা জানিতে পারিলে, সিদ্ধান্তও নূতন করিয়া গড়িতে পারা যায়। সুড়ঙ্গের ধারের জঙ্গল দেখিয়া এবং বাঘের কাহিনী শুনা শুনিয়া যে সিদ্ধান্তে উপনীত হইয়াছিলাম, তুলুয়ার কুটীর দেখিয়া এবং গল্প শুনিয়া সে সিদ্ধান্ত ভাঙ্গ করিতে চেষ্টা করিলাম। তৎক্ষণাৎ চুরি করিয়া গাড়ীতে উঠিয়াছিল, সে ধারণা বর্জন না করিলে উপায় ছিল না। তুলুয়া রেল-কর্মচারী, বহুদিনের লোক, তাহার সাহসও অসাধারণ, কারণ সে একাকী এই প্রিন্স-সঙ্কুল অরণ্যে বসবাস করে। সাহেবেরা সকলেই তাহাকে ভাল বাসে, রেলের সাহেব, বাঙ্গালী সকলেই তাহাব নিকট বাঘের গল্প শুনে। কাজেই সামান্য চুরি অপবাদ দিয়া তাহার কুটীরটা কেহ খানাতলাস করিবে না—তৎক্ষণাৎ এবং তুলুয়া উভয়েরই যে প্রিন্স ছিল। প্রফেসার সেন ব্যাপারটা ঠিক উপলব্ধি করিতে পারে নাই, তাই সে ভাবিয়াছিল যে গাড়ী থামিবার পর তুলুয়ার কুটীর তদন্ত হইবার বাসনাটা লোকের মনে স্বভাবতঃ জাগিয়া উঠিবে বলিয়া তৎক্ষণাৎ সুবর্ণ ইঞ্চিক গুলি লইয়া সাহস করিয়া তাহার কুটীরে আশ্রয় গ্রহণ করিবে না।

তুলুয়া রেল-কর্মচারীদের নিকট প্রিয় বলিয়াই রেল-কর্মচারী চুরি করিয়া তাহার কুটীরে আশ্রয় গ্রহণ করিবে। তৎক্ষণাৎ বেঙ্গল-নাগপুর রেলের কর্ম করে, এবং সেদিন রাত্রে তাহার অবসর ছিল। লোকটা কৃষ্ণকায় ওয়েষ্ট ইণ্ডিয়ান হওয়া সম্ভব।—এবং এই ধারণাটাই তখন আমার নিকট সমীচীন বলিয়া বোধ হইয়াছিল, কিন্তু পরে দেখিয়াছিলাম, ধারণাটা ভ্রমমূলক। বেঙ্গল-নাগপুর রেলের মাদ্রাজীদের প্রাধান্য তাই আমি তখন ভাবিয়াছিলাম, কার্য হইয়াছে ওয়েষ্ট ইণ্ডিয়ান কাফির

লাল ছদ্ম

দ্বারা কিম্বা কোনও মাদ্রাজীর দ্বারা। কিন্তু চক্রধরপুর হইতে বামড়া অবধি রেল লাইনে ষত মাদ্রাজী কর্মচারী ছিল, তাহাদের মধ্যে মাত্র চারিজন খুব কৃষ্ণকায়, সেই চারিজনের মধ্যে দুইজন খর্বাকৃতি এবং তাহাদের বা অবশিষ্ট দুইজনের মস্তকে কাফি জাতিমূলভ কুঞ্চিত কেশ ছিল না। সুতরাং মাদ্রাজী-খিওরী বর্জন করিয়া আমাকে সেই প্রথম কাফি-খিওরী রাখিতে হইয়াছিল। কাফির পোষাকটা তঙ্গরের চন্দ্রবেশ, সে ধারণা প্রফেসার সেনের। আমি এ বিষয়ে তাহার সহিত একমত হইতে পারি নাই।

এ অঞ্চলে কাফি কর্মচারী ছিল মাত্র একজন। লোকটা প্রায় ৬ফুট লম্বা, খুব হৃষ্টপুষ্টি, মচপায়ী, সুতরাং সদাই প্লগগ্রস্ত। জ্যাক বার্লীর সে রাত্রিতে অবসর ছিল—কেহই তাহাকে চক্রধরপুর ক্লাবে দেখে নাই। অনুসন্ধানে জানিলাম যে জ্যাক বার্লীর সহিত ছল্লুয়ার পরিচয় ছিল। আমি স্বয়ং ছল্লুয়াকে জিজ্ঞাসা করিয়াছিলাম—ছল্লুয়া, তুমি বার্লীসাহেবকে জান ?

ছল্লুয়া বলিল—বার্লীসাহেব ? সেটা কে আছে দারোগা বাবু ?

আমি ডেপুটী সুপারিন্টেন্ডেন্ট, ছল্লুয়া আমাকে দারোগাবাবু বলিয়া আমার মর্যাদা হানি করে নাই। যাক্ সে কথা। আমি তাহাকে বলিলাম, কাফিসাহেব, জ্যাক বার্লীসাহেব।

ছল্লুয়া বলিল—ওঃ সে একটা জেকসাহেব। খুব জানি দারোগাবাবু। সে ছজন লোক এক কোম্পানীর নিমক খায়, সে জানবে না। আমি রেলের সব সাহেবকে চিনি, এই ফিনি সাহেব, কিনিসাহেব, কিন্টু সাহেব, বাড্‌নি সাহেব,—

লাল হুশা

আমি তাহাকে থামাইয়া দিলাম। তাহার পর মনস্থ করিলাম, জেকসাহেবক গেরেপ্তার করিব।

—সাক্ষন—

প্রফুল্লকে ঘাটশিলার সংবাদ দিলাম, বৃহস্পতিবার। সে রাতে ট্ৰেণে চলিলাম।

দস্যুর সন্ধান পাইয়াছি, এ সংবাদে পোদারদ্বয় বড় প্রীত হইল। তাহারা আমার তীক্ষ্ণ বুদ্ধির অনেক প্রশংসা করিল। এত বড় দুৰূহ সমস্যা যে সাত দিনের মধ্যে মীমাংসা হইয়াছে, এ সংবাদে তাহারা আশাতীত আনন্দ লাভ করিয়াছে, তাহা ব্যক্ত করিলাম। শীঘ্রই যে তাহাদের অপহৃত সম্পত্তির সন্ধান পাওয়া যাইবে, সে আশা প্রসন্নমূর্তি লইয়া তাহাদের হৃদয়ে বিরাজ করিতেছিল।

আমি বলিলাম—মশায়, না আঁচালে বিশ্বাস নাই। আমি এখনও আসামী ধরি নাই। সে আসামী কিনা তাহাও নিঃসন্দেহে বলা যায় না। হয়ত বেলপথে সকলে তাহার চেহারা জানে ব'লে সে নিজে ডকাতি করেনি, কোনও আত্মীয় বা বন্ধুর দ্বারা এ কাজ করাইয়াছে।

দিগ্বিজয় পাইন বলিল—মশায়, কান টান্টালেই মাথা আসে। আপনি যখন এটাকে ধরেছেন, তখন সবগুলাই একরকম আপনার হাতের ভেতর।

আমি বসুদাম পোদারকে বলিলাম—আচ্ছা, যখন প্রফুল্লবাবু শিক্‌লি

লাল হুয়া

টেনে গাড়ী থামালেন তখন আপনি জানালা দিয়ে একবার বাহিরে
চাইলেন না কেন ?

সে বলিল—মশায়, এখন এখানে দাঁড়িয়ে কথাটা বলা যত সহজ ঠিক,
সেই স্থলে—

আমি তাহাকে বাধা দিয়া বলিলাম—হ্যাঁ, তা সত্য বটে, তবু—অর্থাৎ
তাহলে লোকটা কোথায় গেল, ঠিক বুঝতে পারা যেত।

সে বলিল—মশায়, চল্লিশ হাজার টাকা চুরি গেছে, আট জনের—এর
মধ্যে আমার নিজের ছিল পাঁচ হাজার টাকা। কিন্তু সেইরকম গুলিটা
চালালে প্রাণটা যেত আমার নিজেরই

আমি তাহার সহিত তর্ক করিলাম না। সেদিন তাহারা আমার
সহিত যাত্রা করিতে স্বীকার করিল না। সোমবার সন্ধ্যার সময় হাওড়া
ষ্টেশনে তাহারা আমার সহিত সাক্ষাৎ করিতে স্বীকৃত হইল। সকলে
একত্রে ঘাটশিলা যাইব। তাহার পর প্রফুল্লকে সঙ্গে লইয়া চক্রধরপুত্র
যাত্রা করিব এইরূপ বন্দোবস্ত হইল

—আবার রাহাজানি—

কিন্তু বন্দোবস্তমত কাজ করিতে পারিলাম না। সেদিন পত্র দিয়া
তাহাদের দুইজনকে ঘাটশিলায় প্রফুল্লের নিকট পাঠাইয়া দিলাম।
তাহাকে লিখিলাম—“পোদারঘরকে তোমার নিকট পাঠাইলাম। তাহা-
দিগের সহিত কথাবার্তা কহিয়া তোমার নিজের কথা গুলি খিওরি করিও।

লাল দুস্বা

আমি কাল কিম্বা পরশু ঘাটশিলা পৌছিব। আর একটা চুরি হইয়া গিয়াছে। সে বিষয়ও তোমার সহিত আলোচনা করিব।”

যে নূতন চুরির কথাটা লিখিলাম, তাহার সংবাদ পাইয়াছিলাম— রবিবার বোম্বাই মেল ষ্টেশনে পৌছিলাম। এ চুরি ঠিক কোথায় হইয়াছিল, তাহা বলা কঠিন। কিন্তু চুরি গিয়াছিল—কুড়ি হাজার টাকার একটি বাণ্ডিল নোট। টাকা কাচ্ প্রদেশের একটি মুসলমান সওদাগরের। ইনি বামড়া-রাজের গুই-একটা জঙ্গলে কাঠ কাটিরার স্বত্ব কিনিয়া অনেক অর্থ উপার্জন করিয়াছেন। বামড়া হইতে বাইশ মাইল দূরে তাঁহার মোকাম আছে। সেই মোকামের গোমস্তার নিকট হইতে তিনি কুড়ি হাজার টাকা লইয়া শনিবার রাত্রে ট্রেনে উঠেন। টাকা একটি জালের থলির ভিতর ছিল—থলিটি ছিল তাঁহার ট্রাক্কের ভিতর। তাঁহার রুমালে ট্রাক্কের চাবি বাঁধা ছিল। বাইশ মাইল গো-শকটে কাশিম করিমসাহেব অবসন্ন হইয়া পড়িয়াছিলেন। তিনি যখন গাড়ীতে উঠেন, তখন মাত্র তথায় একজন আরোহী ছিল। বোধ হয় যাত্রী বাঙ্গালী। কাশিম করিম ভাল করিয়া তাহাকে লক্ষ্য করেন নাই। যখন তিনি গাড়ীতে উঠেন, তখন বাঙ্গালী সহযাত্রীটি নিদ্রা যাইতেছিল, একবার মাত্র চক্ষু মেলিয়া তাহাকে দেখিয়াছিলেন। তাহার পর প্র্যাতুষে গালুডি ষ্টেশনে গাড়ী থামিলে সে নামিয়া গিয়াছিল।

শাখা-প্রশাখা বর্জন করিলে মোটের উপর কাশিম করিমের গল্পটি উক্ত প্রকার। পোদারের গল্পের সহিত এ গল্পের কি সংশ্রব ছিল, সে কথা বলিতেছি। সংশ্রব ছিল বলিয়াই এই চুরির সংবাদে আমি অত বেশী বিচলিত হইয়াছিলাম, এবং দস্যুতারও তদন্ত নিজ হস্তে লইয়াছিলাম।

লাল ছদ্ম।

বাঙ্গালী সহযাত্রী সম্বন্ধে জিজ্ঞাসা করিয়া যাহা শুনিয়াছিলাম, তাহা নিম্নলিখিত প্রশ্নোত্তর হইতে বুঝিতে পারা যাইবে ।

প্র—আপনি বাঙ্গালী সহযাত্রীটিকে চিনিতে পারিবেন ?

উ—না ।

প্র—আপনার বাস্কে নোটের তাড়া ছিল—একথা তাহার জানিবার উপায় ছিল ?

উ—সম্ভবতঃ ছিল কারণ আমি ট্রেনে উঠিবার পর চুরুট বাহির করিবার জন্ত বাস্ক খুলিয়াছিলাম । উপরেই টাকার থলি ছিল, তাহা তুলিয়া মধ্যের বেঞ্চের উপর রাখিয়াছিলাম । তাহার পর চুরুট বাহির করিয়া পুনরায় টাকার থলি বাস্কের মধ্যে ফেলিয়াছিলাম ।

প্র—সে সময় বাঙ্গালী যাত্রীর দৃষ্টি সেদিকে গিয়াছিল ?

উ—বলিতে পারি না । আমি তাহার দিকে তাকাই নাই ।

প্র—আপনার টাকা ছিল থলির ভিতর । বেশ । থলিতে নোট ছিল, তাহা বাহির হইতে বুঝা যায় ?

উ—বাস্কের জালের থলি । নোট একটু একটু দেখাও য়ার ।

প্র—বাঙ্গালীটি গাল্‌ডিতে নামিবার পূর্বে আপনি বুঝিয়াছিলেন যে নোটের থলি চুরি গিয়াছে ?

উ—না । চুরি হইয়া গিয়াছে, একথা প্রথম বুঝিলাম খড়্গপুরের নিকট আসিয়া । গিড্‌নিতে ঘুম ভাঙ্গে । তাহার পর হাত মুখ ধুইয়া খড়্গপুরের নিকট চুরুট খাইবার জন্ত আবার ট্রাক খুলিয়াছিলাম । সেই সময় প্রথম দেখি যে টাকার থলি চুরি গিয়াছে ।

প্র—চাবি কোথা ছিল ?

লাল ছদ্ম

উ—রুমালে বাঁধা।

প্র—রুমাল কোথায় ছিল ?

উ—লম্বা কামিজের পকেটে। লম্বা কামিজ গায়ে ছিল।

প্র—খড়াপুরে দেখিলেন চাবি বন্ধ আছে ?

উ—হ্যাঁ। চাবি বন্ধ ছিল, কিন্তু কলের খিল আলতারাপের ভিতর দিয়া যায় নাই। সেটা টিপিয়া চাবি দিলে তবে বাক্স বন্ধ হয়! তাড়া-তাড়ি চাবি দিলে কলের গিল বন্ধ হয়, কিন্তু বাক্স বন্ধ হয় না। চাবিটা তাড়াতাড়ি দেওয়া হইয়াছিল।

প্র—প্রথম আপনি যখন খড়াপুরে বাক্স খুলিলেন, বাক্সের আল-তারাপের ঐরূপ অবস্থা দেখিয়া আপনি বিস্মিত হন নাই ?

উ—হ্যাঁ, প্রথমে খটকা লাগিয়াছিল। কিন্তু তখনই মনে হইয়াছিল যে, রাত্রে বাক্স খুলিয়া বন্ধ করিবার সময় বোধ হয় অসাবধান হইয়াছিলাম। চুরি যাইবার পর আমার মনে বেশ ধারণা হইয়াছিল যে, চোর টাকা লইয়া বাক্স বন্ধ করিবার সময় ঐরূপ ভ্রম করিয়াছিল। সেইটাই স্বাভাবিক।

প্র—তাহা হইলে আপনি ঠিক বলতে পারেন না, বাক্স বন্ধ করিয়া-ছিলেন কি না ?

উ—না। তবে সাধারণতঃ আমি খুব সাবধানী। আর বিশেষ যখন বাক্সের ভিতর অত বেশী অর্থ ছিল, তখন অসাবধান হওয়া আমার পক্ষে অসম্ভব।

প্র—আপনার বাঙ্গালী সহযাত্রীর সঙ্গে কি রকম মাল আসবাব ছিল ?

উ—সামান্য একটি হাত-ব্যাগ। গাড়ী হইতে নামিবার সময় সে সেই ব্যাগটা হাতে করিয়া নামিয়াছিল।

জাল দুখা

এই সকল উত্তর হইতে একাধিক সিদ্ধান্তে উপনীত হওয়া যায়। কাশিম করিম সম্ভবতঃ বাক্স বন্ধ করিতে ভুলিয়া গিয়াছিল। রাতে বাঙ্গালী বাবু তাঁহার টাকার খলিটি নিজের হাত-ব্যাগে ভরিয়া লইয়াছিল। হয়ত সে চাবি বন্ধ করিয়াছিল। অবসর বুঝিয়া বাবু কামিজের পকেট হইতে চাবি লইয়া বাক্স খুলিয়াছিল—বন্ধ করিবার সময় তাড়া-তাড়ি আলতারাপ টেপে নাই। কিন্ত ট্রাঙ্ক সাধারণ—বাবুর নিজের চাবির খোকার একটা চাবি কলে লাগিয়াছিল। নিজের চাবির সাহায্যে সে দস্যুতায় সফলকাম হইয়াছিল। গালুডিতে সন্ধান করিলে বাবুর স্বরূপ জানিতে পারা যাইবে, আর জানিতে না পারিলেও আমাদের তত ক্ষতি নাই।

কিন্তু সমস্তটা ঠিক এইরূপ সহজ হইলে এস্থলে এত বিশদরূপে আমি ইহা বিবৃত করিতাম না। ইহার ভিতর দুইটা রহস্য ছিল, যাহাতে পোন্দারের সুবর্ণ চুরির সহিত এ ঘটনার বিশেষ সংশ্রব ছিল। তাহা নিম্নলিখিত কথোপকথন হইতে বুঝিতে পারা যাইবে।

আমি জিজ্ঞাসা করিলাম—আচ্ছা আপনি যখন গাড়ীতে ছিলেন, তখন সেই বাবু ব্যতীত আর কাহাকেও দেখিয়াছিলেন ?

অনেক চিন্তা করিয়া কাশিম করিম বলিল—কই না, আর কাকেও দেখেছি ব'লে মনে হয় না।

আমি বলিলাম—আচ্ছা, কোনও সাহেব—কাফি।

কাফি গুনিয়াই সে বিস্মিত হইয়া বলিল—হ্যাঁ, মাঝে একবার গাড়ী থেমেছিল—কোনও ষ্টেশনে কি মাঠের মাঝে, তা বলতে পারি না। তখন দেখেছিলাম, জানলা দিয়ে মাত্র একবার উঁকি মেরেছিল একটা কাফি !

লাল ছদ্ম

আমি বিস্মিত হইয়াছিলাম—কাফি। তাই বলিতেছিলাম, এ চুরির সহিত পোদারের চুরির কতকটা সংশ্রব ছিল। আরও একটা স্তরে দুইটা চুরির কাহিনী গ্রথিত ছিল, তাহা পরে বলিতেছি।

-আবার পরিহাস-

বাটার সম্মুখে ছোট বাগানে বসিয়া প্রফেসর সেন ও বন্ধু মিঠার রান একটা সাঁওতালের সঙ্গে কথা কহিতেছিল। আমাদিগকে দেখিয়া সেন আনন্দ প্রকাশ করিল। আমি দিগ্বিজয় ও বসুদামকে দেখাইয়া বলিলাম কি প্রফুল্ল? এঁদের চিন্তে পার?

সে তাহাদিগকে অভ্যর্থনা করিয়া বলিল,—হ্যাঁ, খুব পারি। সেই সময় বসুদামবাবু একটু তৎপর হ'লে—

বসুদাম আমার নিকট সে অপবাদ শুনিয়া বিরক্ত হইয়াছিল আবার সেই কথার প্রতিধ্বনি শুনিয়া একটু বৈর্যচ্যুত হইয়া বলিল— কেন মশায়ও ত মনে করলে চোর ধরতে পারতেন! কাপুরুষ যে কেবল আমি একেলা—

প্রফুল্ল তাহার ভ্রমটা বুঝিল। অন্যত্র হইলে সে তর্কে পরাজয় স্বীকার করিত না। এক্ষেত্রে বসুদাম তাহার অতিথি, তাই, সে আত্ম-সংযম করিয়া বেশ একটু মোলায়েম ভাবে হাসিয়া বলিল—এক ভস্ম আর ছার, দোষ গুণ কব কার? বসুন বসুন! ওরে বেটা ভোমা চেয়ার

লাল হুশা

আগুইমে । দাঃ ইউমিউ আগুইমে । (চেয়ার নিয়ে আয় । জলখাবার নিয়ে আয়) ।

আমি বলিলাম—বাঃ, তুমি তো বেশ সাঁওতালী শিখেছ ।

সে বলিল—ভোমা বেটা আমার বাড়ীওয়ালা মিঃ সুরেশ মিত্রের বাগানের মালী । আমার মাষ্টার । ভোমা উনিদো আপেদো হড়্ রড়্ শেঁড়া হোচোর যাম ? (এঁকে তোদের সাঁওতালী ভাষা শেখাৰি ?)

ভোমা ভাবিল, অধ্যাপক তাহাকে পরিহাস করিতেছে । সে বলিল—
আমু মুতিয়াকাণা ? (ঠাট্টা করছ ?)

আমি তাহাকে বিস্মিত করিবার জন্য বলিলাম—ইন্ নাছে নাছে শেঁড়াই কেদাই । (আমি কিছু কিছু শিখেছি)

ভোমার বড় আনন্দ । ,স বলিল,—বাং বাং আমঝতঃ রড়্দের শেঁড়ায় কেদাম্ ।। (না না, তুই সব কথা শিখেছিস্ ।)

সে চেয়ার আনিতে ছুটিল । প্রফুল্ল বলিল,—তুমি যেমন সাঁওতালী কথা বললে আমাকে বিস্মিত করলে, আমিও একটা সংবাদ দিয়ে বিস্মিত করব আজ তোমাকে ।

আমি বিষয়টি জানিতে চাহিলাম । সে বলিল—আজ কাগজে পড়লাম, এই রেলের আর একটা চুরি হ'য়েছে । কাশিম করিম ব্যাপারীর—

—বিশ হাজার টাকা ।

সে বলিল—হ্যাঁ ! বর্ণনা পড়ে যে রকম মনে হ'ল, তাতে বোধ হয় তার গাড়ীর দ্বিতীয় আরোহীটি এই অধীন । তবে লোকটাকে দেখলে—

লাল তুফা

আমি বলিলাম—তুমি ? তুমি গালুডিতে নেমে গিয়েছিলে ? হাতে একটা মাত্র হ্যাণ্ড-ব্যাগ ?

সে বলিল—হ্যাঁ, সমস্ত বর্ণনাটা পড়েছি । আমার মনে হচ্ছে সে আমারই গাড়ীতে বামড়া ষ্টেশনে উঠেছিল । নিশ্চয় সে লোকটা ফর্সা, কালো ট্রাঙ্ক—

আমি বিস্ময়ে অধীর হইতেছিলাম । কাশিম করিমের সহযাত্রী যে প্রফুল্ল সে বিষয়ে সন্দেহ রহিল না । আমি বলিলাম—তুমি গালুডিতে নেমেছিলে কেন ?

সে বলিল—ঘাটশিলায় ট্রেন থামে না । রাত্রি হ'লে এন্‌রাম সিগনাল টেনে আস্তে আস্তে নেমে পড়া যায়—

সকলে হাসিল । আমরা পরস্পরকে আরও কতকগুলো প্রশ্ন করিয়া নিঃসন্দেহে জানিলাম যে, প্রফুল্ল সে রাতে কাশিম করিমের সহযাত্রী ছিল । তাই বলিতেছিলাম, পোদ্দারদের চুরির সহিত কাশিম করিমের চুরিটি একাধিক সূত্রে আবদ্ধ ছিল । সকলে বিস্মিত হইলাম । এমন যোগা-যোগ তো সহজে ঘটে না ।

আমি বলিলাম—তুমি জান না এ ব্যাপারে আরও একটু রহস্য আছে । কাশিম করিম সে রাতে সেই কাফিটাকে দেখেছিল ।

সকলে বিস্মিত হইল । রায় প্রফুল্লের মুখের দিকে তাকাইয়া ঈর্ষৎ হাসিল । প্রফুল্ল একটু ঘেন অশান্তি ভোগ করিতে লাগিল । শেষে বলিল—কই আমি তো কাফি দেখিনি ।

আমি অশান্তির কারণটুকু উপলব্ধি করিলাম । কাফিটা যে ছদ্মবেশ-ধারী তরুর, এ ধারণা সে বর্জন করিতে একেবারে অসম্মত । আমি তাহাকে বলিলাম—হয়ত এ কাফিটাও ছদ্মবেশ করেছিল ।

লাল ছদ্ম

সে উপহাসটুকু সহ্য করিল না। বিরক্ত হইয়া বলিল,—তা হতে পারে—হ'তে পারে কেন? সেইটাই নিশ্চিত। কিন্তু ছদ্মবেশা কাফি—

আমি বলিলাম—এবিষয়ে আমরা একমত হ'তে পারব না।

সে বলিল—মোটাই নয়। কারণ সে কাফিটা তোমার মানস পুত্র। তার লালন পালনের ভার তোমার নিজের।

আমি মনে মনে হাসিলাম। সেই আসল বা ছদ্মবেশধারী কাফিকে ধরিতে পারিলেই দুইটা চুরিরই সন্ধান হয়, তাহা সে স্বীকার করিল না। আমার মনে কিন্তু সে বিষয়ে সন্দেহ ছিল না। আমি তাহাকে আমাদের সদল বলে আগমনের উদ্দেশ্যটা বলিলাম। তাহাকে কল্যই আমাদের সহিত চক্রধরপুরে যাত্রা করিতে হইবে। সে স্বীকৃত হইল। আমার উদ্দেশ্য সিদ্ধি সম্বন্ধে তাহার সম্মতিই যথেষ্ট বিবেচনা করিয়া অণু কথাবাত্তা কহিতে লাগিলাম।

—কিবা হাড়ি কিবা ডোম—

চক্রধরপুরের কোনও রেল কর্মচারীকে আমাদের উদ্দেশ্য জ্ঞাপন করি নাই। কেবল আমার সব-ইন্স্পেক্টর রেলের সন্নিকটে একখানা বাংলা সংগ্রহ করিয়াছিল। আমরা সদলবলে বাংলা দখল করিলাম। সকলের পান ভোজনের ব্যবস্থা করিয়া আমি সহরে জ্যাক বার্লীর সন্ধান করিতে গেলাম। শুনিলাম সে সন্ধ্যার পর বোধাই মেলে চক্রধরপুরে আসিবে।

লাল দুস্বা

চক্রধরপুরে তাহার বিষয় কতকগুলি সন্ধান পাইলাম। লোকটা খুব অধিক মাত্রায় মদ্যপান করে। রেল কর্মচারীদের ক্লাবে সে জুয়া খেলে। তাহার জীবনের প্রধান উপাশ্রু আপাততঃ একজন ফিরিঙ্গী রমণী, মিসেস্ বার্ক—একজন গার্ডের বিধবা। বয়স আন্দাজ ৩২ বৎসর, কিন্তু দেখিলে তাহাকে অষ্টাদশী বলিয়া ভ্রম হয়। পোষাক-পরিচ্ছদ অতি আধুনিক, খুব শিল্পী ধরণের। গুনিলাম চক্রধরপুর রেলওয়ে ডিষ্ট্রিক্টের হোট বড় সকল ফিরিঙ্গী সাহেব তাহার প্রসাদলাভে লালায়িত। কিন্তু দুর্নিবার মন্থণর এমন বিচারশক্তি যে কালো মুক্কো জ্যাক বালী ব্যতীত কেহ তাহার প্রণয় লাভ করিতে সমর্থ হয় নাই। সত্যি কবি বলিয়াছেন—

•
রূপে মনোহারিণী যৌবনে চ
বৃথৈব পুংসামভিমান বুদ্ধিঃ ।
নতক্রবাং চেতসি চিত্তজন্মা
প্রভূর্যাদেবেচ্ছতি তৎ করোতি ।

তাহার বাটার আশেপাশে ঘুরিলাম। বাংলার সম্মুখে বাগান। নানা প্রকার মরসুমী ফুল হাসিতেছে, বাগান হইতে বাংলার উঠিবার বেশ প্রসস্ত সিঁড়ী। সেই সোপানে দুইটি লোক পাশাপাশি যাইতে পারে, এমন স্থান রাখিয়া দুই দিকে চীনা মাটির টবে মেমসাহেব অনেক বিলাতী তালবৃক্ষ সাজাইয়া রাখিয়াছে। বারান্দার ঝিলিমিলিতে অর্কিড্ বুলিতেছে, বারান্দায় প্রবেশ করিবার দুইটি পথ জাপানী চিক্ দিয়া বন্ধ। মাঝের গমনা-গমনের পথে কাঁপা কাঁচের চিক্ মৃদুমন্দ মলয়স্পর্শে তুলিতেছে, আর অতি মৃদুশব্দ করিতেছে। আপনারা ক্ষমা করিবেন ; আমি কবিত্ব-শক্তিহীন

লাল ছায়া

পুলিস কর্মচারী, বর্ণনাবিধায় আমি একবারে অজ্ঞ। কিন্তু নিঃসন্দেহ পুলিসের লোকেরও মনের নিভৃত অন্তস্তলে একটা কবিতার সুরে বাঁধা তার আছে—বাহিরের কবিতার ঝঙ্কার শুনিলেই সাড়া পাইয়া সে সুরে বাজিয়া উঠে। এক্ষেত্রে মিসেস্ বার্কে'র শান্ত শ্যামল কুটীরের পারিপাঠ্য দেখিয়া আমার প্রাণে প্রথমে সেই তার বাজিয়া উঠিল—কিন্তু পরক্ষণেই খুব মোটা সুরে বাঁধা আর একটা যন্ত্র বাজিয়া উঠিল—সেটা ঢাকের মত। সন্দেহ এবং মানবপ্রকৃতির প্রতি অবজ্ঞায় সেবাণ্ড-যন্ত্রটা গঠিত, আমাদের শ্রেণীর লোকের প্রায় সারা প্রকৃতি জুড়িয়া সেই সুরের আমেজ বিরাজিত। সেই ঢাক বাজিয়া উঠিল—ইঃ! সামান্য গাউ'র বিধবা, সামান্য জুয়াড়ী মাতাল কাফির প্রণয়িনী আইভি বার্কে'র এমন বিলাসিতা-বহ্নিতে ইন্ধন যোগায় কে? এ স্বাচ্ছন্দ্য চুরি না করিলে উপভোগ করিতে পারা যায় না। তাহার সেই শান্ত আশ্রম খানাতল্লাসী করিলে যে অপহৃত সম্পত্তির সন্ধান পাওয়া যাইবে, সে ধারণাও আমার হৃদয়ে জমাটবদ্ধ হইতেছিল।

গৃহে বসিয়া আইভি পিয়ানো বাজাইতেছিল। তাহার গৃহের সাজ-সরঞ্জাম যে বড় উচ্চদরের তাহা আমি কল্পনা করিতেছিলাম। বাংলার পিছনে শ্যামল টেনিস-ক্ষেত্র যেন হরিৎ বর্ণের বহুমূল্য বিস্তৃত কার্পেট। একজন বড় যোদ্ধা লণ্ডনের পায়রার খোঁপের মত অসংখ্য অট্টালিকা দেখিয়া বলিয়াছিল—অবরোধ করিয়া গোলা ছুঁড়িবার কি আদর্শ নগর। আমারও সেদিন আশ্চর্যিক প্রবৃত্তি জাগিয়া উঠিল, খানাতল্লাসী করিবার কি আদর্শ কুটীর। আমি টেবিল, চেয়ার, খাট-বিছানা, আলমারী-ডেক্স, ছবি, পরদা, কার্পেট, তেপায়া উণ্টাপাণ্টা নাড়াচাড়া করিবার কল্পিত আনন্দে উৎফুল্ল হইলাম—আর যদি অপহৃত সম্পত্তির কোনও অংশ তাহার বাস

লাল ছন্দা

সিন্ধুকের মধ্যে পাওয়া যায় তাহা হইলে তো আনন্দের সীমা থাকিবে না। হয়ত তাহার নিজের চাকুহস্ত-রচিত পুষ্পবাটিকার বৃত্তিম শৈল্যেব পাংরের নীচে সুবর্ণ ইষ্টক লুকায়িত আছে।

কিন্তু আমার প্রধান সাক্ষা ও পরামর্শদাতার নিকট যখন আমি এ সকল কথা বলিলাম, সে পুলিশের উপর একটা তীব্র মন্তব্য প্রকাশ করিয়া বলিল—আমি ত “ঘোটকীর নীড়” আবিষ্কার করিয়াছি। আমি তাহাকে বলিলাম—আমি যে স্বচক্ষে এ সব দেখে এসেছি।

সে বলিল—ক’টা গাছ পুঁতেছে আর ফুল ফুটিয়েছে বলে কি তার কুবেরের ঐশ্বর্যের আবশ্যক হ’য়েছে না কি ?

আমি বলিলাম—তোমার সঙ্গে তর্ক করা—

সে বলিল—তর্ক কেন ? সোজা হিসাব। মথ আছে বাগান ক’রেছে। একটু একটু করে খেটে এক একটা করে গাছ জোগাড় করেছে। পিয়াটে। আগে কিনেছে। এটা জান কি, যে বাবুদের পক্ষে সাহেবীয়ানা করতে হয়ত খরচ হয়, সাহেবদের পক্ষে সেইরকম সাহেবীয়ানা অনেক কম খরচে হয়।

আমি বলিলাম—হ্যাঁ, কিন্তু কতকটা টাকা না থাকলে কি আর—

এবার তাহার মুখ উজ্জ্বল হইল, চক্ষে জ্যোতিঃ দেখা দিল, সে সত্য আবিষ্কারের আনন্দ অনুভব করিতেছিল। সে অর্কশায়িত অবস্থায় ছিল, সোজা হইয়া বসিয়া বলিল—হ্যাঁ ! আসল কথাটা এতক্ষণ কারও মনে পড়েনি। বার্ক গার্ড ছিল না ?

আমি বলিলাম—হ্যাঁ !

সে বলিল—তবে ! প্রভিডেন্ট ফণ্ডের টাকাগুলো কি হ’ল। রেল

লাল ছদ্ম

কর্মচারী মরলে তার ওয়ারিশরা যে টাকা পায়, সেই টাকা নিয়ে আইভি খুব আরামে আছে।

আমি একটু আমতা আমতা করিয়া বলিলাম,—তোমার বুদ্ধি ভাল না, তা' হ'লে সে কাফ্রিটার সঙ্গে প্রেম—

প্রফেসার হাসিয়া বলিল—ওদিকে পুলিশের বুদ্ধি চালিয়ে না। সে বিষয়ে অনেক নজীর আছে—আমাদের দেশের “কিবা হাড়ি কিবা ডোমের” ছড়া থেকে শেক্সপীয়ারের ওথেলো-ডেস্‌ডিমোনা অবধি হাজার হাজার নজীর আছে।

আমি বলিলাম—সাহিত্য পড়লে যদি চোর ধরা যেত তা'হলে ভাবনা থাকত না।

—জ্যাক বার্লী—

তখন রাত্রি প্রায় এগারটা বাজিয়াছিল। আমি প্রফেসার সেনের সহিত দাবা খেলিতেছিলাম। পোদারঘর ভোজনান্তে নিদ্রা যাইতেছিল। সন্ধ্যায় সময় বোধাই মেলে গুজরাটী বণিক কাশিম করিমও আসিয়া জুটিয়াছিল। সে বারান্দায় একখানা চারপাই বিস্তার করিয়া নিদ্রাদেবীর শাস্ত ক্রোড়ে আশ্রয় লাভ করিয়াছিল। রায়সাহেব কোথায় ছিল জানি তা। সে জ্যোৎস্না-রাত্রে ঘুরিয়া বেড়াইবার অহুমতি পাইয়াছিল। দুইটি বন্ধুর বুদ্ধি ও প্রবৃত্তি অনেকটা এক প্রকারের, তাই উভয়ের এত ঘনিষ্ঠতা।

লাল ছদ্ম

সেন আমার কালো ঘরের গজটিকে তিন দিক দিয়া আক্রমণ করিয়াছিল। জ্যোৎস্নায় মাঠ হাসিতেছিল। সে এক একটা ভাল চাল দিয়া জ্যোৎস্না-প্লাবিত হরিত ক্ষেত্রের দিকে তাকাইতেছিল। আমার গজ ধরিবার জন্য ঘোটককে আড়াই পদ চালিয়াই সে মগর্কে মাঠের দিকে তাকাইল। তাহার পর আমার কাঁধে হাত দিয়া ডাকিয়া আমাকে ময়দানের দিকে দৃষ্টি নিষ্ক্ষেপ করিতে বলিল। আমাদের বাংলার বাহিরে দশ-বার হাত দূরে একটা কাফি, দাঁড়াইয়া চুরুট ধরাইতেছিল। আমার হৃৎকম্প হইল। দেহের মধ্যে শোণিত-প্রবাহ বেগে ছুটাছুটি করিতে লাগিল। আমি বিস্মিত হইয়া বলিলাম— বালী !

সে বলিল,—চুপ্ ! গোল ক'র না আমি বাইরে গিয়ে ওর সঙ্গে কথা কই । তুমি সাক্ষীদের ডেকে দেখাও । আমার কোন সন্দেহ নাই। ঐ লোকটা সোনা চুরি করেছে ।

কি আনন্দ ! চোর ধরা পড়িয়াছে ! ধারণা ঠিক হইয়াছে ! হিসাবে কোন ভুল নাই। বাঃ ! বড় গর্বিত হইলাম ; বন্ধুকে বলিলাম—
‘আর যাবে কোথা ? সন্দেহ হ'লে পালাবে, তুমি কাছে যেও
না।’

সে বলিল—ননসেন্স। তাতে কি হয়েছে ?

আমি বলিলাম—যদি তোমায় চিনতে পারে ?

সে বলিল—তার সম্ভাবনা নেই আটক করা চাই।

সে তাড়াতাড়ি বাহিরে গিয়া লোকটার সঙ্গে বাস্তবিক কথা কহিতে লাগিল। আমি পোদার ছইজনকে ডাকিলাম, তাহারা দেখিয়াই চিনিল। দিগ্‌বিজয় কাপিতেছিল। বন্দুদামের ততোধিক উত্তেজনা।

লাল ছদ্ম

কাশিম করিমকে ধীরে ধীরে তুলিলাম। সে বলিল—হ্যাঁ—ঐ রকমের কাফি একটা দেখেছিলাম—হ্যাঁ। ঐ বটে—না। ঠিক ওই—বেশ মনে পড়েছে।

সেন যখন বুঝিল যে, আমাদের কার্য শেষ হইয়াছে, তখন সে গুড্‌নাইট বলিয়া লোকটাকে বিদায় দিল। আমার কাছে আসিয়া বলিল—কি এখনই ধরবে নাকি ?

আমি বলিলাম—কি দরকার ? কাল সকালে ষ্টেশন থেকে সাক্ষী রেখে পাঁচজনের সঙ্গে মিলিয়ে তোমাদের দিয়ে চেনাব। তাতে আমার মামলা শক্ত হ'বে।

সে বলিল—সে বিচারের ভার তোমার উপর, আমি ও সব বুঝি না। তবে দৈব-বলে আসামীটা দেখতে পেয়েছে।

আমি বলিলাম—দৈব বল কি ? সমস্ত হিসাব করে করেছি। তুমি ত গোড়া থেকে উড়িয়ে দিয়েছিলে।

সে বলিল—যাক্। তবে ঐ লোকটা যে পোদারদের সোনা নিয়ে পালিয়েছে সে বিষয়ে সন্দেহ নাই।

আমি বলিলাম—নামটা জিজ্ঞাসা করেছ ?

সে বলিল—হ্যাঁ, জ্যাক্ বার্নী। তবে ও সত্যি জ্যাক্ বার্নী কি মিঃ রায়—

শেষ পরিহাসটা হইল ব্যয়কে দেখিয়া। ঠিক সেই সময় রায় গৃহমধ্যে প্রবেশ করিল। তাহার নাম উচ্চারিত হইতেছে শুনিয়া সে বলিল—কেন মিঃ রায় কি করেছে ?

আমি তাহাকে সমস্ত ব্যাপারটা বলিলাম—সে আনন্দে বালকের মত

লাল ছায়া

হাসিতে লাগিল। অভিনন্দন করিল করমর্দন করিয়া আমার হাতে ব্যথা করিয়া দিল। সেনের একটা ভদ্রতা দেখিলাম। সেটা শিক্ষিত লোকের সুলভ। সে সরল অকপট চিত্তে আনন্দ প্রকাশ করিল, আমার নিকট বুদ্ধিতে পরাজিত হইয়াছে বলিয়া কোনও প্রকার শ্লেষ প্রকাশ করিল না। প্রভাতে কিরূপে তাহাকে ধরিব সে সম্বন্ধে অনেক পরামর্শ দিয়া পদ্যনাভকে স্মরণ করিল কিনা জানি না, কিন্তু শয়ন করিয়া অচিরে নিদ্রামগ্ন হইল। আমার পুলিশ-কর্ম-দৃঢ় মনে নানা প্রকার কল্পনা-জল্পনা চলিতে লাগিল।

—সনাক্ত—

পরদিন প্রভাতে উঠিয়া জ্যাক বার্লীর সন্ধান পাইলাম না। বিরক্ত হইলাম কিন্তু হতাশ হইলাম না। আরও দুইদিন চক্রধরপুরে অপেক্ষা করিলাম। শুনিলাম সে রেলের কার্যে বোম্বাই গিয়াছে, ফিরিতে বিলম্ব হইবে। যে রাত্রে তাহাকে দেখিয়াছিলাম সেই রাত্রেই নাকি তাহার উপর বোম্বাই যাইবার আদেশ হইয়াছে। কিন্তু সে রাত্রে কেহ তাহাকে চক্রধরপুরে দেখে নাই—যে সময় আমরা তাহাকে দেখিয়াছিলাম ঠিক সেই সময় সে একখানা মালগাড়ীতে আসিয়াছিল—মিসেস্ বার্কের সহিত সাক্ষাৎ করিয়া বিদায় লইবার জন্ত। যাহা হউক, আর সেখানে সদলবলে থাকিবার প্রয়োজন বিবেচনা করিলাম না। সকলে নিজ নিজ স্থানে প্রস্থান করিলাম।

লাল ছায়া

সেনের কলেজ খুলিয়াছিল। প্রায় পনের দিন হইল, সে কলিকাতায় ফিরিয়াছে। পোদারঘরকে চুঁচুড়া হইতে সংবাদ দিয়া আনাইলাম। কাশিম করিমকেও আমড়াতলায় পাইলাম। রেলওয়ে পুলিশ জ্যাক বার্লীকে ধরিয়া কলিকাতায় পাঠাইয়া দিয়াছিল। হাওড়া ষ্টেশনে তাহার মত আরও নয়জন ওয়েষ্ট ইণ্ডিয়ান জোগাড় করিয়া সকলকে এক লাইনে দাঁড় করাইলাম। ষ্টেশন সুপারিন্টেন্ডেন্ট প্রভৃতি তিন চারিজন সাহেবকে সাক্ষ্য করিবার জন্ত সেখানে বসাইলাম। আমার সাক্ষীদের প্রথমে একটা ঘরে লুকাইয়া রাখিয়াছিল।

প্রথমে সেনকে ডাকিলাম। সাহেবদের সম্মুখে বলিলাম—যে ব্যক্তি ট্রেণে সোনার থান চুরি করিয়াছিল সে ব্যক্তি এখানে আছে কিনা দেখুন।

পাগলা মাষ্টার সেই দশজন কৃষ্ণকায় সাহেবের মুখের দিকে একে একে চাহিল। তাহার পর লাইনের একদিক হইতে অপর দিক পর্য্যন্ত চলিল, আবার ফিরিল। মুখে একটা নির্বোধের মত ভাব—শেষে আমার দিকে ফিরিয়া বলিল—না। এ উদ্ভেজনায় আমি অধৈর্য্য হইতেছিলাম—কাফ্রিগুলা ও আমার ফিরিঙ্গী সাক্ষীগুলা পরিহাস করিয়া হাসিতেছিল, ক্রোধে আমার সর্ষশরীর জ্বলিতেছিল। কি পাগল! বোধ হয় আমার সহিত তর্কে পরাজিত হইয়া সে এরূপ আচরণ করিতেছে। আমি তাহাকে আবার দেখিতে বলিলাম—সে এবার বলিল—সে লোক এখানে নাই—। সকলে হাসিল। আমি জ্যাক বার্লীকে দেখাইয়া বলিলাম—দেখুন এ লোককে কখনও দেখেছেন কি?

সে বলিল—জীবনে কখনও ইহাকে দেখি নাই।

লাল ছদ্ম

বালী তাহাকে মাথা নীচু করিয়া সম্মান করিল বলিল—মহাশয় ধন্যবাদ গ্রহণ করুন।

তাহাকে একখানা চেয়ারে বসাইয়া দিগ্বিজয় পোদারকে ডাকিলাম। সেন পাগলামি করিয়াছে। ইহার সম্পত্তি চুরি গিয়াছে ইনি আমার প্রতি ঈর্ষা করিয়া আমার মোকদ্দমা নষ্ট করিবেন না। তাহাকে বলিলাম—যে লোক আপনার সোনা চুরি করেছে সে এস্থলে আছে কি না দেখুন।

আঃ! কি নির্বোধ! হিঃ! হিঃ! আমাদের ব্যবসাদার গুলা এইরূপ অকর্মণ্য বলিয়া বাঙালীর ব্যবসা-বাণিজ্যের অবস্থা এত মন্দ। এ লোকটাও কি পাগল না কি! আঃ! ঠিক বালীর সম্মুখে দাঁড়াইয়া তাহার মুখ দেখিয়া পাশের লোকটার দিকে চাহিল। আ—রেঃ গেল! লাইনের শেষে। আবার ফিরিল। শেষে ঘাড় নাড়িয়া বালল—না এখানে নাই।

কী বিড়ম্বনা! সকলে হাসিল, যার চুরি গিয়াছে সে যদি নিজের স্বার্থ না বোঝে আমার কি? যাহা হউক, একবার শেষ চেষ্টা করা যাক। আমি তাহাকে জ্যাক বালীর সম্মুখে রাখিয়া বলিলাম—দেখুন দেখি ইহাকে জানেন?

সে বলিল—না।

—চক্রধরপুরে আমাকে দেখিয়েছিলেন কাকে? মাঠের উপর জ্যোৎস্না রাত্রে?

—সে সেই চোরটাকে। এ অন্ধ লোক।

মনে মনে বলিলাম—তোমার মাথা।

সে বালীর ধন্যবাদ গ্রহণ করিয়া বসিল। বসুদামও 'বাশবনে ডোম কাণা' হইল। কাশিম করিমও তদবস্থ!

লাল হুশা

ক্রোধে আমার সর্বশরীর জ্বলিতছিল। কাফ্রিটা দিক্কার দিতেছিল। আমার ইন্স্পেক্টর, সবইন্স্পেক্টর, জমাদারগুলা আমার প্রতি চাহিয়াছিল। এমন দুর্গতি কখনও হয় নাই। নিশ্চয় আমাকে অপমান করিবার জন্য সকলে ষড়যন্ত্র করিয়াছিল।

আমি জ্যাক বার্লীকে মুক্তি দিলাম। রিপোর্টে লিখিলাম—এ মামলার সাক্ষীগণ আসামীকে সনাক্ত করিতে পারিল না। এ তদন্তে আর কোনও ফল হইবে না। তদন্ত বন্ধ হউক।

—নির্মূলকান্ত—

ছয় মাস প্রফেসার প্রফুল্ল সেনকে দেখি নাই, তবে মাঝে মাঝে তাহার কথা স্মরণ করিতাম, আর সেই চুরী ছুইটার কথা মনে পড়িলে একটা কঠোর আত্মগনিত্তে জ্বলিয়া মরিতাম। সে রাতে কেন কাফ্রিটাকে ছুটিয়া গিয়া ধরিলাম না? অধিক বিচার বিতর্ক করিতে গিয়া একরূপ ভাবে হাতের শিকার পলাইয়াছিল। জ্যাকবার্লী যে সে লোক নয়, তাহা অস্বীকার করিবার আমার শক্তি নাই, কারণ উত্তেজনায় সে লোকটাকে উত্তমরূপে সে রাতে দেখি নাই; কিন্তু লোকটা গেল কোথা? আমি শেষ রিপোর্ট দিয়া তদন্ত বন্ধ করিয়া দিয়াছিলাম বটে, কিন্তু একজন স্থানীয় পুলিশ কর্মচারীর সঙ্গে বন্দোবস্ত করিয়াছিলাম যে, চক্রধরপুরে বা তাহার সন্নিকটবর্তী স্থানে দ্বিতীয় কাফ্রি দেখিলে

লাল দুহা.

আমাকে সংবাদ দিবে। এভাবে কাল সে জ্যাকবার্ণি ব্যতীত অন্য কাফির সন্ধান পায় নাই।

যখন রাত্রে ভোজনের পর এই সব কথা লইয়া তোলাপাড়া করিতেছি, তখন অকস্মাৎ মিঃ প্রফুল্ল সেন আসিয়া উপস্থিত হইল। আমাদের শেষ মিলনটা তত সুখের হয় নাই, তাই তাহার উদারতায় আমি একটু বিচলিত হইলাম। তাহাকে একটু অধিক প্রীতির সহিত অভ্যর্থনা করিয়া কুশল জিজ্ঞাসা করিলাম। সে কস্মিন-কালেও নিদ্বন্দ্ব নয়। সে বলিল—কি হে, তদন্তটা একেবারে ছেড়ে দিলে ?

আমি জোড় হাত করিয়া বলিলাম,—আর কেন ভাই ও সব কথা ? যেতে দাও না।

সে বলিল—না না, আমি আজ তোমাকে যদি নিশ্চয় চোরের সন্ধান না দিই, তাহলে—

আমি বলিলাম—ক্ষমা কর না ভাই, আর কেন সে কথা—

সে বলিল—কি মুঞ্চিল !

আমি বুঝিলাম, এই ছয় মাসে সে একটা কিন্তুু তকিমাকার থিওরি সৃষ্টি করিয়াছে। থিওরিটি আমার মস্তকে তর্কের দ্বারা প্রবেশ করাইবার জন্য আসিয়াছে। আমি বলিলাম,—ভাই বুঝেছি, মনখানেক থিওরি নিয়ে এসেছ।

সে বলিল—থিওরি কেন ? চোর ধরে এনেছি। এখন যদি চোর ধরিয়ে দিই ? ত'হলে কি আর এমনি খুলো-পায়ে বিদেয় দেবে। একটু ধৈর্য্য ধ'রে গুণ্ডতে দোষ কি ?

আমি তাহার মুখের দিকে বিস্ময়-বিস্ফারিত নেত্রে চাহিয়া রহিলাম।

লাল ছদ্ম

বাস্তবিকই পাগলা মাষ্টার। ভীষণ পাগল! চোর ধরিয়ে আনিয়াছে? লোভে প্রাণটা নাচিয়া উঠিল। উত্তেজনায় চক্ষু দুইটা জ্বালা করিতেছিল। বিধিমতে মনকে সংযত করিবার চেষ্টা করিলাম। পাগলের প্রলাপে আশার বাসা বাঁধিয়া শেষে কি নিরাশ হইব?

সে বলিল—সত্যই আজ চোর ধরিয়ে দেব। একবার কিন্তু আমার কথাগুলো শ্রবণ কর। দেখবে আমার কথাগুলো সব সত্য, তোমার সব ভুল।

আমি বলিলাম—বেশ, ভাল কথা। এখন দয়া করে অন্য কথা কও। আর যদি পকেটে বা ট্যাকে কোথাও চোর থাকে তাকে বার করে আমাকে চির-কৃতজ্ঞতা-পাশে বাঁধ। কিন্তু আর গিত্তরি গ্রহাণ—

সে বাধা দিয়া বলিল—না গিত্তরি না। সত্য খাঁটি একের নগরের সত্য। এই প্রথমে পোদারদের কেস্টা ধর। আমি বলেছিলাম যে, চুরী হয়েছিল ছদ্মবেশী কাফির দ্বারা—চোর গুলি ছুঁড়েছিল, মারবার জন্ত নয়, সে বাইরে গিয়ে অপেক্ষা করেছিল গাড়ীর এলারাম সিগ্‌নাল টানার জন্ত। সিগ্‌নাল টানার পর ধীরে ধীরে নেমে গাড়ীতে উঠে ছদ্মবেশ বদলেছিল—কেমন।

আমি কি করি? সে তো না শুনাইয়া ছাড়িবে না। কাজেই হতাশ ভাবে বলিলাম—বেশ।

সে বলিল—আচ্ছা! পাশেই একখানি ফাষ্ট ক্লাস গাড়ী ছিল। বুঝিতেই পার ফাষ্ট ক্লাসের যাত্রীর সাতখুন আপ। কেহ তাহাকে সন্দেহ করিতে সাহস করে না। বেশ! সেই যাত্রীর একটা কাফির মুখোস আছে মাত্র। সে টানেলের আগের ষ্টেশনে আস্তে আস্তে অন্ধকার

লাল দুহা

গাড়ীতে এসে ল্যাভেটারীতে লুকিয়ে রইল। টানেলের কাছে এসে আলো জ্বলে চুরি করলে, বন্দুক ছুঁড়লে, আলো নিভিয়ে গাড়ীর বাহিরে গেল। ট্রেন থামলে ধীরে ধীরে নিজের প্রকোষ্ঠে চলে গেল। মুখোসটা খুলে ফেললে আর সোনার ইটগুলি। যেখানে সন্দেহ হবে না, খুব সাধারণ ভাবে একটা বিছানার মধ্যে গুঁজে রেখে দিলে। সে যদি সাহেবী পোষাক পরে থাকে, কেহ তার বিছানা খুঁজবে না। আর যদি খোঁজ আরম্ভ হয় তো তার ঘর আগে খানাতলাস হ'বে না। বেগতিক বুঝে সে তালটাকে কমোডের ভিতর দিয়ে ফেলে দেবে। ধরা পড়লেও ভয় নেই, চোবে ফেলে গেছে। কেমন বুঝলে ?

আমি বলিলাম—ই্যা, জলের মত। এখন অনুগ্রহ ক'রে অন্য কথা কও।

সে বলিল—কেমন ? যে কথা বললাম, তাতে কোনো যুক্তির দোষ আছে ?

আমি বলিলাম—না, বিশেষ কিছুনা। তবে ফাষ্ট ক্লাসের লোকটার পক্ষে ঠিক জানা শক্ত যে, কি মাল আছে, এবং গাড়ীতে উঠবার সময় তিন জনের মধ্যে কেহ জেগে আছে কি না ?

সে বলিল—ই্যা, ঠিক বলেছ ! তোমার মাথা আছে। তবে কেন চোর ধরতে পার না ? ঠিক কথা। আচ্ছা, যদি গাড়ীতে তার একজন বন্ধু থাকে ?

আমি বলিলাম—এক্ষেত্রে সে রকম বন্ধু তো দেখিনি। পোদ্দার হ'জন নিজেরা ক্ষতিগ্রস্ত। তৃতীয় ব্যক্তি তুমি—

সে বলিল—আচ্ছা, আমি যদি বন্ধু হই, তা'হলে আমার গিওবি

লাল ছদ্ম

সম্ভবপর হ'তে পারে। আমার দিকে গুলি ছোঁড়ায় 'ঝিকে মেয়ে বোঁকে শিক্ষা' দেওয়া হ'ল। আমারও লাগল না, পোদ্দাররাও ভয় পেলে। দ্বিতীয় কথা, আমি চেন টানায় তবে লোকটা পালাতে পারল কেমন ?

আমি বলিলাম—হ্যাঁ, তুমি যদি চোরের সঙ্গী হও, তা' হ'লে হ'তে পারে।

সে বলিল—বেশ কথা। আচ্ছা, দ্বিতীয় কেস্টা নাও।

আমি কি করি ? থিওরিটা না গুলিলে রক্ষা নাই, সে ছাড়িবার পাত্র নয়। আমি বলিলাম—নাও।

সে বলিল—আমি গুয়ে আছি। সঙ্গের বন্ধুটি কাফ্রি সেজে একবার হানা দিয়ে গেছে। কাশিম চাবি বন্ধ করতে ভুল করেছে। ধীরে ধীরে গলেটা চুরি করেছি। গালুডিতে নামবার আগে যদি সে চুরীর কথা জানতে পারত, তা হ'লেও আমাকে ধরতে-ছুঁতে পারত না। কেন বল দেখি ?

আমি বলিলাম—মাল তোমার কাছে নাই, কাফির হাত দিয়ে পাচার করেছ। আর তুমি পদস্থ ব্যক্তি।

সে বলিল—বেশ কথা। এখন বোঝ, পদস্থ ব্যক্তি যদি চুরি করে, আর লোকে যদি নিজের পদার্থ সম্বন্ধে সাবধান না হ'তে পারে, তাহ'লে কারও রক্ষা নাই। পুলিশের-স্বয়ং অপযশ সব বাজে।

আমি অগত্যা বলিলাম—নিশ্চয়।

সে বলিল—আর একটু কথা আছে। চুরিটা যত সোজাসুজি করবে, তত ধরা না পড়বার সুবিধা। চোর ধরা পড়ে পালাতে গিয়ে, হাঁকু-পাকু করে।

লাল ছদ্ম

আমি বলিলাম—তাও জলের মত বুঝলাম। কিন্তু একটা কথা বুঝতে পারলাম না। পদস্থ লোক চুরি করবে কেন ?

সে বলিল—আঃ ! এই খানেই সমস্যা ! পদস্থ লোক চুরি করবে কেন ? হ্যাঁ, কেন পদস্থ লোক চুরি করবে ?

আমি বুঝিলাম এ প্রশ্নের জন্ম সে প্রস্তুত ছিল না। সে একটু ইতস্ততঃ করিয়াই বলিল—চুরি করবে কেন ? দেশের অবস্থাটা একবার ভাব দেখি। চারিদিকে সোনা ছড়ান আছে। কিন্তু সে সোনা বিদেশীরা নিয়ে যাচ্ছে কেন ? আমাদের টাকা নেই বলে। আচ্ছা, যদি এমন একটা বাণিজ্য সমিতি হয়, যাদের সভ্যরা এই রকমে অর্থ সংগ্রহ করবে, শেষে সেই অর্থ দিয়ে কারখানা খুলবে, তাহ'লে এরূপ চুরিতে দোষ আছে ?

আমি বলিলাম—চুরিতে দোষ আছে কি না, সে কথার জবাব দিতে পারে তোমার মত নীতিশাস্ত্রের অব্যাপক। তবে যাদের যায়, তাদের অবস্থাটা—

সে বলিল—হ্যাঁ, এটা কথা বটে। কিন্তু যাদের যায় তারা যদি খুব ধনী হয়, আর তাদের দ্বারা যদি অর্থের সদ্যবহার না হয় ? এক্ষেত্রে ধর আমি জানি পোদ্দার দুজন আর কাশিম করিম—

আমি বলিলাম—ভায়া, যেতে দাও, একথায় লাভ কি ? চোরকে তো চক্রধরপুরে দেখেছিলাম। সে চোর তুমিও নও, তোমার শ্রম-শিল্প সমিতির অপর সভ্যও না।

সে বলিল—বেশ ! যখন চোর এসেছিল, আমি তাড়াতাড়ি বাহিরে গিয়ে তার সঙ্গে কথা কহেছিলাম ? তারপর চোর কোথা গেল ? জ্যাক বার্লীকে নিয়ে কতই কেলেকুরী করলে ?

লাল ছদ্ম

আমি তাহার কথার ঠিক মর্মে গ্রহণ করিতে পারিলাম না। তাহার বক্তব্যটা কি? সে কি বাস্তবিকই বলিতে চাহে সে চোর? বেশ কথা, তাই বলুক তাহাকে ধরি। সে বলিল—চোরকে আনি?

একেবারে উন্মাদ! কি বিপদ! এ আসল পাগল! ধীরে ধীরে সে বাহিরে গেল! পরক্ষণে ফিরিয়া আসিল—সঙ্গে চক্রধরপুরের সেই—কাফি।

আমি দাঁড়াইয়া উঠিলাম। বিশ্বয়ে ও উত্তেজনায় সর্বশরীর কাঁপিতে লাগিল। কী বিভীষিকা! সমস্ত ব্যাপারটা যেন স্বপ্ন বলিয়া মনে হইতেছিল।

দেখিতে দেখিতে কাফিটা নিজের মাথার চুল ধরিয়া টানিল। সমস্ত মুখটা যেন খসিয়া গেল। দেখিলাম প্রফেসার-বন্ধু রায়।

প্রফুল্ল তাড়াতাড়ি একটা দেশলাই বাহির করিয়া মুখোসটাতে আগুন লাগাইয়া দিল। বোধ হয় তাহাতে কোনও রাসায়নিক পদার্থ লেপিত ছিল। নিমেষমধ্যে সেটা পুড়িয়া গেল। আমার ঘরের কোনে কোনে কতকটা ছাই উড়িতে লাগিল। রায় হাসিয়া বলিল—প্রকৃতিশূ হ'ন, বসুন।

সেন বলিল—কেন মুখোসটা পোড়ালাম বল দেখি? ওটা ভিন্ন আমাদের বিপক্ষে কোন সাক্ষী নাই। এখন আমাদের যদি তুমি ধর তো কিছু হ'বে না। অবশ্য সোনার ইট আছে। তা' সে সনাক্ত হ'বে না, আর কেহ খুঁজেও পাবে না। ভেঙ্গে ভেঙ্গে বেচেছি।

রায় বলিল—বলুন দেখি কাজটা কেমন “নিটলি” করেছি। চক্রধর-পুরে যদি ছুটে এসে ধরতেন তো বলতাম ঠাট্টা করছিলাম।

মাল ছদ্ম

পাগলা মাষ্টার বলিল—মাত্র ৬০ হাজার হ'য়েছে। অপরে আরও
করচে। যাক্ শিল্পের জন্ত চুরিও করছি।

হ'জনে নমস্কার করিয়া চলিয়া গেল। আমি স্থির হইয়া বসিয়া
রহিলাম। হাত পা বাঁধা—তাহাদের তক্ষর জানিয়াও ধরিবার উপায়
নাই। রিপোর্ট করিয়াই বা লাভ কি? সাত-পাঁচ-ভাবিয়া বলিলাম—
“চলোয় যাক্।”

ତୃତୀୟ-ପାଠ୍ୟ

- পাখীর খাঁচা -

এ-ইতিহাস যে কালের—সে সময়ে আমি ছিলাম দারোগা।
অবসর লইয়া কলিকাতায় বাস করিতেছিলাম।

আমি হাসিতাম, আমার সহধর্মিণী হাসিতেন। কি আপদ!
আমাদের পল্লীগামে কেহ ওগুলার দিকে তাকায় না। কিন্তু আমাদের
বাসার পার্শ্বে গফুর খাঁ রাজ্যের গাঙ্‌শালিখ, নেকড়ে শালিখ, পাউই,
হোরেল প্রভৃতি অতি সাধারণ শ্রেণীর পাখী আনিয়া সেগুলিকে খাঁচার
ভরিয়া রাখিত। আর খাঁচারই বা বাহার কত! কেহ গোল,
কেহ চারচৌক, কাহারও চূড়া মন্দিরের মত। প্রত্যেকটির নীচে
এক একটা সৌখীন হাতল-লাগান টানা—সেগুলো টানিয়া পিঞ্জরা
পবিস্কার করা যায়, পক্ষীদের আহাৰ্য্য সরবরাহ করা যায়। আমাদের
প্রতিবেশীর চিড়িয়াখানায় দুই একটা কাকাভূয়া, ময়না, লালমোহন
প্রভৃতি ছিল বটে, কিন্তু তাহাদের পিঞ্জরা বা দাঁড়ের অত চটক
ছিল না। সে পাখীগুলো গফুর খাঁর নিজস্ব! তাহারা বারো মাস
তাহার বাটীর সম্মুখে সাজান থাকিত, অতি যত্নে প্রতিপালিত হইত।
কিন্তু শালিখ বুলবুলির পাল চালান হইত। গুনিয়াছিলাম পাঁচ বৎসর
পাখীর ব্যবসা করিয়া গফুর খাঁয়ের এত ঐশ্বর্য্য।

লোকটা বাঙ্গালী মুসলমান—অশিক্ষিত লোক ধনবান হইয়াছিল,
তবু শিষ্টাচার বিস্মৃত হয় নাই। আমি অল্পদিন মাত্র কলিকাতায়
শরীর সারিতে আসিয়াছিলাম। তাহার বৃহৎ অট্টালিকার পার্শ্বে ২৭
টাকা ভাড়ার এক ক্ষুদ্র বাসার বাসিন্দা ছিলাম, তবু লোকটা আমার

লাল হুয়া

যথেষ্ট সম্মান করিত। আমার ভৃত্য, খোকাকে তাহার বাটীতে পাখী দেখাইতে লইয়া গেলে সে নিতাই তাহাকে উপহার দিত—কোনও দিন খেলনা, কোনও দিন ফল, কোনও দিন মিষ্টান্ন।

আমি মাথায় কাণে গলায় পশমের গলাবন্ধ তাহার উপর শাল জড়াইয়া, হাতে ঝালদার মোটা বাঁশের লাঠি লইয়া ধীরে ধীরে গোলদীঘিতে প্রভাতী বায়ু সেবন করিতে যাইতেছিলাম। গফুর খাঁ দরজার সম্মুখে একখানা বেঞ্চের উপর বসিয়া একটা চীনার সহিত কথা কহিতেছিল। আমাকে দেখিয়া সসম্মুখে উঠিয়া সেলাম করিল। আমি সেলাম করিয়া বলিলাম—‘খাঁ সাহেব আপনি আমার ছেলেটিকে মাটি করবেন। রোজ তাকে অত জিনিসপত্র’—

আমাকে বাধা দিয়া জিহ্বা দংশন করিয়া গফুর খাঁ বলিল—‘ছিঃ ভানুবাবু, ও কথা বলবেন না। আপনার ছেলে আমার গরীব খানায় আসে, আমার সৌভাগ্য।’

আমি আর জিদ করিতে পারিলাম না। ভাবিলাম খোকাকে যাওয়া বন্ধ করিব। কিন্তু ছেলে বড় পাখী ভালবাসে। খাঁ সাহেবকে বলিলাম—‘ছেলেটা ভারী পাখী ভালবাসে। পাড়াগাঁয়ের ছেলে কি না।’

সে বলিল—‘আজ্ঞে হ্যাঁ তা জানি। আমি খোকা বাবুর জন্তে ছুটে পাখী পাঠিয়ে দ’ব এখন।’

আমি বলিলাম—‘না না; তা করবেন না। ও দেখে যাবে এখন। আর আপনার যেসব পাখী, আমাদের মফস্বলে ওগুলোকে কেউ কষ্ট করে ধরে না।’

গফুর খাঁ হাসিয়া বলিল—‘আজ্ঞে তা জানি। কিন্তু আমি এদেরই

লাল হুয়া

দৌলতে এক মুঠা খেতে পাচ্ছি। এই একটা শালিকের বাচ্ছা চার পয়সা ছ' পয়সায় কিনি আর দশ টাকায় বেচি। খাঁচা, জাহাজ ভাড়া সব নিয়ে পাঁচ টাকা পড়ে। প্রত্যেক শালিখে নিট পাঁচ টাকা লাভ।

পাখীগুলা চালান হইত জানিতাম। কিন্তু সেগুলা যে অত দরে বিক্রয় হইতে পারে আমার সে ধারণা মোটেই ছিল না। আমি জিজ্ঞাসা করিলাম - বলেন কি? কোন্ দেশে এদের এমন কদর?

সে হাসিয়া বলিল—আপনি আর কিছু এ ব্যবসা করছেন না। আপনাকে বলতে দোষ নেই। এই আফিমখোরদের দেশে।

সে চীনাটার দিকে অঙ্গুলি নির্দেশ করিল। চীনবাসী হাসিয়া আমাদের তর্জনী দ্বারা সেলাম করিল। চীন দেশ সম্বন্ধে নানা প্রকার ধারণা করিতে করিতে আমি আমার “প্রভাতী ভ্রমণে” চলিলাম।

দুই চারিদিন পরে গফুর মিঞা পিতলের দাঁড়ে কাকাতুয়া পাঠাইয়া দিল। আমার কোন কথা শুনিল না। খোকার বড় আনন্দ, সহধর্মিণী মুখে দুঃখ প্রকাশ করিল বটে, কিন্তু মনে মনে বড় খুসী। উপহার পাইলেই স্ত্রীজাতির আনন্দ। গফুর খাঁর দুইটা ভাল মূলতানি গাভী ছিল। সে এক এক দিন আমাদের দুধ পাঠাইয়া দিত। পরে শুনিয়াছিলাম—তাহার তিনটা স্ত্রী, কিন্তু প্রত্যেকটিই বন্ধ্যা। তাই অপুত্রক গফুরের সহিত আমার খোকার অত সৌহৃদ্য জন্মিয়াছিল।

গফুর খাঁর নিকট নানা প্রকারের লোক আসিত। আমি পুলিশে কার্য্য করিতাম, অবশ্য গফুর তাহা জানিত না। আমি শুনিয়াছিলাম পুলিশের লোক প্রতিবাসী হইলে কলিকাতার লোক বড় সন্দেহের

লাল ছদ্ম

চক্ষে দেখে। তাই কাহাকেও আত্ম-পরিচয় দিই নাই। আমার পুলিশ-কার্যের অভিজ্ঞতার বলে মনে হইত যে, যে গফুর খাঁর নিকট যত লোক আসে প্রত্যেকটিরই চরিত্র যেন সন্দেহজনক। বলিতে লজ্জা করে, গফুর খাঁ। সম্বন্ধেও আমার মনে কেমন একটা অভদ্রোচিত সন্দেহ হইত। চীনদেশের লোক সিঙ্গাপুর, অষ্ট্রেলিয়া, মলয় দেশের দ্বীপপুঞ্জের কাকাভুয়া, লালমোহন, হীরামোহন প্রভৃতির আদর না করিয়া বাঙ্গালা দেশের শালিখ পাখার এত কদর করে কেন? কথাটা যেন কেমন অসম্ভব বলিয়া মনে হইত। কিন্তু গফুর খাঁ। সম্বন্ধে সন্দেহ হইলেই আপনাকে ধিক্কার দিতাম। পুলিশে কাজ করিলে লোকের মনে ভীষণ সংশয় আশ্রয় করে। বাস্তবিকই আমরা পুলিশে কার্য করিয়া সন্ধিগ্ধচিত্ত হই বলিয়া লোকে আমাদের বিশ্বাস করে না। এইরূপ চিন্তার বোঝা চাপা দিয়া গফুর খাঁ। সম্বন্ধে নীচ সন্দেহটুকু যাহাতে মাথা তুলিতে না পারে তাহার ব্যবস্থা করিতাম।

একদিন সন্ধ্যার পর গৃহিণী কতকটা পরমান্ন খাইতে দিলেন। স্ত্রী মন্দ রাঁধিলেও আমি চিরদিন তাঁহার রন্ধন-টপুণ্যের প্রশংসা করিতাম। অনেক আত্মীয়স্বজন বন্ধুবান্ধবের সহিত কথা কহিয়া বুঝিয়াছি, এরূপ কার্য প্রত্যেকেই করিয়া থাকেন। আজ কিন্তু পরমান্ন পরম পরিতোষের সহিত ভোজন করিলাম। গৃহিণীকে বলিলাম—আহা! পায়সটা যেন অমৃত হয়েছে, তোমার হাত খুব মিষ্টি।

স্ত্রী হাসিল—তৃপ্তির হাসি। সে বলিল,—খাঁটি হুধ না হ'লে এসব জিনিস ভাল হয় না। এ গফুর খাঁর হুধে তৈরি। সত্যি একটা কিছু কর। লোকটা রোজ আমাদের কিছু-না-কিছু দিচ্ছে।

লাল ছদ্ম

আমি বলিলাম—হ্যাঁ! এখনও তো দেড় মাস ছুটি আছে।
যাবার সময় ডালি দিয়ে গেলেই হ'বে।

পরদিন প্রভাতে বায়ু সেবন করিতে যাইবার সময় দেখিলাম—
মোটঘাট লইয়া অনেকগুলি পশ্চিমের লোক গফুর খাঁর বাটীতে
আসিল। এরূপ লোক তাহার নিকটে প্রায় আসিত! সে লোকগুলো
কেন তাহার বাটীতে সপ্তাহে সপ্তাহে আসে তাহা জানিবার জন্য কেমন
একটা কৌতূহল জন্মিল। গফুর খাঁকে জিজ্ঞাসা করিলাম—এ লোকগুলি
কে?

সে হাসিয়া বলিল—বাবু, ঠিক এক রকম ব্যবসায়ের চলে না।
এরা মফঃস্বল থেকে ঘি নিয়ে আসে। আমি কলকাতার বাজারে সেই
ঘি উঁচুদরে বিক্রী করি।

সেই দিন দশটার সময় খাঁ সাহেব কতকটা ঘৃত পাঠাইয়া দিল।
অতি সুস্বাদু বিশুদ্ধ ঘৃত। বাস্তবিক আশ্চর্যান্বিত হইল—পুলিসে কাজ
করিয়া মনের মধ্যে মিথ্যা সন্দেহ পুষ্টি রাখিয়াছি।

—সন্দেহ—

সে দিন গফুর খাঁ ঘরে ছিল না। তাহার একটি ভৃত্য ছিল—
লোকটা কোন জাতীয় তাহা নির্ধারণ করিতে আমার অনেক সময়
লাগিয়াছিল। পরে শুনিয়াছিলাম, লোকটার মা ব্রহ্মদেশীয়া এবং
পিতা হিন্দুস্থানী মুসলমান। তাহাকে সকলে নানকু বলিয়া ডাকিত।

লাল ছায়া

নানকুর বয়স কুড়ি-বাইশ বছর, তাহার কাজের মধ্যে কেবল গনুর খাঁর পক্ষীগুলির পরিচর্যা করা। সেদিন বেলা তিন চারিটার সময় আমার পুত্র মহা আনন্দে গনুর খাঁর খাঁচার করিয়া আমার গৃহে একটি শালিখ পাখী লইয়া আসিল। আমি বলিলাম—কে দিলে ?

সে বলিল—নানকু।

আমি বারান্দায় বাহির হইয়া দেখিলাম, উঠানে দাঁড়াইয়া নানকু বিড়ি টানিতেছে। আমি অতি আগ্রহে পুত্রের হস্ত হইতে পিঁজরাটি গ্রহণ করিলাম। সে পিঁজরাগুলি টিনের—বলিয়াছি, তলায় খাবার দিবার একখানি টিন আছে তাহার তলায় অপর একখণ্ড টিন। তাহা না হইলে সেখানি টানিলে খাঁচার তলায় কিছু থাকিবে না। যে টিনখানি টানা যায় তাহার চারিদিকে কানা আছে, খাঁচার নীচের টিন হইতে কানার উপর অবধি প্রায় তিন ইঞ্চি উঁচু। কিন্তু টিনখানি টানিয়া বাহির করিয়া দেখিলাম সেট মাত্র এক ইঞ্চি উঁচু। সেখানির এবং নীচের টিনের মধ্যে তাল হইলে দুই ইঞ্চি ব্যবধান আছে। উপর হইতে দেখিলে কিছু বুঝিতে পারা যায় না। এই ব্যবধানটুকু আরও দৃষ্টিগোচর হয় না, কারণ খাঁচার তলায় শুকানো ঘাস দেওয়া থাকে। বোধ হয় পাখীদের গরম রাখিবার জন্য। খাঁচাগুলি প্রায় দৈর্ঘ্যে ও প্রস্থে দেড় ফুট করিয়া।

পুলিসের মন। আবার ক্লেমন কু-ভাব আসিল, খাঁচাগুলার তলায় ১।।০ ফুট X ১।।০ ফুট X ২ ইঞ্চি একটি কামরা থাকে কেন ?

এমন সময় নানকু ডাকিল—বাবু!

আমি বাহিরে গিয়া বলিলাম—কি নানকু ?

লাল ছদ্ম

সে বলিল—খোকাবাবু কান্ছিল বলে পিঁজরা দিয়েছি। ওপিঁজরা দেবার মিঞার হুকুম নেই।

আমি বলিলাম—ওঃ! আচ্ছা পাঠিয়ে দিচ্ছি।

সে বলিল—খোকাবাবু রোয়ে তো জরুরি নেই।

আমি বলিলাম—না, ও কাঁদবে না।

আমার সহিত কথা কহিবার সময় নানকু বিড়ি নামাইয়াছিল! সে আবার নির্ভাবনায় বিড়ি টানিতে লাগিল। আমি খোকাকে সাধুনা দিয়া তাহার পিঁজরাটি প্রত্যর্পণ করিলাম।

তাহার পরদিন সংবাদপত্রে পাঠ করিলাম—

“অদ্ভুত বাতাবী—কাল লালবাজার পুলিশকোর্টে একটি বড় নূতন বুকমের মোকদ্দমা হইয়া গিয়াছে। এজ্জহারে প্রকাশ যে, কাষ্টম্‌স্ ইন্স্পেক্টার বৃগ্‌লু গত শুক্রবার দিবস উট্রাম ঘাটের জেটিতে পাহারা দিবার সময় দেখিতে পায় যে একটি চীনা হাতে একটি বাতাবী লেবু লইয়া মোটঘাট সহ রেঙ্গুন মেল জাহাজে আরোহণ করিতে যাইতেছে। তাহার হাবভাব সন্দেহজনক দেখিয়া বৃগ্‌লু সাহেব তাহাকে পন্টুনের উপর দাঁড় করাইয়া তাহার আসবাবপত্র তল্লাসী করেন। খানাতল্লাসীর ফলে কোন প্রকার পদার্থ না পাইয়া সাহেব রসিকতা করিয়া তাহার বাতাবী লেবুটি ভোজন করিবার ইচ্ছা প্রকাশ করে। অবশ্য চীনবাসী তাহাতে অসম্মতি প্রকাশ করে। তখন কাষ্টম্‌সের গোমেস সাহেব আসিয়া রঙ্গরসে ষোগদান করে। সে চীনার হস্ত হইতে বাতাবী লেবুটি কাড়িয়া লইয়া বৃগ্‌লুর দিকে নিক্ষেপ করে। বৃগ্‌লু সেটি লুফিয়া বড় আশ্চর্য্য বোধ করিল—বাতাবী লেবুটি কাঠের ভাঁটার মত ভারী। মিঃ বৃগ্‌লু ও মিঃ

লাল দুখা

গোমেস তখন বাতাবী লেবুটি কাটিয়া দেখে তাহার ভিতর হইতে সমস্ত শাঁস বাহির করিয়া তাহার ভিতর আফিম ভর্তি করা হইয়াছে। পার্শ্বে এক পয়সার আকারের একটু খোসা কাটিয়া তাহার ভিতর দিয়া সমস্ত শাঁস বাহির করিয়া তাহা অহিফেন পূর্ণ করা হইয়াছিল। পরে ভাল আঠা দ্বারা সেই রক্ত বন্ধ করা হইয়াছিল। প্রধান প্রেসিডেন্সি ম্যাজিষ্ট্রেট মিঃ সুইনহোর বিচারে চীনবাসীর ছয় মাস সশ্রম কারাদণ্ড হইয়াছে।”

সংবাদটি পড়িয়া শেষ করিবার পূর্বেই একমুখ হাসি লইয়া গৃহে আমার পুত্র প্রবেশ করিল। তাহার হস্তে নানা প্রকার বিলাতী খেলনা। আমি জিজ্ঞাসা করিয়া বুঝিলাম, গফুর মিঞা কলিকাতার বাহরে গিয়াছিল। খোকর জন্ত উপঢৌকন আনিয়াছে। অপুত্রক গফুর খাঁ আমার পুত্রকে স্নেহ করিত সে বিষয়ে আমার সন্দেহ ছিল না। আমি বাস্তবিক বড় অপদস্থ হইলাম।

—থানা-তল্লাস—

তখন বেলা চারিটা বাজিয়াছে। আমি সাক্ষ্য-ভ্রমণে বাহির হইতে ছিলাম। গফুর খাঁ দুইজন চাট্‌গোঁয়ে জাহাজী নাবিকের সহিত কথা কহিতেছিল। আমার কর্ণে তাহার শেষ কথাটা প্রবেশ করিল—আজ চারটা মাল ধাবে।

আমি তাহাকে অভিবাদন করিয়া বলিলাম—কি হ'চ্ছে?

সে বলিল—আজ মাল পাঠাব তার বন্দোবস্ত করছি। এঁরা

লাল হুশা

জাহাজের লঙ্কর। এঁদের হাত দিয়ে মাল পাঠালে ভাড়া লাগে না।
এঁদেরও লাভ হয় আর আমারও ফায়দা হয়।

আমি চলিয়া গেলাম। মনের মধ্যে তুমুল ঝড় উঠিল। কি করা
কর্তব্য! আমার মনে বিন্দুমাত্র সন্দেহ ছিল না যে, গফুর খাঁ পাখী
পাঠাইবার ভাগ করিয়া খাঁচার তলায় আফিম ভর্তি করিয়া চালান দেয়।
প্রকাশভাবে না পাঠাইয়া জাহাজের লঙ্করদের সহিত ষড়যন্ত্র করিয়া ঐ
বিচিত্র পিঁজরাগুলার সাহায্যে অবৈধ আফিমের কার্য্য করিয়া লোকটা
ধনবান হইয়াছিল। সে বিষয়টি মনের মধ্যে যতই আন্দোলন করিতে
লাগিলাম আমার সন্দেহটা যেন ততই বদ্ধমূল হইতে লাগিল। ঐরূপ
আকৃতির পিঁজরার সাহায্যে সে যে অবৈধ ব্যবসা করে তাহা নিঃসন্দেহ।
বাতাবী লেবুর মোকদ্দমার কথা পড়িয়া মনে আফিমের কথা উঠিয়াছিল।
চীনা বন্ধু—বিদেশ হইতে ঘৃত লইয়া প্রতি সপ্তাহে লোকের আমদানী—
চালানী খাঁচা অপর কাহাকেও দিবার ছকুম নাই—এমন কি খোকাকেও
নয়। লোকটা আমার শিশুকে অত ভালবাসে কিন্তু তাহাকেও একটা
চালানী খাঁচা—

আর ভাবিতে পারিলাম না। ট্রাম গাড়ীতে বসিয়া মুক্ত বাতায়নের
ভিতর দিয়া বাহিরে দেখিলাম। শত শত নরনারী মনের স্মৃথে যেন
ভাসিয়া চলিয়াছে আর আমি একাকী মনের মধ্যে কুচিন্তা পুষ্টিয়া একটা
ভঙ্গলোকের সর্বনাশের আয়োজন করিতেছি। আমার পুত্রের উপর
তাহার নিঃস্বার্থ স্নেহের কথা স্বরণ করিয়া প্রাণটা আরও দমিয়া গেল।
ছিঃ ছিঃ কি লজ্জার কথা!

আবার কর্তব্যের কথা ভাবিলাম—সরকারের অগ্নে আমি পরিপুষ্ট,

লাল ছদ্ম

ছুঁচের দমনের জন্ত আমার নিয়োগ । সমাজের লোক বলিয়াও আমার একটা কর্তব্য আছে । অহিফেনের ব্যবসা ত এক প্রকার বিবের ব্যবসা । আমি এ সংবাদ জানিয়া স্থির হইয়া থাকিলে আমার পক্ষে অধর্ম করা হইবে । কিন্তু শিশু—

আমার পুত্র আমার কর্তব্যের পথ বড় বিয়মভাবে রোধ করিয়া দাঁড়াইয়াছিল । আবার তাহার কথা স্মরণ করিয়া আমি গফুর খাঁর পক্ষে তর্ক করিতে লাগিলাম । আমার কর্তব্য আমার এলাকার ভিতর, এখানে কর্তব্য-ভার কলিকাতা পুলিশের উপর গুস্ত । সমাজের পাপ পুণ্যের ভার ভগবানের হস্তে, আমার ইহাতে কর্তব্যাকর্তব্য কি থাকিতে পারে ? বাস্তবিক লোকটার সৌজন্মে আমি গুস্ত । আবার পুলিশের স্মরণ—মন বলিল—বাপু, নিজের লাভের জন্ত কর্তব্য হানি করিলে ? আবার তর্ক করিয়া স্থির করিলাম যে বাস্তবিক আমি লোকটাকে ধরাইবার চেষ্টা করিতেছি—আয়োজিত জন্ত, পুরস্কারের লোভে, পদোন্নতির লোভে । সমাজ, ধর্ম, কর্তব্য প্রভৃতি বড় বড় কথা । বাসনার মূলে বেশ স্পষ্ট উজ্জল্য ভাবে অবস্থিত—লোভ ।

প্রত্যাবর্তন কালে ট্রামগাড়ি হইতে নামিতে হইল মুচিপাড়ার থানার সম্মুখে । আমাকে লইয়া একটা মহা টানাটানি চলিতে লাগিল । থানার ভিতর বাইব না বাসায় ফিরিব ? কর্তব্য ও শিশু—পদোন্নতি ও শিষ্টাচার—মহা আন্দোলন, মহাধ্বন্দ্ব । পার্শ্বে ফিরিয়া দেখিলাম ইনস্পেক্টর ।

তিনি আমার অভিবাদন করিলেন । আমার আর কতদিন ছুটি বাকি আছে জিজ্ঞাসা করিলেন । আমি বলিলাম—বলুছিলাম কি ? এই গফুর খাঁ—আমার প্রতিবেশী গফুর খাঁ—

লাল ছদ্ম

তিনি বলিলেন—হ্যাঁ গফুর খাঁ। চিনি গফুর খাঁকে—লোকে তাকে বলে চিড়িয়া গফুর। তারপর কতদূর বেড়িয়ে এলেন?

আমি বলিলাম—আছে এই বেহালা অবধি গিয়েছিলাম। তা আপনাদের থানার কাজ কর্ম কেমন? কোকেন কেস টেস, এই ওর নাম কি আফিম কেস—

তিনি বলিলেন—হ্যাঁ আফিম কোকেনের ছোট কেস পাই। আসল কর্তাদের তো ধরতে পারি না।

আমার হৃদপিণ্ড নৃত্য করিতেছিল। আমার হাতের ভিতর একটা মস্ত বড় আসল কর্তা রহিয়াছে। কিন্তু কিছুতেই মুখ ফুটিয়া তাহাকে বলিতে পারিলাম না। যতই কথার অবতারণা করিতে গেলাম, কথাটা পাকচক্রে কেমন ঘূর্ণীর মধ্যে পড়িয়া হাবুডুবু খাইতে লাগিল। আমি আর একবার মনের দুর্বলতাটাকে দমন করিয়া বলিলাম—অনেক আফিম বন্দায়, চীনদেশে চালান হ'য়ে যায়, অপচ—

তিনি বলিলেন—হ্যাঁ তাও জানি? কিন্তু ধরা যে বড় মুস্থিল।

তাহার কথা শেষ না হইতে একটা কুলির মাথায় গফুর খাঁর চারিটা খাঁচা লইয়া তাহার একজন ভৃত্য আমহাষ্ট্র' ষ্ট্রীটের ভিতর দিয়া আমাদের সন্মুখে বৌবাজার ষ্ট্রীটে আসিয়া পড়িল! বুঝিলাম তাহার কথামত গফুর খাঁ চারিটা মাল চালান দিতেছে। আর ভাবিবার সময় ছিল না, তর্ক করিবার অবসর ছিল না, পুত্রের মুখের ভাবনা আসিতে পারিল না। তখন জীবনের পুলিশ-বৃত্তি জাগিয়া উঠিল, কস্তব্যের কথা মনে হইল। আমি ইনস্পেক্টরকে বলিলাম—এই যে চারটে খাঁচা যাচ্ছে তল্লাস করুন দেখি, নিশ্চয় আফিম পাবেন।

লাল হুয়া

এই কথাটা বলিবার সময় আমার কি রকম মুখের ভাব হইয়াছিল জানি না। কলিকাতার পুলিশ ইনস্পেক্টর বাবু বলিলেন—আপনার কি অসুখ করছে? একটু জল খাবেন?

আমি বলিলাম—না মশায় নষ্ট করবেন না, শীঘ্র ধরুন, শীঘ্র ধরুন। নিশ্চয় আফিম আছে। টানাটা টানলেই দেখবেন নীচের ডহরে আফিম। আমার নাম করবেন না। বুঝলেন?

ইনস্পেক্টর ছুটিয়া গিয়া কুলিটিকে ধবিল। ভীষণ উত্তেজনায় আমার হস্তপদ কাঁপিতেছিল। ইনস্পেক্টর বাবু তাহাকে আমার সম্মুখে লইয়া আসিলেন। সঙ্গে সঙ্গে গফুর খাঁর সেই ভৃত্যটি আসিয়া উপস্থিত হইল। ইনস্পেক্টর বাবু প্রথমে একটি খাঁচা লইয়া সেই টিনের টানাটি টানিলেন। আমি নিখাস বন্ধ করিয়া দেখিতে লাগিলাম। তিনি আমার মুখের দিকে চাহিলেন। আমি উৎসুক নয়নে তন্ন তন্ন করিয়া খুঁজিলাম। আফিমের কোন চিহ্ন নাই। দ্বিতীয় খাঁচাটি ইনস্পেক্টর বাবু তল্লাস করিলেন—সমান ফল। তৃতীয়, চতুর্থ কিছু নাই।

তিনি আমার মুখের দিকে চাহিলেন, আমি তাঁহার মুখের দিকে চাহিলাম। গফুর খাঁর লোকটি আমাদের উভয়ের মুখের দিকে চাহিল। সকলেই নির্বাক। শেষে গফুর খাঁর লোকই কথা কহিল। সে বলিল—কি মশায়?

ইনস্পেক্টর বাবু বলিলেন—এ খাঁচা গুলি বেশ ভাল, তাই দেখছিলাম। আমার এমনি খাঁচা চাই।

লোকটা হাসিয়া বলিল—ছকুম করলেই হর। আজই মিঞাকে বলব এখন। এগুলো চালান যাচ্ছে, না হলে ছজুরের কাছে দিয়ে যেতাম।

লাল ছুয়া

তিনি বলিলেন—না আমার দরকার হলে চেয়ে পাঠাব।

লোকটা সেলাম করিয়া চলিয়া গেল। ইন্সপেক্টর বাবু একটু ক্রকুটি করিয়া বলিলেন—কাজটা একটু নোঙরা হল। আপনার মাথায় এ খেয়াল গেল কেন? গফুর খাঁ ও সব কাজ করলে আমাদের কানে খবর আসত না?

আমি বড়ই অপ্রভিত হইরাছিলাম। তাঁহার কথার উত্তর দিতে পারিলাম না।

ধীরে ধীরে গৃহে ফিরিলাম। একটু চেহারার পরিবর্তন হইরাছিল। স্ত্রী বলিল—আজ তোমার বড় বেশী মেহনত হ'য়েছে—এত বেশী বেড়ালে আবার অস্থখ করতে পারে। তোমার মুখ দেখে আমার ভয় হচ্ছে।

পরদিন প্রভাতে গফুর খাঁ আমায় ধরিল। সেলাম করিয়া বলিল—বাবু ছুটি ক'দিন আছে?

আমি বলিলাম—আর দিন কুড়ি পচিশ হবে।

সে বলিল—গোলামের একটা সন্ধ্যা শুনুন। ছুটি রদ করে কাজে ফিরুন।

আমি বলিলাম—কেন?

সে বলিল—আমাদের একটা বদ স্বভাব আছে, যে আমাদের কাজে হাত দেয় তার ছেলেকে কেটে ফেলি।

তাঁহার মুখে সেই সৌজন্যের ভাব।

সে বলিল—এই ধরুন পশ্চিম থেকে আমার আফিম আসে। এই আফিম জাহাজে চালান করি, বন্দার ভিতর দিবে চীন মুল্লুকে যায়। এক সের আফিম বেচলে চাল্লিশ পঞ্চাশ টাকা লাভ হয়। বুঝলেন দারোগা বাবু?

লাল হুশ্বা

আমি কিংকর্তব্যবিমূঢ় হইয়া শুনিতেছিলাম। তাহা হইলে সে জানিত আমি দারোগা, বোধ হয় আমার ভৃত্যের নিকট সংবাদ লইয়াছিল।

সে বলিল—পাড়াগোঁয়ে দাবোগা এসব কাজতো বোঝেন না। আফিম আমরা অন্য ঠাই রাখি। এখান থেকে খাঁচা চালান হয়, সেখানে আফিল ভর্তি হ'লে জাহাজে যায়। যদি দবা পড়ে, যে লোকটার দগলে আফিম পাওয়া যায়, তার জেল হ'বে। আইন আমার ছুঁতে পারে না। বুঝলেন ?

আমার বিশ্বাস, আমি খুব নির্দোষের মত তাহার মুখের দিকে চাহিয়া ছিলাম।

সে বলিল—দেখুন বাবু, আপনাব ছেলেটিকে আমি পেয়ার করি। কিন্তু আমাদের মত লোকের কোন দিল্ নেই। জরুরি বোধ করলে সব করতে পারি। এই কোরাণের কসম করে বলছি, যদি আব আমাদের সঙ্গে চালাকি করেন, আপনাব ছেলেকে টুকরো করে কাটব, আপনাকে—আপনাব জরুরকে—

লোকটার চক্ষু দিয়া অগ্নিস্ফুলিঙ্গ নির্গত হইতেছিল। আমার হৃদপিণ্ড স্পন্দিত হইতেছিল, মাথা ঘুরিতেছিল, তাহার শেষ কথা শুনা শুনিতে পাইলাম না। আমি ধীরে ধীরে গন্তব্যপথে না গিয়া তেলিগ্রাফ আফিসে গেলাম। সেই দিনই প্রথম ট্রেনে কলিকাতা ছাড়িয়া পলাইলাম। গাড়িতে উঠিবার সময় গফুর খাঁ আমার পুত্রকে কতক গুলা খেলনা দিয়া আমার বলিল—সেলাম।

উঃ! তাহার তিনটি অক্ষরে কি তীব্র বিব মাখানো ছিল!

এখন জানি গফুর খাঁ ব্যবসায়ী মিঃ নির্মলকান্ত রায়ের এজেন্ট ছিল।

সমাপ্ত

